

巨宋車陳堯謐高利

戊子十月  
巨宋題

圖



巨來陳陸豐富

戊子十月  
巨來題



## 例言

一族譜係一族之史，義取徵實，故託始於明嘉靖間生谷公之遷乍浦。乍浦陳氏有東西兩族，吾族則東陳也，雖同宗而未知服屬遠近，今斷以吾族東陳爲限，以「乍浦東陳族譜」標目焉。

二 吾族自汝師公纂修族譜，發凡起例，足資準繩；然其詔示後人，特明因革損益之義，願後之重修者，勿拘執成例，以求通變。今茲重纂，卽遵斯義，有革有因。如譜皆書名，援臨文不諱之義也。昔蘇洵撰族譜，獨於其祖父之名加諱字，而歐陽修所撰譜從同；後人用爲譏議。蓋譜者，一族之公，非一人之私也。故不從蘇氏譜。此其革也。於生者皆書時年若干歲，此其因也。昔實齋章氏，以史學名家。其論修志也，以爲後人改作，不當輕沒前人之功，是宜彙其敍例，別立「前志列傳」。庶幾筭路暨續，識前人開創之勤；因時制宜，明後人損益之道。用是彙錄汝師公以下敍例跋文，別爲「前譜敍錄」，以弁於編。倘有當於實齋立「前志列傳」之意歟？譜首世系表，所以使枝派分明，便於觀覽。標直線者明所出也，標直線而另加橫線者，直線明其所承嗣，橫線明其所出也。標虛線者，撫義子以爲後也。昔禾獻公珍重修族譜，於世次表外別立紀命紀生二表，意者用以明別生卒歟？今卽於世系表中稍加識別：凡名外加框者，示已歿也，不加框者，示生存也。

五 族譜按世次序列，首名諱，次所從出，三科舉官職或學歷經歷與技藝並著焉，四生卒年月日時，五配偶，六葬地，七子女。其或不知，謹付闕如。

六 立嗣者先著其所嗣，次著其所從出，先嗣父而後及其本生父。兼祧者分別主從，先著其所嗣，主也；後及其兼祧，次也。按繼嗣之道，推本宗法，自當取則周制。而七世備三公無子，嗣弟漢飛公爲後，以弟繼兄，遠援殷制。今援宗法之義，改殷從周，使世次不紊。

七 年七十以上稱壽，年二十歲以上始稱成人。未滿二十歲而歿者爲殤子，僅附著於所生者之後，不以入世系表及譜。其或有行誼可稱，或父母爲立嗣冥配不忍其殤者，雖不當於禮，推父母愛子之心，均依成人例載焉。

八 婦從夫書，不具名者稱氏。女從父書。凡有學歷行誼才德節操者，並加著錄。婦籍著其異不著其同，壻亦如之。婦翁壻父之有可著者附見，壻之學歷行誼亦附著焉。舊以壻之學歷名位備載於壻名之前，不便觀覽，今先列壻名，餘並附著。

九 傳狀碑志所以序次生平，凡嘉言懿行之足資矜式者並著焉。俾祖宗之德音不墮，芳徽足傳，後嗣繼志述事，守之無替。世之治譜系者於此復別出爲卷。今因仍舊貫，即以附於譜系之中，稍加次第；首附縣志列傳，次家傳，三略記，四墓誌銘，五軼事。並別編目次以明著之，庶便觀覽。他若婦翁之行事有可傳者，亦附著焉。

十 昔馬班著史，傳學人則載其論議，序文士則兼採辭章。後世儒林文苑之傳，於此並缺，實齋所致慨於史法之亡。族譜旣爲一族之史，故援章氏之議，別附藝文於傳誌之後。其有嘉言懿訓昭示子孫者，亦並著焉。

## 自序

乍浦陳氏有兩族，里人以東西別之，吾族則東陳也。兩族始遷祖皆原籍上元，其他間氏者不混。其遷乍也，皆在前明中葉，蓋係同宗兄弟，特未知服屬遠近耳。吾族始遷祖向居上元之大井頭，與後族始遷祖向居上元之水西門不同，則非近屬兄弟可知。至今子孫稱謂，皆序輩行，未嘗以年歲長幼或有差越。然東西之名，判然異矣。吾譜吾族，而但曰乍浦陳氏，一則疑其混乎彼族也，一則疑其蔑視乎彼族也，於義均有未安，故從里人所稱，亦以「東」字冠氏之上云。

萬物本乎天，人本乎祖。數典而忘祖，籍談之所以見譏于景王也。自宗法不能行于後世，而尊祖之道微。尊祖之道微，而敬宗收族之意遂不可問。譜者，維宗法之窮者也。宗法立，固當兼重乎譜；宗法廢，尤當專重乎譜。讓家自上元徙乍，六世以上未有譜。先大父懼其散而無紀也，爰哀聚其詳，繪之圖，立之傳，以爲譜；而世次之源原本本，一覽瞭然；而祖宗樸誠忠厚之概，亦展卷如睹矣。惜乎因宗人議後之事，而手澤竟以軼也。四房淡飛公歿，咸然謀所以爲後者，論紛紛未有所定。先君子因出先大父所纂譜形，俾其授以爲議。不謂議由是定，而譜爲是者所毀棄。論時往來，不可復得矣。先君子因本，時時記憶大略，述諸兒輩，以冀其克紹先大父之志。讓數數欲舉筆矣，顧于先世生卒年月及旁支諱字之屬，多有未詳。歲庚寅，偕族弟震千齋蕭薰沐，出神主于龕，敬視其陷中所書。又參考諸東關帝廟僧房所藏陰冊者，一一備抄之。于是整頓以爲書易易也，而因循至今者，意欲有所俟也。

欲俟夫身至上元而溯諸九世以上也。迺以貧賤故，衣食于舌耕，不能有彙旬之暇，不能爲三月聚糧之謀，歷二十年未之果。今髮如此種種矣，壽幾乎而更奚所俟，遂稍稍詮次，以庶幾不忘其祖之意。若夫踵事而增，以臻美備，則深有望于後之人。凡爲世次表六，記略三十三條，而附先府君先孺人行略于其後。

乾隆五十六年，歲在辛亥，七月上浣，九世孫謨謹序。

## 書後

汝師公模

前人族譜之例，有自始祖以下皆書名者，非也。譜者一家之私也，一家之私，子孫固得自遂其尊也。有作譜之人自諱其祖若父以上，而於旁支則遂名之者，亦非也。譜雖一人所作，而實一族之公也，一族之公，惡可以有所區別也。謨爲是譜，伯叔父以上皆諱其名，標其字，而繫以府君。自伯叔母以上，皆氏而繫以孺人。府君孺人，庶人之家子禮不得稱也。稱之者，從世俗之所同也。某某府君以下，分註子幾人，則直書其名，曰某某者，父前子名之義也。其名而繫以府君者，未有字，其辭窮也。兄弟而下皆標名，念銘寧遠于某兄也。不標名者，爲其已歿也。弟則雖已歿，亦標名也。兆麟姪也，標其字者，失其名也，非爲其已歿也。婦人自嫂以下，無論已歿未歿，皆直稱氏，氏固通稱也。現存之人，無論老若幼，皆書若干歲，示別也。覽者可以無疑矣。其或體例有不當，則願後之人之正之，慎無以先世之故而拘而不改。

句按：今茲重修，於譜例稍有因革，俱詳列

實，亦公願後人因時損益之義也。

億童年時，有鄰人業負販者，目不識一丁字，自紹興徙吾里者再世矣。人羣謂之李家，卽其人亦自謂李家。一日過其門，見殘書一冊，棄擲穢壤中，意欲取而焚之。視其首行，則鄭氏家乘也。因爲正其氏之誤，迄今其子若孫稍稍知爲鄭氏，非李氏云。夫其人之忘所氏者且已再世，而旁人猶得而正之者，幸其猶有此殘譜爾，否則惡得而知之，又惡從而正之。吾宗人其各執吾譜一冊，以垂於後，後世吾子孫安保無目不識一丁字如鄭氏其人者乎！

## 重修族譜序

語云：「莫爲之先，雖美而弗彰。莫爲之後，雖盛而無傳。」昔先府君以先大父所述前世行事及世次傳序族譜一冊。吾祖慈解愷惻之風，恍如在日。事雖因，其實創也。前之人彰其美，後之人敢不永其傳。歲壬申，先從兄燦若慨然有志於重修，旁搜廣詢，屬草稿未就，越明年癸疾，臨歿以授國器子維佐，使藏之，至今二十三年。珍年已六十，長恐遺先朝露，弗獲紹先志，垂後裔。願事體重大，非造次所能爲。去年十月，命維佐出所藏，反覆展閱，諱忌詳訪者三旬，始握筆重修之。首載先府君墓誌傳文四首，次繩繩世次表，三引次續記略二十一條，次紀命左右表，次紀生左右表，縱跋語一篇，附寄寧波便信於後，復繫之以詩，凡六章。又兼旬而成。兄子兄孫輩遂抄錄奉諸家。時道光十六年，歲在丙申，正月元日，十世孫珍謹序。

## 跋

謹按珍家自前明嘉靖間遷乍，迄今餘三百年。乃合族子姓，老少共計，止四十六人。來歸者老少共計，止十五人。衰微甚矣。原其所由，以不娶者多也。不娶之故，由於不能自立。昔先府君先伯兄嘗慨然有志於蘇州范氏邑中陸氏建祠裕後之爲。懷抱利器，數奇不得顯達，辜所願。況如珍之闕茸者乎！今兄子維佐，年已四十有七，奔走衣食不遑。維任亦無力赴棘闈，顯達終未易幾。雖



然，不識大義者，縱顯達亦不能與吾宗，物力高而識大義，不顯達亦能與吾宗。先府君願子孫爲讀書人，勿徒爲富貴人。良以識大義始不愧讀書人也。張揚園有言：「子孫賢，族將興。」識大義者賢也。卜子所云：「吾必謂之學者，」豈無人哉。詳先訓，著此以見欣然庶幾遇之至意云。

道光丙申正月朔日，十世孫珍謹跋。

【附錄】

一 寄寧波便信

道光三年六月廿三日，從堂叔父禾獻字付鎮林姪知。今後我家大有起色，觀山常山兩處祖墳俱已修好。煥文公公出錢，敬懷叔叔出力。觀山四葬，清明後七八日挑好，計錢三千文。常山十八葬，煥文公公應許修理，又怕合族有說話。我同合族商量，寫了一張一百千頭借據，出名的老小共二十七人，我這一輩十人，你這一輩十人，你兒子一輩七人，都寫在上面，交與煥文公公，卽行起土開工。東南西三面通身起埂，扒掉舊時東西泥埂，拔去盧裕昌占立界石，從新起埂，三面都是毛石作脚，小石墊堵，闊三尺，高二尺，上面蓋泥包草皮，厚八寸，通計三面新石埂，東首從轉北一直到山坡盡處，長二十丈零五尺，西首從轉北一直到山坡盡處，長二十丈，南首從東轉處至西轉處，長九丈五尺，共量得官尺五十丈。埂盡坡下豎立礪礪各數丈，圍護轉處。盡處埂外立大界石四塊，上書「陳氏祖塋」，左側書「道光三年修葺」。埂中外面砌小界石八塊，埂下田

岸上立小界石兩塊。西埂西側立水溝界石兩塊。十八葬各各加土增高。生谷公南泉公墳穴都有拱手。三月廿二做起，六月十六完工，共用洋八十二元，皆在煥文公公廠內支消。十八日，煥文公公邀齊合族到山謝土告祖，皆大歡喜。轉來在松美館設席三桌，合族共醉，將借據交付與我，當下燒燬。又叫敬懷叔叔再補坡下碾礫，要東西相連，後十幾日完工。又費洋錢九元。你日後歸家一看，便知明白。

按此信言雖鄙俚，一徵信錄也，抄存之。又前譜不云常山十六穴，外附一棺，而族人相傳皆以爲十八葬。石工亦言，中偏一處，以鐵叩之竟然，下必有槨，因使覆土培高爲十八封云。又按煥文翁之高祖奉雲府君，曾祖獻亭府君，始皆葬外觀山青龍觀，日漸圯不可支。甲午冬，亦命族兄瑚率佩建兄弟改葬諸內觀山，當祖塋左側之下坡。

二 詩

禾獻公珍

繩其祖武大吾門，繼繼承承化理原。當有崇高真富貴，會多紹述好兒孫。先民志永綿瓜瓞，遺訓昭能庇本根。往行前言牢記取，弟兄宗族樂無垠。

三 道光三年修葺常山十八葬祖墳列名及年齡表。（按：民國三十五年十一月十三日，爲卜吉合葬先考

先妣於常山，奉率子女自遷返乍，就伯琴族叔祖懋業假錄所修家譜，具載上表，因錄存之。

九世一人

十世十人

十一世十人

十二世七人中二人無可考

煥文公五十六歲

楷方公六十八歲

桂林公四十六歲

志謙公十九歲

國器公六十二歲

宗瑞公五十六歲

禾獻公四十七歲

綬青公四十八歲

玉和公四十六歲

泮和公三十八歲

鳴球公三十六歲

敬懷公五十歲

明元公四十三歲

楚町公四十四歲

岸如公五十歲

輔之公三十四歲

參之公二十七歲

肩之公三十一歲

立之公十九歲

鶴洲公十五歲

東生公九歲

思庵公廿歲

關亭公二十一歲

伯翼公五歲

揚三公四歲

景凡公約三十餘歲

## 重修族譜序

吾族自始祖生谷府君當前明嘉靖間，由江南江寧府上元縣之大井村，遷至浙江嘉興府平湖縣之乍浦鎮，迄今十有四世。先曾祖汝師府君以先高祖所述前世行事及世次傳序族譜一冊。爰若府君一修之。禾獻府君再修之。俾各房抄錄，藏諸家。咸豐庚申歲，先父肩之府君年六十八，慨然有志於重修，詳細搜訪者幾閱月，始屬筆。起草未及成編，而有粵匪之警，攜避於鄉。迨壬戌之夏，慘遭大禍，一併喪失。卽各房所藏舊譜，亦已無存。粵匪平後，族叔少溪自江北回里，攜有禾獻府君所修一冊。爾乃亟取而抄錄之。今距丙申之修，已四十載矣。若再遷延，恐愈久遠則愈難推求，故不憚握筆而重纂之。時光緒元年，歲在乙亥，八月朔日，十二世孫家龍謹序。

# 目次

## 前譜敘錄

一 自序

汝師公謨

一

叢和公大本李孫人傳略

平湖縣志

二六

二 書後（敘例）

汝師公謨

二

南英公大來傳略

汝師公謨

二七

三 重修族譜序附跋

禾獻公珍

四

陳南英先生傳

希和張誠

二八

【附錄】一寄寧波便信 二詩 三遺允三

先考南英府君行略

汝師公謨

二九

年修葺常山十八葬祖墳列表

先妣周太孀人行略

汝師公謨

三〇

四 重修族譜序

楊三公家譜

八

其鳳公如球張孀人傳略

汝師公謨

三一

## 世系表

先兄敬占傳

汝師公謨

三二

## 世譜

敬占公耀昌略記

禾獻公珍

三三

【傳志】

自撰墓誌銘

嘉興府志

三四

啓雲公所志傳略

汝師公謨

六

先子汝師公略記

汝師公謨

三五

孔彰公潘孀人傳略

平湖縣志

九

先室林氏傳

汝師公謨

三六

先祖考華仙府君傳略

汝師公謨

九

【附錄】妻叔父林學舉翁傳

汝師公謨

三七

先祖考華仙府君傳略

汝師公謨

二四

經綸公定昌略記

禾獻公珍

三八

【附錄】謝定三翁略記

汝師公謨

二四

親展公紹昌略記

禾獻公珍

三九

乍浦東陳族譜稿

目次

一

拱文公朝魁略記	禾獻公珍	四	五如公鎮林略記	禾獻公珍	五
陳君煥文傳	姚椿木	四	岸如公維偉略記	禾獻公珍	五
煥文公朝偉略記	楊三公家龍	四	廣明公維仲略記	禾獻公珍	五
俊超公震千略記	禾獻公珍	四	輔之公維佐略記	禾獻公珍	五
雙燭公感昌略記	禾獻公珍	五	參之公維儀略記	禾獻公珍	五
丕嘉公斯祥略記	禾獻公珍	五	先嚴鶴軒府君略記	楊三公家龍	六
紹嘉公介爾略記	禾獻公珍	五	鶴軒公維任略記	楊三公家龍	六
燦若公璋略記	禾獻公珍	五	心泉公燦傳略	楊三公家龍	六
楷方公庭略記	禾獻公珍	五	靈生公鍊略記	恒安翁樹常	六
國器公璞略記	禾獻公珍	五	楊三公家龍略記	恒安翁樹常	六
佩蒼公瑀略記	禾獻公珍	五	三女靈節述略	鶴軒公維任	六
宗瑞公珠略記	禾獻公珍	五	浙紳陳渭漁作古	申報	六
禾獻公珍傳略	嘉興府志	五	伯誠公鴻緒莫大略記	申報	六
禾獻公珍略記	楊三公家龍	五	瀛士公鴻昌略記	申報	六
端培公樹本略記	禾獻公珍	五	惠嘉公樹聲略記	申報	六
玉和公佩瑀楊插人略記	禾獻公珍	五	叔秉公懿德惠播人略記	申報	六
雲溪公佩蓮傳略	平湖縣志	五	平湖陳紳若先生墓誌銘	通尹金問洙	六
族叔祖雲溪公傳	楊三公家龍	五	先嚴紳若府君哀啓	甸鳴	六

憶母親（辨若公翰墨太孺人）

詞 一四

先慈廖太孺人哀啓

二句 嗚 一五

靈閣憶語

勉成辨大年 一五

振中公炳衡略記

迪侯翁樹棟 一六

【葬訓】

豫書遺言 附燦若公豫跋

汝師公謨 一七

【藝文】

自挽聯

汝師公謨 一八

取侮

汝師公謨 一八

哭次從孫維倬文

汝師公謨 一九

題張仙槎先生寶泛樓圖

燦若公瓌 二〇

雲溪公畫像題辭

勉如徐申錫 二一

哭潤生姪詩

政軒汪堯辰 二二

適廬詩存

少卿公鴻臚 二三

明月篇 翠喜曲 題趙詠琴廣文遺照

辨若公翰 二四

醉後懷馥卿 秋味 寒夜 秋老 憶內

爲刻書集資減潤齋字啓

辨若公翰 二五

乍浦東陳族譜稿 目次

辨若公翰 二六

乍浦東陳族譜稿 目次

辨若公書聯

二七

三生閣詩詞稿

若仙處孺人芝

二八

搗練子三首 上西樓三首 十六字令二首

二九

烏夜啼 聞鄰居喧聲

【書後】

書獻章公後論未娶立嗣

汝師公謨

三〇

書漢飛公後論以弟嗣兄

汝師公謨

三一

【考證】

南舉公下事跡考

汝師公謨

三二

啓雲公所志下事跡考

句

三三

子淑公側室考

禾獻公珍

三四

一世至五世壘域考

伯琴翁懋業

三五

政和公大本李孺人考

句

三六

重修圖澤鄉祖塋略記

句

三七

汝師公謨著述考

句

三八

國器公璞著述考

句

三九

讀史摘論兩（禾獻公珍著述）序

汝師公謨

四〇

跋

句

四一

# 乍浦東陳族譜稿

## 一世

生谷 始遷祖 諱及生卒年月日時均無考。明嘉靖間由江南應天府上元縣大井村

遷至浙江嘉興府平湖縣乍浦鎮。句按：清順治二年改應天府爲江寧府。民國二年廢

府，併上元縣入江寧縣。十六年，國民政府定都南京，分江寧縣附郭地入南京市。今南京市城

南中華門有大井巷，近大小荷花巷、小西湖，湖爲明武宗巡幸處，東城志略稱爲「春水鴨欄，夾

以桃李」者也。考上元地今率併入南京市，朝市改易，昔之爲大井村者，倘卽今之大井巷歟？

以醫名。

配某氏。姓氏及生卒年月日時均無考。

合葬常山。句按：在常山十八葬中央有拱手者，見前序附錄禾獻公寄寧波便信。

子南皋。



## 二世

南皋 生谷子。以醫名。諱及生卒年月日時暨配偶均無考。

祔葬常山生谷塋域。句按：在常山十八葬中央有拱手者，見同上禾獻公寄寧波便信。

子六：長濟川，次泮泉，三岐山，四心葵，五繼皋，六肖南。

〔記略〕書族譜記略南皋府君下

汝師公謨

謨家自伯父致和府君以上，皆業醫。高祖考啓雲府君之世，有贈以對聯者曰：「一程尊孔孟，五世業岐黃。」由啓雲府君以上溯始遷祖，遠五世。則生谷府君自上元來乍，即以醫爲業可知。旁支多他業，或遊庠者。累世相傳，前明時，倭寇內犯，泊舟吾乍，謀深入。小頭目以下病疫者幾三之一，疫勢猖甚。其會大索醫者。吾祖匪不得免，遂爲所驅以往。始至，不肯爲治。脅之以兵，則曰：「病猶可爲也。雖然，願與將軍約：病愈，願將軍之無復深入也，否則有死不能從命！」會許諾。又要之誓而處之方，俾資數大鍋。衆病者牛飲之，不數劑，其病良已。會大喜，竟揚帆去。先府君在時，屢爲兒輩言此事。且云：「爾大父所墓譜，載之甚詳，吾不能全憶也。」按嘉靖三十五年，胡宗憲平倭，此當在三十二年前，係生谷府君之子若孫，吾八世祖或七世祖事也。不能確指爲某府君，然似南皋府君爲近之。此事前邑志俱不載，當因吾先世無顯者，而愛筆之人略之。（句按：此事載平湖縣志人物列傳，誤認爲啓雲公所遺事，詳頁六考證。此事入志當在汝師公身後，故汝師公云郡邑志俱不載也。）

三世

濟川 南皋長子。生卒年月日時俱無考。塋域參五世末附考。

泮泉 南皋次子。生卒年月日時俱無考。塋域參五世末附考。

岐山 南皋第三子。生卒年月日時暨配偶均無考。塋域參五世末附考。

子養心。

心葵 南皋第四子。生卒年月日時暨配偶均無考。塋域參五世末附考。

子弘可。

繼皋 南皋第五子。以醫名。生卒年月日時暨配偶均無考。塋域參五世末附考。

子三：長皋雲，次敬皋，三九皋。

肖南 南皋幼子。生卒年月日時俱無考。塋域參五世末附考。

四世

養心 岐山子。生卒年月日時暨配偶均無考。塋域參五世末附考。

子茂之。

弘可 心葵子。生卒年月日時暨配偶均無考。塋域參五世末附考。

子三：長君所，次涵字，三新發。

皋雲 繼皋長子。以醫名。諱及生卒年月日時暨配偶均無考。塋域參五世末附考。

子三：長所志，次所用，三奉雲。

敬皋 繼皋次子。諱及生卒年月日時暨配偶均無考。塋域參五世末附考。

子敬雲。

九皋 繼皋幼子。生卒年月日時暨配偶均無考。塋域參五世末附考。

子益雲。

## 五世

茂之 養心子。生卒年月日時俱無考。旬按：三房遷居鄉里，聲聞久寂，故其詳不可考。瑩域參五世末附考。

君所 弘可長子。生卒年月日時俱無考。瑩域參五世末附考。

涵宇 弘可次子。生卒年月日時暨配偶均無考。瑩域參五世末附考。

子二：長子玉，次子淑。

新發 弘可幼子。明萬曆三十四年丙午十月二十二日亥時生，清順治二年乙酉閏六月二十六日辰時卒。年四十歲。瑩域參五世末附考。

所志 皋雲長子，字啓雲。以醫名。明萬曆三十二年甲辰□月□日□時生，清康熙七年戊申□月□日□時卒。年六十五歲。旬按：生卒年據汝師公撰撰孔彰公 潘鑑人傳略，謂「生華仙府君，十年而啓雲府君卒。」華仙公生於順治己亥，因據以推定。  
配無考。瑩域參五世末附考。

子三：長時政，次孔彰，三時恆。

【傳略】高祖考啓雲府君傳略

汝師公謨

啓雲府君，諱所志，舉雲府君長子。爲人治病，無貧富，不計所酬。惟不喜與宦家交。性儉樸，身不衣絨帛。邑中有士夫病危篤，諸醫無所措，雅聞府君名，委曲介友朋致書幣，乃往。主人盛供張，肅衣冠，與諸醫整飭以俟。及至，則布袍皂帽，宛然一田野人也。視脈後，爲論症處方。甫畢，遽起曰：「可兩劑愈，吾不必復來矣。」遂行，主人挽留之，不可得。一座盡驚。【有贈以聯曰：「一經尊孔孟，五世業岐黃。」蓋實錄也。】引據中語，句據汝師公著族譜記略南舉府君下補。中年連喪子，所存僅一幼孫。府君雖痛甚，時時自慰曰：「天必不殄吾後，吾知吾孫之成立也。」已而果然。卒年六十有五。

【考遊】句按：平湖縣志人物列傳：「陳啓雲，世業醫。嘉靖時，倭寇內犯，泊舟於乍，謀深入，多病疫者。其會索醫得啓雲。始至，不肯診治，臨以兵，則曰：『若毋深入，我爲療治。』會許諾，要之誓而處之方，俾煎數十鍋，病者牛飲之，不數劑，病皆已。會大喜，揚帆去。」會志方技此事據汝師公所考，云「不能確指爲某府君，然似南舉府君爲近之。」更證以年歲，啓雲公生於萬曆甲辰，而倭寇江浙在嘉靖甲寅時，相去五十年，其決非啓雲公事可知。

所用 舉雲次子。生卒年月日時俱無考。塋域參五世末附考。

奉雲 皋雲幼子。生卒年月日時俱無考。

配葉氏。生卒年月日時俱無考。

合葬南灣砲臺畔。

子獻亭。

敬雲 敬皋子。生卒年月日時俱無考。塋域參五世末附考。

益雲 九皋子。生卒年月日時暨配偶均無考。塋域參五世末附考。

子獻章。

〔附考〕芻按：以上自一世至五世祖塋計共二十二葬，除五世奉雲公另葬南灣砲臺畔外，尙計二十一葬。考觀山祖塋四葬，益以常山十六葬另附一棺，正合二十一葬之數。見前序附錄朱獻公寄家波  
便信。是五世祖塋，除五葬外皆在常山也。惜觀山四葬爲誰，今不可考耳。

## 六世

子玉 涵字長子。清邑庠生。生卒年月日時俱無考。

子淑 涵字次子。生卒年月日時俱無考。

配徐氏。明天啓七年丁卯□月□日□時生。卒年月日時俱無考。

側室陶氏。清康熙元年壬寅十一月二十六日酉時生，雍正五年丁未正月十四日午時卒。年六十六歲。

子二：長備三，徐出。次漢飛。陶出。

【考證】錄前譜續紀略

禾獻公珍

按前譜世次表，六世子淑府君下注側室陶氏，係燦若改正，信而有徵，故因之。燦若將修譜，使裕堂子均抄其影堂主中所載生卒，其子淑府君配徐孺人生卒備載前譜記略，而陶氏生康熙元年壬寅十一月二十六日酉時，歿雍正五年丁未正月十四日午時，年六十六歲。漢飛府君之生以壬戌，時徐孺人已五十六，所生備三府君已二十七，陶甫二十一歲，則漢飛府君之爲陶出，陶之爲側室，無疑也。

時政 所志長子。生卒年月日時俱無考。年二十一歲。

未娶。

孔彰 所志次子。業醫。明崇禎十一年戊寅□月□日時生，清順治十四年丁酉□月□日時卒。年二十歲。句按：生卒年據平湖縣志列女「陳孔彰妻潘氏，順治丙申年十八歸孔彰，」甫逾年寡。知孔彰公卒於丁酉。據譜，公卒年二十，由是上推至崇禎戊寅爲公生年。

配潘氏，守節撫孤，位入節孝祠。明崇禎十二年己卯□月□日時生，清康熙三十三年甲戌□月□日時卒，年五十六歲。句按：生卒年據縣志推算。子永擲。

【傳略】平湖縣志列女

陳孔彰妻潘氏，順治丙申，年十八，歸孔彰。孔彰爲父所志中年所得子。父業醫，見父年逾艾，思代厥勞，日夜求精其術，竟病瘵，亡時，結襦甫逾年也。潘矢志守貧，撫遺腹子永擲，紡織度日。姑蔣氏，性嚴毅，稍不憚，潘輒長跪。命之起，乃敢起。鄉人以爲難得。永擲長，能世其業。得藥資，卽以奉母，故潘晚年家稍溫飽，然猶力作不倦。年五十六卒。王志先會祖妣潘氏孺人傳略

汝師公謨

潘氏孺人，會祖考孔彰府君配也。先是高祖考啓雲府君，以長子年二十一未娶而亡，竟以無



子，因蚤爲府君營婚娶。不意未半載而府君又歿矣，年僅二十歲。孺人痛哭過甚，輒力爲自持，強進饘粥，曰：「吾有娠，幸而生男，可延祖宗一脈，以慰吾舅姑心，安敢不自愛而自戕爲！」已而生華仙府君。方其始，啓雲府君猶在上，薪水無所缺。孺人專以育子爲心，荏苒十年，而啓雲府君卒。貧窶甚。孺人上奉適姑，下撫孤子，甘旨及從師館餼之費，大抵從十指出，操作常過夜分。鄰人有莫翁者，每稱歎云：「吾里有陳節婦，不復患盜偷矣。」及華仙府君長，能致孝養，請自逸，猶非漏下二鼓不寐也。卒年五十有口歲。歲壬寅，邑令湘潭孫侯修邑志，聘陳典編纂。節孝一門，雖非所司，苟爲同事一言，孺人事無不可補入。而未嘗言者，一則以所列冗雜，不足爲重也。一則以隔越百年，鄉黨無所取證，恐補入之，或疑其緣飾也。己酉冬，遊義王侯復修邑志，亦聘陳典編纂。同人有來訪及之者，乃始載入。然所記頗略且泛，又都其所采，亦猶壬寅之投也，夫惡足以爲重。竊志之，行將求大人先生有學有行者傳爲列傳，以彰我先世之德。

時恆 所志幼子。生卒年月日時俱無考。早卒。

獻亭 奉雲子。生卒年月日時俱無考。

配丁氏。生卒年月日時俱無考。

祔葬南灣墩臺畔奉雲塋域。

子振洪。

獻章 益雲子。生卒年月日時俱無考。

未娶。

嗣□□子聚洲爲後。

【書後】書族譜世系表獻章府君下

汝師公謨

謹按獻章府君不見所配，神主廟中及會房陰冊皆然。則是未嘗娶也。未嘗娶而爲置後，抑亦前人過厚之意歟！夫獨陽不生，獨陰不生，獨天不生，是故已娶無子可爲置後者，以其有可以生之理也。不娶不可爲置後者，以其無可以生之理也。先叔父三耶府君，年十六殤。先府君言及，必痛傷之。及生諱，歎命爲之後。既而以未娶不可置後，遂不果。而但使禮祀而已，所謂不以仁掩義者歟！或疑禮有爲殤後者以其衣服之文。殤且可爲置後，況非殤而未娶無子者，又何不可爲置後？不知爲殤後者云云，爲大宗宗子言之，非謂凡殤者皆可爲置後也。大宗宗子有君道，所謂爲後者，繼其統也，非繼其世而爲之子也。其次當以同昭穆者，猶兄終弟及之義也。雖曰後殤，實後殤之祖稱也。以其服之，服君之義也。非然，繼人之世而爲之子者，孰不以子之服服之，而何容特著其文以曉人歟！

## 七世

備三子淑長子。清邑庠生，內閣中書。順治十三年丙申□月□日□時生。

卒年月日時無考。

配費氏。清順治八年辛卯十二月十六日巳時生，康熙四十四年乙酉七月十九日酉時卒。年五十五歲。

嗣弟漢飛爲後。句按：以弟嗣兄，殷道也，以子繼父，周道也。宗法從周，謹遵汝師公議，還漢飛公於七世之次。

漢飛

句按：舊嗣兄備三公後屬八世，今從汝師公議還於七世之次。子淑次子。清康熙二

十一年壬戌五月二十九日亥時生，雍正六年戊申六月初十日酉時卒。年四十七歲。

配劉氏。清康熙二十一年壬戌十一月初五日卯時生，雍正七年己酉二月二十六日丑時卒。年四十八歲。

嗣□□子念銘爲後。句按：念銘公屬九世，舊以漢飛公屬八世，故以爲嗣。今還漢飛公於七世，而仍以念銘公屬九世，求無紊世次也。

【書後】書族譜世系表漢飛公下

汝師公謨

謹按四房自心葵府君以下，歷世單傳。心葵府君僅有一子弘可府君，弘可府君雖有三子，而長及幼皆絕，則僅涵字府君一人。涵字府君雖有二子，而長又絕，則僅子淑府君一人。備三府君與弟漢飛府君皆子淑府君之子。又復無子，本房原無可繼者。然方是時，三房未嘗單傳也，是當擇其世次相當者入嗣可也。卽或三房亦僅單傳，三房久遷居鄉里，聲聞懸絕，故其詳不可考。則五房世次相當者，亦可入嗣也。奈何使漢飛府君以弟彌兄，以宗易祖也。相傳主此議者爲戚黨徐氏，於宗族諸人無與。於是乎一素無所不紊，而念銘某之族兄，自三房出後漢飛府君。遂復以祖易宗，以孫彌祖矣。然則漢飛府君無子，其歿也，擇所當繼者，斯時可并從前之失而正之歟？曰，何爲不可。還漢飛府君於七世之次，吾族在前明嘉靖中由上元遷乍，自始遷祖至備三府君，兄弟凡七世。漢飛府君既後備三府君，降列八世之次。而於八世中擇二人焉，一爲備三府君後，一爲漢飛府君後，此不易之論也。且安知漢飛府君之不亦有此意也。備三府君歿，漢飛府君自顧年尙壯，庸詎料己之無子，庸詎料己之必不有數子而可以爲兄後乎！至於身歿無子，而其志乖矣。於八世中擇二人焉爲兩世後，或亦漢飛府君權攝喪祭以待己之有子之意乎？

永擲 孔彰子，字華仙。以醫名。清順治十六年己亥□月□日□時生，康熙四十七年戊子□月□日□時卒。年五十歲。

配謝氏。清順治十七年庚子□月□日□時生，康熙四十八年己丑□月□日□時卒。年五十歲。

子三：長大本，次大來，三大業。小字三郎，年十六歲薨。

女適陸氏。句按：汝師公之長姑。女生女適業氏，與汝師公爲中表姊弟，幼失怙恃。

【傳略】先祖考華仙府君傳略

汝師公諱

華仙府君，諱永博，孔彰府君子，遺腹生。祖啓雲府君絕愛憐之。而母潘氏孺人教督有法度，不稍爲姑息。每日自塾歸，必使誦讀至更餘。府君性穎悟，年十四五，卽能讀先世書。有勸以習舉子業取科第者，則謝曰：「吾祖母年且耄，吾母勤劬將二十載，吾欲繼祖宗業，且夕具甘旨以爲娛，不能待祿養也。」甫弱冠，名隆隆起，求治疾者踵至。府君爲人，輕財好施，憂人之憂，急人之急，未嘗以求田問舍繫其心。又好客，春秋佳日座常滿，所獲金錢輒隨手盡。檢方書暇，喜爲人稱說舊聞，於嘉言懿行尤津津弗置。家未有譜，府君「懼其散而無紀也」，創爲之。「爰哀聚其詳，繪之圖，立之傳，以爲譜；而世次之源原本本，一覽瞭然；祖宗樸誠忠厚之概，亦展卷如睹矣。惜乎因宗人議後之事，而手澤竟以軼也。」引據中語句據汝師公東陳族譜序補，事詳原序。卒年五十。配謝氏孺人，恭儉孝敬，事祖姑與姑皆得其歡心，教子一以姑爲法。少府君一歲，其歿也亦後一歲。

【附錄】謝定三翁爲謝孺人之兄子，商海外暹羅廣口諸國，以智略爲其王大臣所重，與爲布衣交。每泊舟，抽分之類獨寬。其子崑源名漢，精音律，商日本暹羅廣口諸國。一子武生諱方，娶婦二十年，不能舉一雄，無後。

振洪 獻亭子。生卒年月日時俱無考。

配高氏。生卒年月日時俱無考。

合葬東門外。

子三：長如恆，次如琳，三如升。

聚洲 獻章嗣子。生卒年月日時暨配偶均無考。

子三：長南昭，次南揆，三廣元。

## 八世

大本 永搏長子，字致和。業醫。清康熙二十五年丙寅□月□日□時生，四十九年庚寅□月□日□時卒。年二十五歲。句按：生卒年據平湖縣志列女：「陳大本妻李氏，康熙庚寅大本亡，」及譜載大本公年二十五歲推定。

配李氏，撫孤守節，位入節孝祠。句按：伯琴翁樂業所藏譜，載八世其鳳公如琳配張太欽襄節孝，並建坊，有「勵志七句如一日，苦心四十有三年」之聯。據汝師公讓所撰傳略，張太年僅四十有七，疑或係致和公李太事。然據傳「守節四十八年」句與「四十三」年稍有不協，恐係文人修飾之詞。故稱「七十一」則舉成數曰「七句」，稱「四十八年」則諧平聲而曰「四十三」歟？清康熙二十六年丁卯□月□日□時生，乾隆二十一年丁丑□月□日□時卒。壽七十一歲。句按：據縣志，康熙庚寅，孺人年二十五，則守節四十八年，卒年當爲七十二。但據汝師公所撰傳略，享年七十一，即康熙庚寅，孺人當年二十四方合。疑縣志之作二十五，係致和公年二十五卒之誤。今即據康熙庚寅孺人年二十四推定。

子定元。

【傳略】平湖縣志列女

陳大本妻李氏。康熙庚寅，李年二十五。大本亡，子定元甫三歲。大本世業醫，得藥資，輒以贈貧者。及歿，貧無斂。其弟大來亦窘，拮据以營喪具。李曰：「未亡人累叔氏久矣，請勤操作以

相助。合爨者二十年，無間言。生平艱苦備嘗，年七十二卒。王志

伯母李氏孺人傳略

汝師公謨

李氏孺人，伯父致和府君配也。府君弱冠承世業爲良醫，年僅二十五卒。孺人矢志守節，子定元，甫三歲。孺人曰：「吾知撫孤而已，吾以薪水累吾叔氏矣。」又曰：「王姑，吾法也。」孺人稱未亡人後，斷酒肉，終身不御。孺人稱未亡人後，亦斷酒肉，終身不御。孺人勤勞甚，機杼聲晝夜軋不絕，孺人亦勤勞甚，機杼聲亦晝夜軋不絕也。守節四十八年，卒年七十有一。

大來 永搏次子，字南英。清康熙三十年辛未十一月二十六日□時生，乾隆四十六年辛丑閏五月初八日□時卒。壽九十一歲。

配周氏。清康熙三十年五月初九日□時生，乾隆十八年癸酉三月二十二日□時卒。年六十三歲。

合葬平湖圖澤鄉。

子二：長耀昌，次謨。

女二：長耀昌姊。清康熙五十八年己亥生，乾隆四十六年辛丑卒。年六十三歲。適□氏。次乾隆四年己未生，嘉慶十年乙丑卒，年六十七歲。適陸氏。



【傳略】平湖縣志人物列傳

陳大來，字南英，性廉直。戚謝氏，延之主會計。非分所應得，絲毫不苟取。謝有子弟爲商者，積逋巨萬，無所措。大來有田半頃，悉鬻以代償。有金某業甌，負人錢五萬，方欲自經，大來救之，詢其故，又爲籌償之。兄歿，撫姪倍致其愛云。卒年九十一。

陳南英先生傳

當湖翁和張誠

乍川有篤行君子，年九十一而歿者，曰陳南英先生。先生少孤，喪三年，頽乎其至。既葬，將祭，比時具物，則備。歲正月上日，展先世影堂，朝夕上日跪拜如禮。父母忌日，素服杜門。子孫奉爲家法。墓距城三四里。墓祭必步行，年九十乃乘筍輿。將及墓，則下，仍步行百步，歸亦如之。其孝敬有如此者。伯兄大本早世。事嫂如母，撫孤寧遠，痾瘵乃身。既長，佐以資，俾遂什一利。寧遠性故鈍，爲同事者欺。踰年，費告匱，復佐之。踰年，費又匱。先生無少慳色。寧遠善病，疾作，先生終夜徬徨，恆再三起視。居間偶得甘旨，輒呼共嘗。愛憐若少子。蓋終始不忘天顯，其友愛有如此者。先生故嘗主謝氏家。後其子商於蘇，耗其貲，負國帑二千金。先生聞之大驚曰：「若然，行將旦夕入囹圄，親三木，敲朴其肢體，身死，禍及妻孥，未有已，吾豈忍坐視哉！」乃盡鬻已產代償。謝氏子始獲免。其尙義有如此者。戚族凡有忿爭，尙就先生質。爲別其是非，衆皆帖然。遇頑梗者，痛斥不少顧，久之亦攝服。族兄漢飛，豐於財，歿無嗣。衆斷斷讓所後。先生昌言曰：「生則立所愛，死必以次，何讓爲！」有當嗣者，則

使趣以來，事乃定。其果斷有如此者。初，先生父華仙精於醫，伯兄繼之，求治者日盈門。先生亦博觀家藏醫藥書。一日，兄他出，鄰有患暴疾，遂延先生。先生固謝，則固以請，乃擁先生以去。一藥而愈。衆詫爲神。於是先生乃語其兄曰：「弟不肖，不能承先人業。今幸而獲中，若由是果於自信，殺人必多。」遂謝不復學。其虛懷有如此者。江北篙工羅某，以舟爲家，往來江浙間。有粵商乘其舟，泊金閘，遭盜失多金。商怒，繫其舟，將訟之官。先生廉得其情，爲解於商。商不可。掙其鎖而走之，乃語商曰：「彼非盜者也，罪在不慎耳。然遠涉江湖，飄泊無依，今事急，勢將棄生理，鬻妻子，情甚可憫。僕已爲足下釋之矣。若金當償，某請任之。」商感悟，遂寢其事。其勸善有如此者。乍川聚百貨之所曰園。嘗詣城南姚氏園，姚氏園即陳永茂棧。忽聞愁嘆聲，怪而窺之，見其鄰金某將自經，急往解其縊。則曰：「吾負錢五萬，恐來日無以應索逋者，不如今速死。」先生曰：「嘻，何至是！姑俟詰朝，吾當爲若謀也。」乃損價售所殖貨，得錢如數貸之，令歲償母錢十之二，數足而止。今金氏子孫遠前事，感泣不置。其恤患有如此者。生平教子義方，課讀書不以科第爲榮。嘗曰：「吾家貧，幼孤，未嘗學問，然知古人讀書，蓋將以明理義，敦倫紀，苟慕富貴，是視詩書爲利藪，志士羞稱之。汝曹其無忘吾言！」其貽謀有如此者。先生歿，乍川之人無知與不知，聞者皆嘆息咨嗟，異口而同辭曰「篤行君子」。先生諱大來，南英其字。子二：耀昌謨。余與謨嘗同纂邑乘，故余知先生也尤詳。論曰：乍川濱大海，九峯列其前，風俗醇茂，鄉故多隱君子，李潛夫先生節凜冰霜，名高日

月，尙矣。陸孝子叩關陳書，大復仇之義，何其壯也！王仲遵倪惺孩宋二完許芝虬周雲虬諸公，彬彬競秀，抑文采風流，尙有存焉者。今先生又以篤行聞，前後百餘年間，相繼媿美，嗚呼盛哉！

【行略】先考南英府君行略

汝師公談

乾隆辛丑歲閏五月初八日，先府君以疾捐館舍。不孝耀昌謨天性至薄，既殯後，悲哀漸殺。惟是兢兢苦由中，追思府君一生立心制行之略，實有足以敦薄俗，而不僅爲子孫法式者。既以微爲庶人，名不出鄉黨，鄉黨耆老與府君年相若者，現又無有一存。其自耆艾以下，則皆府君子孫行，未能悉府君中年以前事。耀昌謨憶所見，并所聞於從叔祖父振洪聚洲二公，與諸丈人者，更諮度之族叔父南昭翁及伯姊氏。蓋南昭翁少府君僅一十六歲，今其年且七十有五矣，與府君最習；而伯姊氏年亦六十有三，雖不能知府君之詳，然較耀昌謨遠勝也。參考既審，謹條次如左。

府君生一十八年，喪我先祖考。越一載，先祖妣又歿。祖考在日，承世業，精岐黃術，頗能活人。然輕財好施，金錢隨手盡，未嘗問家人產。其歿也，無十金之儲。府君與伯父致和府君，拮据喪葬，盡哀循禮，鄉黨稱焉。府君兄弟三人，長伯父，次即府君，次叔父三郎府君。年十大殤，未有字。伯父質明敏，年二十餘，治病已能領一鄉。日應接不暇，則詔府君並習之。稍稍試，輒有所效，然未嘗自信也。一日，伯父有數十里之行。明日，屢有款門求治急疾者。府君告

之故。其人卽擁府君行，再三卻，弗聽。不得已往視，則以意處方投劑。晚候伯父歸，言其狀。翼日，一人蕭衣冠具儀物踵門謝，視之，則昨日款門者也。府君則請於伯父曰：「某平日雖略知別脈辨症，然於昨朝之病，實倖中也，不知者倘以某爲已克精其事，而競強某治，某亦侈然自信，其爲害於人，可勝言哉！某故將別求生涯，而不敢卒業於此矣。」遂不復習醫，業於賈。

府君之習爲賈也，乏於貲，乃就戚黨之有貲者與爲佐理。不數載，伯父遽卒。先從兄寧遠甫三齡。府君上奉伯母李孀人，下撫先從兄，不以貧故，使有憂於衣食，如此者將二十年。從兄婚娶後，會族黨有富而無嗣者，稍以田產分給宗人，從兄母子日用有所資，始析爨。後每得一甘旨，必呼從兄與共嘗。從兄壯歲餘得痰喘疾，每發動，府君日夜必再三視。此不孝輩所親見，終從兄身如一日也。

從兄爲人，性長厚而頗不足於智。年二十餘，府君竭貲資之，使坐列肆，逐什一之利。僅逾年，爲同事者侵蝕殆盡。府君訓飭懇款，然未嘗怒也。再資之，再如是，始不復命賈。

族伯父漢飛公饒財產，年近五十，未有子，而篤於伉儷。友戚有語及置妾者，往往默不應。顧心折府君。歲時過從，府君輒斥言不置妾之非。漢飛公必唯唯，然而未有意也。會清明，族衆集祖墓拜掃。府君則揖漢飛公與言，數之以坐視絕嗣得罪祖宗也，漢飛公亦瞿然悟；比歸，徐議置妾事，事稍有緒。無何，遽罹痼疾，不可復起矣。

漢飛公之歿也，族衆及肺腑戚咸聚，議所立後。緣無嫡近支，論者紛如。府君昌言衆中，謂及身存而擇所立，立所愛可也，既歿，立必以次，不得越親取疏。因出袖中譜牒，先大父所纂指示諸人曰：「某房爲小功戚，某房某房爲總麻祖免戚。」按圖諦視，四座遂寂如。時小功戚遠居鄉里，則使人促以來，事乃定。

感謝氏主粵客，互市爲業。夙欽府君廉直，延請職會計。府君爲之竭盡心力，於銀錢自分所應得外，纖毫無所苟。御下人，外似嚴而內實寬。有以情告者，無弗爲之地也。篙工艱姓者，江北人，挈其家掉一數百斛船往來蘇州乍浦間，裝載商貨爲生。一日，載謝氏行粵客貨詣蘇，泊南濠，遭竊盜，所失貨值二百千。法當償，不得，則鳴之官，鎖其船。府君廉其情，雖疏忽，實不幸也，爲之解於謝。謝以所失多，意不可。篙工復詣府君叩首懇，至出血。府君沈吟良久曰：「吾已婉轉爲若言，未有濟，若其走矣。」掙其鎖而走之。則謂謝曰：「此輩貧苦小人，其疏忽之罪，誠當懲，雖然，亦實不幸以至斯也。今責之急，勢必且賣其船，絕餬口計，不足，并將鬻及子女或貼婦，此仁人君子所當矜憐者，吾已爲君釋之。貨直當償者，吾與君勉償之，功德各載半矣。」事遂已。

謝氏戚性亦仁厚，而短於明察。子弟有商於蘇者，耗其費數千兩，比覺，亦隱忍命商如故。府君數數言不可，弗之聽。財用遂日匱。積數載，負粵客財巨萬，并國幣二千兩。府君曰：「客負猶可緩也，負國幣，且夕入牢獄，敲扑體膚不能完，禍及妻孥未有爹，奈何！」時府君有田

五十畝，賃房十餘楹，悉鬻之，代爲償，疏食菜羹，晏如也。

粵客所賣貨，若石決明杜鵑海月之屬，府君嘗買置之，而寄諸城南姚氏園。園旁有金氏者，業打毬。府君偶詣園視貨，聞愁歎聲甚哀，怪而窺焉，則見金援帶欲自經。急奔出園，引手救，詢其故，知負人錢五萬，期來日償而徒手無以應，索逋者兇猛如虎狼，不得已，欲以一死了事也。府君曰：「嘻，何至是！第俟來日，吾當貸若錢。」府君實無錢，則急以園中貨貶價售於人，得錢如數，使金自往取，而與之約，每歲償母錢十之二，數足卽已。金率妻子羅拜謝。金死今未十年，其妻若子歲時來拜謁，自述前事不置云。

府君最虔於祭祀，每節候拜獻，必購時物及先世所嗜物，雖重價不惜。比祭，擊毬祝告如奉生平也。至祖考妣生辰及奉諱日，必啼號流涕不自禁。歲正月，每旦夕及日中，命子孫焚香點燭，後卽跪拜，若影堂，若中霤，若竈，若祖考妣神像前，神像前朝夕上食，跪拜尤數。總計之不下二十次。不孝輩恐太勞動，祈稍節，弗爲聽。卽今年猶如故。祖墓離城三四里，近者二里，每拜掃，必躬詣，詣必步行。以肩輿進，卻弗御。近數年始弗卻，然去墓道將百步許，卽下輿，升輿亦必百步外也。

不孝輩習舉子業，略知文義，就試屢不售，未免有怏怏色。府君笑諭之曰：「吾不知汝曹讀書欲以何爲也。吾雖不讀書，然頗知所以須讀書之故，蓋欲明義理善其身耳。富貴儻來之物，奚足介於懷。且使不能明義理善其身而弋一第，爲當世用，行將上負朝廷，下滋斯人詬厲，其於

農工商賈相較何如也。」不孝輩懼限斯訓，是以不敢蹈躐進之轍。

族黨及親戚有忿爭，輒就府君質。府君靜聽之，或未詳，則各使再申其說，而徐起而別之曰：「孰者是，孰者非，孰者雖是而亦有失，孰者雖非而或可原，今當若何處之可耳。」聞者皆帖然服。間有強爲置辯者，痛斥之不稍顧。其人亦卽俯首去，終莫之怨。

寒族陳氏，原籍江南江寧府之上元縣。自九世祖生谷公徙乍浦，至府君凡八世。府君諱大來，字南英，生康熙三十年十一月二十六日，歿今年，壽九十有一。曾祖考啓雲公，祖考孔彰公，考華仙公。曾祖妣蔣孀人，祖妣潘孀人，妣謝孀人。配我妣周孀人。子二：耀昌、謨。耀昌娶魏氏，謨娶林氏。孫六：環、琰，耀昌出；璞、瑛、琮、珍，謨出。環娶馮氏，琰娶沈氏，餘未娶。璞、瑛、琮、珍，餘未聘。環所出曾孫三：維、偉、維倬、維仔。

謹按：府君生平行誼，大略如此。右所條列，隨憶隨錄，其語無倫次者，不能文限之也，非如賢者之昏迷也。人子莫不欲表揚其親，然言之或非其實，非徒貽讟議而已，抑且使其親不能即安於身後。以故縱此行略時，躊躇再四，作而復輟者久之。既而憬然曰：「無是善而妄言謂之誣，誣大罪也。有是善而不著謂之忘，忘亦大罪也。夫他人有善，猶樂得而稱道之，況父母乎！我府君雖窮而在下，不克有所施於世，然而仁心爲質，其行事之不愧於不踐迹之善人者，誠非一家之私言也！里閭人士卽不能道其詳，多有以知其概；倘大人先生亮斯意而錫之銘誄，請更徵吾乍鄉評以從事。」

乾隆四十六年七月朔，不孝孤哀子鑾、昌、讓泣血稽顙謹述。

【附錄】重修澤鄉祖塋略記

旬

八世祖南英、公暨九世敬占公、理昌、九世祖汝師公、讓，十一世廣明公、維、榮，塋域在平湖、澤鄉。丙戌民國三十五年冬，抗戰既克捷，鄉里安靖，旬乃偕弟搢子，敬往祭掃。八年離亂，塋域已爲鄉人所侵，寔以迫蹙，而廣明公塋，且上植細竹。翌年丁亥，始治碑石；戊子春，前往樹立，並與鄉人約，期以秋收農暇，重修祖塋。是年十月，旬偕三弟駒返平，以重修塋域事委諸梁益心、妹倩子敬、令、威之等而規畫如左：

一·南英公塋域西北隅，以地爲鄉人所侵，已形迫蹙，因商諸鄉人馬阿關讓還田地計南北五英尺，東西三十英尺，並委以填土工程，共價以糙米三石，時糙米價每石爲金圓券三百五十元。由馬阿關立出讓據，居間人爲當地保長馬龍興，代筆爲當地國民小學教師馬鵬程。

二·樹界石四，並測定幅員，計長東五十四英尺，北五十二英尺，西七十八英尺，南七十九英尺。

三·由徐金標匠人建石築環形拱手，東西各四十五英尺，高二英尺，開溝深一英尺，均闊一英尺五寸。拱手上部用水泥黃沙砌石作冰紋，內外俱平整。每隔四英尺建立石墩一，高逾拱手一英尺。底以三合土築基。墳後築短圍長三十英尺，高二英尺，開溝深二英尺，闊均一英尺半。圍上用水泥黃沙砌石作冰紋，一面平整。又於廣明公墓前立石碑一。計



用石子六方，磚二方半，限冬至前完工。以上水泥自辦，餘料暨工，約定計酬糙米十三石正。

四·連接石拱手兩端築土爲半圓形疆壩，並墊平填前隙地，均委梁益心妹倩隨時雇鄉人計工爲之。

【行略】先妣周太孺人行略

汝師公謨

先太孺人周氏，嘉興縣之新行鎮人。奕世富贍。外祖考石渠公，以耽讀不能治生，故稍稍耗其貲。家有奴兒，素黠悍，外倚主人翁勢橫鄉里，內爲甘言好辭誑惑主人翁。鄉里深患之，構大獄，詞連外祖考，累歲不得直，產盡落爲貧士。外祖考年三十餘，卽爲餬口計，授徒吾乍。未幾，太孺人遭外祖妣張太孺人變。

外祖妣之歿也，太孺人甫八歲，舅氏五齡耳。越明年，外祖考攜舅氏來館中。太孺人甞覺無所依。陸氏母者，外祖考之父同產也，家素封，無子，而有女數人，其幼者與太孺人年相若。陸氏母夙愛太孺人，且謂可與已幼女爲伴侶也，則言於外祖考，育之其家。太孺人由於衣服由飲食，必讓美取惡。陸氏母怪詰之，則泫然曰：「兒極知衣食尊所尊，誠無所吝。顧竊自念，不幸早歲喪母，父又客外，御美好，於心不安耳。抑兒貧士女，澹泊固其分，豈得視諸姑也。」陸氏母奇其志，亟稱之。

太孀人年十七，始旋歸外叔祖父兼山公所。兼山公者，嘉邑庠知名士，操履頗純篤。方外祖妣歿時，兼山公亦館於外，而其配繆孀人又多病，是以不克留撫太孀人。然其意最奇愛太孀人也。比太孀人長，則請於陸氏母，俾之歸。每課徒暇，輒爲講列女傳女誡諸篇。太孀人謹奉教。兼山公詫於外祖考，以爲綽有曹大家風；而但無其文采也。

自外祖考始館於乍，我府君年七八歲，卽從之遊，將十載，遭祖考變而習爲醫習爲賈。然其於師門，仍數數往來不倦也。外祖考察知府君性行非晚近所易觀，不以常弟子視之。會有媒氏作合，於是遂結婚姻之好。

太孀人年二十六歸府君，府君則謂太孀人曰：「余早喪父母及兄弟，家第有寡嫂與兄子耳。嫂青年矢志，撫孤守節，是必時時有以慰藉其意。今而後，責不獨在余矣。」太孀人敬諾。故其奉伯母，禮節亞姑婦，歡好若姊妹，始終無一間言。太孀人謝世，伯母年垂七十矣，憑棺而哭之慟者數四，曰：「吾與我孀處歷三十八年，吾性稍剛褊，孀未嘗或吾嘗，而彼此有失意也。吾閱人多矣，誰則如我孀者！」蓋太孀人婦奴之相愛如此。

府君將鬻田屋爲謝氏償國帑時，意太孀人以不孝輩無所資生故，或有所不快；則婉言與商。太孀人曰：「吾孀人，何敢與門外事；門外事丈夫自制之。且夫與人同安樂而不與同患難，非義也。今謝氏禍將及家，君力猶可救之，救之何所疑。積善之家，必有餘慶，兒輩視所自立何如耳。吾見吾戚黨之殷富者多矣，不一再傳而子孫無立錫地，田屋亦何足恃。夫苟教先而德裕，

則彼之自立有基矣，曾何係此區區者。」府君欣然，意遂定。

太孺人愛憐不孝輩殊甚，然未嘗姑息，於讀書屬望尤切。不孝輩甫就傅時，每日自塾歸，太孺人必豫備果餌，令背誦本日所授書，習熟則出果餌啗之，歡笑有加。否則絕不與言，果餌不可得也。稍長，即朝夕課使讀。比自知讀而喜可知矣。或夜讀至更深，輒親爲煮茶暖食物，以勞其勞焉。其敬禮師傅意備至。先師周鄰皋夫子，家密邇，得得來，來則詔不孝輩款留之。盤殮不必豐，要期於精潔。平時每得一甘旨味，即遣僮僕攜以遺。嘗自言曰：「師悉心教吾子，今以貧乏故，不能隆館饋答厚意，愧甚矣。微末物稍以自致其誠耳。」嗚呼！太孺人爲不孝輩讀書計，用心周密如是，惡知今日者不孝輩雖略知文義，而遂巡媮媮，不克自力於學行，以報稱太孺人意於萬一耶！

嗚呼，太孺人歿於癸酉歲三月二十二日，迄於今忽忽二十有九年矣，屢欲詮次梗概，附家乘以示後昆，而因循未果。茲以綴集先府君行略，始并爲追記一二，其闕漏者不知凡幾也。太孺人與府君同年生，其生辰在五月初九日。卒年六十有三。

乾隆四十六年七月朔，不孝孤哀子耀昌泣血稽顙謹述。

如恆 振洪長子，字南齡。清康熙五十八年己亥十月初四日□時生，嘉慶十

一年丙寅三月十一日酉時卒。壽八十八歲。

配鄒氏。生卒年月日時俱無考。

祔葬東門外振洪公塋域。

子定昌。

如琳 振洪次子，字其鳳。生卒年月日時俱無考。

配張氏，守節，欽褒節孝。節孝坊在北門外平橋頭。句按：伯琴翁 樂所藏譜，載節

孝坊上有「勵志七旬如一日，苦心四十有三年」之聯，據汝師公 職所撰傳略，張太年僅四十有七，疑誤。參見頁一六注。年四十七歲。生卒年月日時俱無考。

祔葬南灣砲臺畔奉雲塋域。

嗣如升長子紹昌爲後。

【傳略】族叔母張氏孺人傳略

汝師公諱

張氏孺人，族叔父其鳳府君配也。年二十而寡。斯時伯氏甫舉一子，未有可爲後者。舅姑恐其無所恃。孺人曰：「吾以待伯氏之再舉子。」及叔氏之娶而舉子，而擇立一人以爲後。至於衣食之資，不以煩伯叔氏也。朝夕勤女紅以自贖。稍暇則禮佛長齋，終其身如一日。年三十餘，得心疾，歲一再發，發則喃喃獨語，聽之皆里閭聞節孝事，若伯母輩數人。其每言必及者，尤在吾曾祖妣云。年四十有七卒。

如升 振洪幼子，字南衡。清雍正六年戊申九月十七日辰時生，乾隆六十年乙卯五月初一日酉時卒。年六十八歲。

配童氏。生卒年月日時俱無考。

祔葬東門外振洪塋域。

子四：長紹昌，嗣如琳後。次朝棟，三朝魁，四朝偉。

南昭 聚洲長子。清康熙四十六年丁亥□月□日□時生。乾隆四十六年，壽七十

五歲，尙健在。卒年月日時暨配偶均無考。

子三：長震千，次佑千，三介千。

南揆 聚洲次子。生卒年月日時暨配偶均無考。

子應昌。

廣元 聚洲幼子。生卒年月日時俱無考。

九世

念銘 漢飛嗣子。茂之玄孫。旬按：三房居鄉，故自茂之公以下三世皆無考。清康熙四十五年丙戌十月初八日丑時生，乾隆三十五年庚寅五月初四日寅時卒。年六十五歲。

配俞氏，清康熙四十九年庚寅八月十四日酉時生，乾隆四十三年戊戌正月初一日辰時卒。年六十九歲。

子一：長裕堂，次西堂。

定元 大本子，字寧遠。清康熙四十七年戊子□月□日□時生。旬按：據平湖

縣志列女「陳大本妻李氏，康熙庚寅子定元甫三歲」推定，參前頁一六略傳。至卒年月日時暨配偶均無考。

子一：長斯祥，次介福。

耀昌 大來長子，字敬占，號醉生。清縣學武生。雍正四年丙午三月初六日

寅時生，嘉慶十二年丁卯四月二十八日未時卒。壽八十二歲。

配魏氏。清雍正四年丙午□月□日□時生，乾隆五十三年戊申□月□日□

時卒。年六十三歲。

祔葬平湖圖澤鄉大來塋域。參前頁二六附錄。

子二：長璟，次斑。

【傳略】先兄敬占傳 丁卯九月

汝帥公謨

謨兄弟三人，三人中謨最幼，次兄蚤夭，兄先謨七年生。生之時，先府君先太孺人年皆三十有六矣。兄幼即豪邁，與羣兒戲，不當意，輒凌以氣。太孺人呵之乃止。未旬日復然。羣兒有赴訴者，太孺人怒殊甚，兄惴惴恐，長跪謝。太孺人責數曰：「若父爲謀生故，早出晚歸，吾訓飭若數次，若肆橫不悛至是。今者若父歸，余必以告，笞若半死。」兄面如死灰，淚泫泫下，請自後不敢。太孺人未之許。長跪者歷三時，自誓再三，命之起，始敢起，已遂不敢蹈故轍。謨生七年，將就傅，懼甚，不敢獨行里巷中。先府君命兄率以行，同從一師游。師所教弟子，大率皆成童以上。兄年十四，亦已握筆作時藝。塾中課程，誦讀少，講貫多。謨輒傾耳聽，有所疑，質之兄，以故盡二年，僅僅畢學。庸論語，而訓說頗有所會悟。兄爲人慷慨，喜功名，念非科第無以爲致身計，急欲得之。三赴童子試，未獲博一衿。而乍浦人士多右榜中式者，因於經書暇，兼習鉛銜家言，未逾年皆通曉；習騎射，亦爲一邑冠，名遂列武學。數應鄉試，主司大賞其騎射，而連以病故，不能試策論，遂報罷。兄雖列武學，其好學非尋常文士比。謨所觀史書，多取觀焉，用能知今古，而斥近世之人爲文非文，武非武。兄友愛謨甚至，異居

後，相距幾半里許，相見不三日間，其爲兼旬之別者，惟謨在鄉村教讀時有之。兄好閱邸抄，稽十餘條，輒袖以示謨，商度其大端，嚴寒酷暑弗爲懈；論議有時各執一見，斷斷不苟同，反復往復，語罷歡笑有加。歲壬戌，謨鬻於耳，聽不能了了。兄輒取筆作字，縱談累日以爲常。今年三月，袖邸抄示謨，俄共飯飲，口流沫，身歌仄，手不能持匕箸。謨憂懼，以爲猝中風眩，急使孫輩促兩姪來，已與兒璞扶就枕。兄拒不肯，未幾仍飯。姪環走赴。飯甫畢，遽欲歸。共勸緩須臾，堅不可，乃命環與璞左右掖以行，而謨踵其後。將半途，斥掖者使稍卻，仍自攜杖抵家。越十數日，示微疾，臥牀靡者三旬，竟以歿。兄諱耀昌，字敬占，歿之年八十二。兄之疾也，以謨聾於耳，已又臥牀靡間不便作字，有所問，頷之而已。歿之前一日，口授兒璞使書示謨曰：「吾兄弟皆有志功名，不克遂。吾兩子稍知文義，不能力學。汝長子璞力學能文，屢試不售，今年且四十有六。幼子珍學經史功頗銳，似不愧有用才，而全不以科第爲意。豈吾家俱無分功名者耶！」既又命書曰：「姑俟之。」

【記略】公識見高遠，少許可。每上下古今，談論風生，而彰人之功，揚人之善，津津不容口。好善惡不善，其天性也。視弟子如己出，期望甚切。終縣學武生。承順公勳祀。

謨 大來次子，字汝師，號拙修。清恩貢生。雍正十一年癸丑九月二十四日丑時生，嘉慶十三年戊辰八月十九日□時卒。壽七十六歲。著有拙修書屋



全集二十二卷，計春秋約指四卷，讀史摘論十二卷，外附珍所商一卷，古文六卷，內遺文若干首，古今體詩若干首爲一卷。藏於家。

配林氏，清乾隆五年庚申□月□日□時生，嘉慶六年辛酉□月□日□時卒。年六十二歲。

祔葬平湖圖澤鄉大來塋域。參前頁二六附錄。

子四：長璞，次瑀，三琮，四珍。

女還姑，清乾隆三十餘年生。適□氏。

【傳略】嘉興府志文苑

陳謨，字汝師，貢生。父兄年皆逾邁，事之能得歡心。性剛儻，遇不平事，輒持論侃侃。家貧，以授徒爲業。博極羣書，工古文辭。著有拙修文稿讀左傳摘讀史偶摘等書。子璞，字國器，少聞謨教，有志經濟，閉戶著書，有時務臆說行世。

【墓誌銘】拙修老人自撰墓誌銘 另瑣注

嘉慶乙丑正月朔日，拙修生避客不出，日過午，飲酒微醺，欣然曰：「人生歷一周甲子，不爲不壽。今吾過之，又餘一紀。息我有期，殆將近矣。自稔碌碌無所長，後日者安所得學行兼修之君子爲之傳以表著其生平，而自幼至老，所嘗甘苦不能忘於心，輒自詮次爲誌，并係以銘，俾他時葬而納諸墓。」生陳氏，名謨，汝師其字，顏其讀書之所曰拙修書屋，人或稱拙修先生，

因自號拙修生。平湖之乍浦人。八九歲，讀書不能盡百字，見者愚之。顧師與同學講解，傾耳無倦容，積兩三年，漸能通曉文義。逾十齡，授以千餘言，四五過可背誦，且能朝夕覽觀史書，乃更驟有聰穎稱。又其性頗柔懦，客至，羞澀不能發一語。年十四五猶然。然與一二儕輩論長短，議得失，已嚶嚶有不可一世之慨。逮年將二十，語乃驚四座，人多目爲狂生。雖然，當是時，識見尙未有定也。乍爲海濱重地，督撫大吏歲時以按部至，擊旌旄，盛呵殿，供張眩目，僕從塞途，屬吏奔走駭汗。生觀之殊欣羨，以爲大丈夫當如是也。乃知其多瑣瑣齷齪，則又以爲彼一時之雄也，何足羨，吾其作爲詩古文，成一家言以垂世乎！又其後讀朱子小學書，則爽然失。謂學必以聖賢爲歸也，聖賢必可學也。於是雖讀史之功不輟，而時時搜閱儒先家言，爲習矩行規步以自飭。既又曰：「聖賢之學，有知有行，有體有用，不依於事而徒高談性命，無濟也。」於是益肆力經史而孜孜兀兀，維行已經世之是圖。蓋生之志，凡三變而後定於一焉。於科舉之學，素所厭棄，特以欲藉爲致身計，俯首屈勉爲之。乃赴棘闈者十，僥得僥失，忽忽年四十，而老父且八十餘。自忖即使倖邀一第，亦必不可仕，而尙何庸庸逐隊爲！遂決意舍去，思所以得力者，著爲書以自見，曰：「叔孫穆子之論三不朽也，德也，功也，言也，有差等之不同也。吾則謂果能立不朽之言，卽德與功胥得而兼之。夫所謂不朽之言者，必其爲宇宙間不可缺之言，使人讀之而性情心術於以畢著，則無論德之深淺大小，歷千載而如見，而且可以風厲人倫，而且可以措施政事，則不得爲功於生前者，或且爲功於身後。情乎吾心足以知

之，而力不足以副之也。生爲人坦白，無城府，而疏於容止，懶於應酬。自少好酒，晚年量僅能勝一斗，好之愈酷。每與其兄共飲，辨晰古今事，斷斷不苟循。語罷，意怡然也。兄友愛生甚，年今八十，始終無間言。兄嘗曰：「吾非能愛吾弟也，體先父母愛吾弟之心以愛之也。」則相對泣下。或同出遊，則一杖而前，一杖而後，其子若孫，必各有一人維持之，里之人咸屬目焉。曾有欲繪爲二老圖以傳其神者。「嘗痛先大父所創族譜，因宗人議後事而手澤竟軼。乃秉承先志，復創爲之。思欲身至上元，而溯諸九世以上，困於舌耕，終不果。而吾族之有譜，要以之爲創始焉。」引號中語句據汝師公東陳族譜自序補。生歿於某年月日，戊辰八月十九日，以某年月日，戊辰十二月十七日葬於某某園澤之原。妻林氏同穴。林先歿年七年卒。子四人：瑛瑛字維儀、國器國器字佩蒼、瑞瑞字禾獻、珍珍字。曾以字行。國器與禾獻諸生。孫曰維佐、維任、維儀。乙丑閏六月，瑛生子維位。所著文稿五冊及某某等書。許讀史稿論十二冊，春秋約指四冊，古文稿五冊。生原籍江南江寧府之上元縣，自九世祖遷西湖之乍浦，六世以來，皆貧窶而仁慈廉潔，爲鄉邦所推。

銘云：求知乎天之理，不問乎天之數，庶幾乎與古爲徒，逸恤乎與俗相忤。藏斯穴者伊誰，是爲獨往獨來妄希立言之海濱章布。

【自撰挽聯】

到此偏欣天息我

畢生猶愧行浮名

【豫書遺言】

嘉慶乙丑正月朔日，吾自作墓誌銘挽聯以俟息我之期。今年八月三日，忽眩暈不可當。吾曰：「此殆係中風，幸可如吾願矣。」乃逾時愈，而明日復然。越三日又發。爾從兄斑聞知，卽來診視曰：「似中風而非真，恐當爲麻木不仁之中於半體者。」爾輩又邀茅君配京診治，其言與斑同，其處方下藥亦大略同，皆補陰降火之味。吾初意欲勿藥，聞二人言則大懼，蓋吾漢中風之無所苦，而大懼麻木不仁之中於半體，其淹滯至一二載或數載，起居之苦，劇且久於他病，并扶持者積歲月而不得休也，則受其方服之。發稍疏，馴至十月十有二日一大發，既又繼之以瘧，寒熱頗甚。吾謂不死於麻木不仁之中於半體，而死於瘧，殊爲此善於彼。吾年七十有四，身世事一無係戀，而又何不可之有？其有所耿耿於心者，平日欲有數言囑爾輩，既以爾輩恐有所忌諱不忍聞而不之言，病甚又不及言也；既而瘧漸愈，可起坐，則援筆而書之。

一·吾家不用僧道樂人，自爾祖考之喪已然，此爾輩所親見。且爾輩四人中長及幼皆頗讀書明禮教，素能闢二氏，固當無待我言也。

一·棺之爲制，取其足以掩形，土不親膚而已。曩擬自治一棺，取木之中次者爲之，其厚三寸，今之三寸於周尺則已五寸。而因循未果。歲癸亥，爾輩不以聞而先爲之，費且逾二十金，過矣。昨歲及今年，又不以聞而兩漆之，亦且逾十千之費，抑又過矣。今後不須再漆。夫楊王孫之風葬，自以爲達而不一體人子之情，固不可以訓。然如漢孝文陳漆云云，不又愚之甚哉！爲子

孫者，亦不可略似之。

一·近世惡俗，人方死後爲之焚燒衣帽等物，此亦佛氏之說使然，不但愚之甚，抑且暴殄之甚。長孫維佐五歲時即知之。一日，吾攜以出遊，路見此，詢吾而知其故，則謂吾曰：「此皆有用之物，曷不以施貧乏者丐者而付之火。」兒之言至當，頤然之丈夫不及也。

一·殮必以時服，不可華，不可僭。吾殮時用布素時服，上加本分公服可也。

一·翦紙爲寓錢，糊銅錫箔爲金銀鏤，唐以來用之久矣。今世俗相沿，弔奠者必以是物，是不可卻。可將寓金銀鏤用夾車再三夾扁以籍屍下，紙錢可攪和之泥灰中，餘無所用，焚之亦無不可。但祭奠時不得焚。

一·周禮有代哭之文，矯誣實甚，當出漢人妄作，必非先王制也。今世俗弔奠，客來輒令婦女或婢及僕婦等哭，亦同此意，吾惡之甚。吾家雖罕有婢及僕婦，或婦女輩不知而與他氏從同，同必禁絕之。雖弔奠之客，習於俗而以爲嫌忌，不得顧也。又其哭也，放聲號可，呼稱謂而號亦猶之可，夾雜語言則大不可，不論何時可哭，朝夕奠時不可哭，此則吾之鄙同於之死而致生之類也。

一·銘旌之式，用緇絹一幅，不必拘古制太短，亦不可過長，大約與棺蓋齊可也。粉書之曰：「清故布衣諸生乍浦陳汝師名讓之柩。」左側稱呼氏名下云，「遵自趙式書。」

一·非治喪日，弔奠客來稍遽者，須留之飯，即用酒及魚肉無妨也。惟戚屬有服制者不可用，

蓋彼卽不能以禮自處，吾總當以禮處人。

一、凡吾所著書又古文稿，子孫爲士人者當各寫出奉藏之；奉藏當不在一處，庶免水火之虞。

一、吾見近世爲人子孫者，祖父在日，往往不能盡孝慈之職，歿則競構虛美以隆之。每一修郡邑志，請入者紛紛。秉筆之人，不但不能識別，井亦多徇人情而不之拒，致真有學者混雜其中，與之竝列，良可痛恨。吾死後，倘遇郡邑修志，斷不可投牒懇請，卽有採訪及之者，亦必以遺意固辭，否則以不孝論。

右凡十條，其餘類是者可推，更不多及。又自撰墓誌銘及此篇，可各刊一本，刷印之以分送弔奠諸友。丙寅十一月下旬書。

【附錄】跋語

燦若公環

丁卯四月先君捐館舍，遺言謂叔父，促度地葬先人，勿得再有所待。既卒哭，環奉叔父命，營兆域於園澤之原，爲一塋三域。正中奉先祖考，左奉先君子，右則叔父壽域也。今年啓先祖考先祖妣之攢，先君子之覆及先妣先叔母之攢葬焉。八月叔父亦棄世，又四月葬。先葬數日，從弟國器等遵叔父遺意，刊刻刷印叔父自撰墓誌銘及豫書遺言，以遺友戚之弔奠者，請環誌數語于後，爲備述之如此。

嘉慶戊辰十二月，在制期服姪陳環拜跋。

【略記】先子汝帥公略記

禾獻公珍

先子偶儻豪邁，有至行。鑒別人物，洞徹今古。不爲詞章訓詁之學，端義利，斥浮僞。嘗作取悔以自見。既數奇不偶，而亮濟善世之懷，無日不往來於胸中。晚年自撰藝誌、銘，三致意焉。年七十有六而終。所著拙修書屋全書二十一冊，藏於家。迄今二十八年，手澤猶新。三兄瓊、瑛、瑤相繼去世，珍年六十，受生日變食不承賀。諸友咸宗族將哀聚多金爲先子刊刻遺書，而發軔於文稿五冊之十餘萬言。珍不敢辭，立錄出待付剞劂，綴數語於後，以俟夫當世學行兼優之大先生見而序之，以爲續刻全書張本，以大彰風厲措施之具，皆得與天壤同敞，實人倫政事之攸關，徵特珍一人之私幸已也。

道光丙申九月九日幼兒珍謹識。

【藝文】取悔

汝師公謨

客有自遠道來訪拙修生者，衣冠樸素，狀貌甚古；步趨揖讓，中規中矩，蓋宛乎非世俗之士也。就坐良久，淵默沈靜。起立拱手，前席而請曰：「僕雖伏處鄉閭，負慙淺鄙，誠見未達乎高明，交遊不逾乎流輩；然而學問之方，行能之詣，竊不自量，夙昔有志，願聞先生之教，以開固鄙之意。」生頗謂其可與言也。正襟而告之曰：「余也不才，生四十年。居今慕古，動嚶嚶然。既慙愚而狂妄，亦迂執而拘牽；其爲世所嗤笑者久矣，曾何容置喙於英流並時，才哲競驚之前！惟是所務之大，所志之堅，固樂得於知我者而道之也。請自誦其涉歷，以俟子之擇而行焉。余自七歲，就傳而學，不識不知，羣兒角逐。其日記者僅三五百言，歷六七載而混沌未鑿。顧乃

榮利之念，已滿於腹；思青紫則心擬夏候，聞傳呼則感同思叔；蓋始願若斯之陋也。而於科舉課試之文章，勤日夜以誦讀。洎乎弱冠，質以稍良。想古作者，心開目張。最耽曾左之筆，次薰班馬之香；雄邁則兩蘇時覽，溫良則歐曾是衡；惟昌黎氏之醇而後肆，運之久而始覺其可望。若夫論事之作，奏議之章，長沙忠州，冠乎漢唐；實與心而爲契，乃寤寐之不忘；斯其學文之本末也。然而空言究於何補，讀書貴乎有用。因賈陸以開發，仰伊呂於伯仲。考興衰治亂之源，別邪正賢奸之訟。窮兵戎食貨之經，核刑政職官之統。蓋上下千數百年，期一一而爲之彙綜；余之妄意於開濟也，有如此矣。而又以聖賢之學，備於經義，脫知史而不知經，將流入管商之功利。爰類首以深思，日尋求而罔置。略章句與訓詁，究本原於不置。詩采大小序而用其長，書合古今文而審其粹。周禮則覺其繁蕪，戴記則別其雜僞。獨周易之淵深，曾不敢稍窺夫涯際。至於春秋，傳說尤異，飢渴嗜之，欲發其秘，披覽者二十三部，編尋者十有三歲，用克粗有成書，不知厥旨之不外乎屬詞而比事。蓋至窮經而余之學略覺其日有進矣。外此持身之操，涉世之蹤；寧爲其執，毋爲其通；不事干謁，固守吾窮；庶先儒之可作，或見絕之無從。子以余半生之所事何如也？」客乃反坐箕踞，飄然而笑曰：「噫吁嘻，異哉先生之固也！夫不識時務，詎爲英賢。埋頭擁書，志乎高齋。駢文韻語，翰苑先鞭；合時程墨，甲第聯翩。然則先生之始願，未爲失也。顧乃一變而學古文，再變而窮諸史，徒卒歲以勞勞，亦何人其子此。且夫太古之賁梓土鼓，不可陳於唐虞之廷；唐虞之建官分職，不可施於商周之士。世有變遷，法從而改，何可



拘執，已熾自是。則使子長孟堅之倫，賈傳陸公之比，將乘時以就功名，亦不爲恢宏與行之詞，慷慨激厲之議也，而奚有於吾子！至夫六經者聖人之陳言，操履者下士之末行；緣飾則口語爲寶，變通則時趨是順。昔孔子之仕魯，且獵較之與競；即子與之遊齊，亦貨色之不禁；奈何其必則古昔，必稱先王；獨來獨往，踽踽涼涼；又奚怪夫終老衡門之下，蓬蒿之鄉；窮豈非其自取，而猶爲是錚錚者乎！生乃亟然，俯而不語。離坐欠伸，客亦徑去。呼責應客之童子，使之森嚴乎守戶，毋雜引夫斯人以取無端之侮。

【著述考】

拙修書屋文稿五冊，余九世祖汝師公之遺著也。公生於乾嘉之際，讀書以聖賢爲歸。志在篤行，不談性理。故爲文樸質，多風厲人倫之作。惜文稿散佚，僅於家譜中存傳記三篇，及自撰墓誌銘而已。丁卯春，先君子扶病挈兩弟買棹至圖澤祭掃，並爲道汝師公之學行，諄諄以勿忘本根爲訓。憶十餘年前，父執葛詞蔚先生始蒐得是稿抄本，而同邑陸清澄先生，尋亦得一帙於杭肆，既湮復彰，何幸如之！惜先君子已於戊辰棄養，不及見矣！丁丑之役，吾邑淪陷，葛氏守先閣藏書，盡付絳雲一炬，惟陸氏求是齋所藏，得幸無恙，乃獲假歸讀之。稿有「元善」及「厚齋」陰陽小印各一，是本爲張氏頤性書屋藏本。厚齋與先君子交甚久，願於此絕未道及。迨張氏物故，藏書四散，此稿遂傳於世。歲丙戌，姊胡宛春以拙修書屋遺書讀左接論末附珍所商一冊見貽，爲從吾好齋藏版，道光丁未六月鐫本。於是汝師公遺著，雖未獲全璧，而漸顯於世。豈

書之顯晦，果有時歟！而甸之得讀先人遺稿於大劫之餘，抑何幸也！嗚呼，吾乍浦陳氏儒素家風，世守勿替。乃門祚衰薄，族姓寥落。甸頻年旅食，歲月蹉跎，對此先人手澤難於割割，深自痛貶。用是亟亟錄副，什襲藏之，以明祖德。庶幾後世子孫，覽而法焉。

中華民國三十五年甲申春，十五世孫甸敬識。

【家傳】先室林氏傳 戊辰三月

汝師公諱

妻林氏之歿七年矣，其爲人僅一里閭循謹婦，未嘗有特出行可以傳。一日爲諸孫輩道其大略，諸孫輩感泣，幼者尤甚，請更詳述之，因書。妻之先原籍福建同安，自同安來徙鄞，又自鄞徙我平湖之乍浦，與余家相距一里而近。其生也，徙乍浦者且十年矣。家世及所以徙居之故，具載妻叔父學皋翁傳。妻父楚卿翁，先娶黃巖陳孺人，蚤世無所出。續娶平湖周孺人，生女子子二，後乃生一男，妻則其長女也。少余七歲，年二十二歸於余。時乾隆二十六年辛巳。是時先太君謝世已十年，先君子年七十有一，侍養者二十年，先君子頗以爲善事我。歲庚寅，余應萬壽科鄉試，因奉先君子往遊于杭。家中大小暨一僮共五口，除柴米外，僅留足陌錢千。越二旬歸，尙餘三百有奇。勤慎甘澹泊，其天性也。自言從幼至十七八時，精力倍勝於人。後患瘰癧，潰爛久不愈，以毒藥攻治之，癰始結爲痂，小愈，神氣頓弱，反乃不及於人。其癰仍歲歲發。天葵夏苦草諸味，常啖其膏，不可缺。連四十餘，而又益以胃痛之病，或間月一作，或一月一再

作，作則沈吟叫號不食者累日，其得至六十二而歿者猶幸也。妻歿前三載，前冢婦蔣病連月故，遺子女四人，女孫最長僅十二歲，孫男三，長八歲，次五歲，幼者甫逾歲耳。母病卽失乳。余貧士力不能覓乳媪，不得已飼以粉餌，皮肉裹骨如糊紙，見之畏人。故人子有再置妾而仍無子者，欲得以為子。余及長兒意頗可，告知妻，妻默不語，且夕涕霑胸，不忍舍。余曰：「若老年媪，安能推燥就濕以育幼者。且若常病體，撫字其姊若兄已不給，不余聽，母孫俱死在眼前矣！」妻曰：「俱死命也，陳氏種奈何委之他人！」鞠養餘二年，病竟不一作。幼孫年四歲，飲食行走如常兒。且骨肉停勻，如未嘗失乳者。余愧且喜。長兒繼娶劉，亦循謹視子女如己出，妻之心大慰。無何，病驟作，加劇於曩時，遂不可活。臨歿，顧幼孫，含笑久之。

【附錄】妻叔父林學舉翁傳

汝師公謨

妻叔父林學舉名廷翰者，孝友人也，籍隸吾縣久矣。其本貫則福建同安也。先是妻祖父挾重貲，商西南洋諸國，歸泊舟寧波，樂其風土。而斯時妻祖母之舅氏提督馬公，又適鎮其地，因徙而家焉。不數年，妻祖父死，家漸落。吾妻父楚卿翁為千夫長，被誣累，諒莫得辨白，遂亡命，潛偕翁奉其母來乍，由是為乍之人。其來乍也，無立錫地。吾妻父勉為賈，翁勉為童子師以給朝夕，甘旨時不足。漳浦陳氏者，翁家舊戚也，以十萬貫母錢逐賤微貴於蘇。聞知翁家在乍，就而訪焉。見其貧窶甚，欲為之計。又見翁誠樸謹飭，頗嘉之，聘使主出納。翁蓬髮無所苟。陳氏愈益敬信，悉以貲遷委焉。翁於賈非素習，而涉手後未嘗失計，蓋似有天幸存也。歷

十年，陳氏貲且數倍，翁之業亦以此起矣。翁在外，心無不在母氏，甘旨之饋，音問之通，旬無虛。初猶以有兄侍養，差自慰，既而兄年逾五十死，母氏且七十餘，雖資用日饒，意常歉然有不足，數以情告陳氏，請歸。陳氏以翁所任重，難其代，勉留之。又荏苒七八年始歸，則母氏年八十，已亦六十矣。翁視兄之子若女無異己之子若女。謨妻至今猶歷歷言之爲流涕也。翁有女弟，最爲母氏所愛，贅其婿陳翁玉儀於家，歡好責難若兄弟。女弟死，又爲陳翁納後妻而仍養於家，此非人情所尤難者乎！惜其後居於家，中讒構，稍以不終，甚矣浸潤之澀之可畏也！然謂翁暮年失於不明可也，謂其意流於薄不可也。翁望其子及兄子讀書甚切至，延蘇州王氏爲師，師每旋里，卽終日自坐齋中親督課之，雖元旦前後輟讀不五日，以故子及兄子反惟恐師之不在云。長子祖植，年十九，附於庠，其試卷已爲一邑冠。未幾，罹瘵疾，疾二年不可療。翁日夕悲傷哭泣不可解，越□年亦罹疾而卒，卒年六十九。時母氏猶在堂，翁臨歿無他語，惟深以不克終養及幼子之必將不克家爲憾。幼子者其後妻吾族姑之所出也，已而果不克家。

陳謨曰：「謨之職翁，自翁娶我族姑姑。謨之親翁，自娶於翁之兄之子始。謨卑屬，且少於翁三十餘歲，而翁禮重之不啻若畏友。翁暮年稍有所惑溺，謨以避嫌故，不克規，此至今爲之心疚者也，亦惑於婦言故也。」

**定昌** 如恆子，字經綸。生卒年月日時俱無考。年六十九歲。

配朱氏。生卒年月日時俱無考。先定昌十四年卒。年五十五歲。

子五：長樹本，次松年，三樹槐，四樹桂，五柏林。

【略記】公爲人和易，無疾言遽色，輕財利。卒年六十九。禾獻公珍記

**紹昌** 如琳嗣子，如升長子，字覲辰，號柳亭耆年。清乾隆十七年壬申九月

二十日亥時生，道光三年癸未八月二十三日巳時卒。壽七十二歲。

配曹氏。清乾隆十八年癸酉十二月二十二日辰時生，道光十年庚寅九月十

三日亥時卒。壽七十八歲。

合葬百步石。

子三：長佩珩，次佩瑀，三佩璜。

【略記】公勤慎營生，精詳不疏漏。能詩，號柳亭耆年。家居終日欽欽。珍往過，則輟所務，游城市郊原，入茶肆，啖餅餌以爲常。每商確文義，縱談家事，輒首肯曰：「旬月間不可不見吾禾獻也。」年七十二卒。配曹孺人，少一歲，後七年卒，年七十八。禾獻公珍記

**朝棟** 如升次子，字一擊。生卒年月日時俱無考。年五十八歲。撫弟朝魁四子佩珍佩

琳佩玘佩璣皆有恩。

配□氏。姓氏暨生卒年月日時均無考。

祔葬南灣砲臺畔如琳塋域。

嗣朝魁第三子佩玘爲後。

朝魁 如升第三子，字拱文。生卒年月日時俱無考。年三十歲。

配許氏。生卒年月日時俱無考，與拱文同生日。卒後五年。年三十五歲。

子四：長佩珍；次佩琳；三佩玘，嗣朝魁後；四佩璣。

【略記】煥文翁爲珍言：「乾哥拱文公小字之歿也，妻少子弱。吾與永哥劉屋公小字分擔薪水，奇哥一擊公小字提攜抱負，四子得成立。今佩琳家業且隆隆起來。」采編公約

朝偉 如升第四子，字煥文，號蘭圃。清太學生，授二品封。乾隆三十三年戊子九月初七日□時生，道光二十四年甲辰九月十八日□時卒。壽七十七歲。

配石氏。清乾隆三十七年壬辰二月初六日□時生，道光二十七年丁未正月初五日□時卒。壽七十六歲。

合葬瓦山坊息字圩。

子三：長佩璉，次佩璣，三佩璜。

【家傳】陳君煥文傳

婁縣姚椿木

人民際昇平日久，樂居安堵，生不識兵革，一旦變故猝起，爲二百年所未見，流離避匿，僥倖苟免，比比皆是，此非有深心大力，辭克身任其事者。以余所聞，陳君足傳焉。君諱朝偉，煥文其字也。先世由上元遷乍浦，隸浙江之平湖縣。道光二十二年壬寅四月，噴夷來犯，變起倉遽。君移家累至鄉，出白金二千，命子佩璉團練義勇。承上官意，相守助，勸輸鉅萬。凡流寓游手無藝之徒，僉列入籍。名在籍者千二百人，終事無一人譁於市。而君貲財被掠者，置不問。免佃租尤厚。浙江巡撫劉公祖珂越歲閱兵於其地，嘉美之。諭令復設。君不敢告勞，而心力交瘁矣。遂以某年月日卒，惜未得竟其施云。

論曰：世傳君於里黨，病疫時則施藥施糧；斃塚上石橋；製城內外禦火具；設夫昇棺以防延燬；自運米萬五千石至閩省平糶以濟荒；均救災卹鄰之卓卓者。人有其一，已足以傳，君乃兼之，其可信今傳後耶，然猶未足爲君重也。傳其大者，著之於篇。

道光二十六年丙午春日，嘉興七十九歲老者張廷濟書。

【記略】公諱朝偉，號蘭圃，太學生，授二品封。以勤儉起家，積產殷厚。而性甚慷慨，疏財仗義，凡遇貧窘之來告者，無不各給其求。族中之孤寡者，及有婚喪之事而或苦於無力者，率皆量

助以資。至地方之義舉，無不首先爲創。昔聞中大饑，以所儲米數千石運往平糶之，全活甚衆。蒙上憲給「義重恤鄰」匾額以獎之。楊三公家譜記「道光三年重葺觀山常山祖塋，亦以公之力爲多云。」俞樾朱獻公珍奇家波便信禮

震千 南昭長子，字俊超。清乾隆三年戊午八月二十五日午時生，嘉慶元年

丙辰四月初八日亥時卒。年五十九歲。

配劉氏。清乾隆三年戊午九月二十日辰時生，嘉慶七年壬戌九月初四日□時卒。年六十五歲。

子鑒。

〔略記〕公剛稜絕惡，不能容人之過。嘗挈珍觀燈已，爲先府君曰：「此兒英氣可人，然膽大恐債事，當善教之。」先府君深以爲然。先府君之作家譜也，俊超府君有力焉。見前譜序。朱獻公珍記

佑千 南昭次子，字懋超。清乾隆八年癸亥十月三十日卯時生，四十二年丁

酉九月二十八日巳時卒。年三十五歲。

配屠氏。清乾隆八年癸亥三月十八日卯時生，三十六年辛卯七月二十四日



酉時卒。年二十九歲。

繼配傅氏。清乾隆十三年戊辰八月十九日丑時生，嘉慶二十三年戊寅九月二十六日酉時卒。壽七十一歲。

合葬陳山。

〔略記〕傅氏守節四十一年，紡績織紅供饘粥，端詳勤慎終身。不顯公功記。

介千 南昭第三子，字景超。清乾隆十五年庚午十二月十二日戌時生，四十二年丁酉四月二十三日未時卒。年二十八歲。

配吳氏。清乾隆二十年乙亥六月二十八日巳時生，嘉慶六年辛酉二月初八日申時卒。年四十七歲。

合葬陳山。

應昌 南揆子，字燮齋。清乾隆八年癸亥八月二十八日寅時生，嘉慶二十四年己卯十一月初四日午時卒。壽七十七歲。

配方氏。清乾隆十二年丁卯十一月三十日子時生，四十四年己亥六月十一日亥時卒。年三十三歲。

繼配方氏。清乾隆十九年甲戌三月二十日未時生，五十二年丁未□月□日□時卒。年三十四歲。

合葬外觀山。

子三：長琦，次瑚，配方氏出。三瑛。繼配方氏出。

【記略】公長厚渾樸，無浮華。坐肆職買賣維勤。子琦瑛既長，克繼父業。晚年自供養外，日奉錢數十枚，乃遨遊里巷，入茶酒肆以爲常。間珍課徒暇，輒招與俱。嘗語觀辰府君曰：「禾獻剛稜，然處宗族間未有所失，譬金墩錢，照鑄之鋼質高而形小者，大小皆可攪入也。又每規余氣太盛易怒。余諦思之良然，非禾獻不得聞此言。」其好善能受，皆此類也。年七十七卒。配方孺人，生二子琦瑛而卒。繼方孺人生子瑛，瑛生七年而母卒。瑛年三十七亦死。而二年，變齋府君捐館舍，距今十七年。琦瑛各年長矣，猶未得息肩，怡怡無間，與珍游如親兄弟然。禾獻公珍附。

十世

兆麟 茂之來孫。生卒年月日時俱無考。旬按：三房居鄉，故自茂之公以下四世皆無考。

裕堂 念銘長子。生卒年月日時俱無考。生當乾隆年間。

配顧氏。生卒年月日時俱無考。生當乾隆年間。

子三：長培，次基，三均。

西堂 念銘次子。生卒年月日時俱無考。

配敖氏。清乾隆十三年戊辰二月十四日辰時生，四十九年甲辰七月二十四日戌時卒。年三十七歲。

斯祥 定元長子，字不嘉。清雍正十二年甲寅十月十五日□時生，乾隆六十年乙卯八月初五日戌時卒。年六十二歲。

不娶。

葬孔字圩長墩。

嗣介福次子桂林爲後。

【略記】公幼時兩目瞽於挑，幾盲，微有見。長遂不娶。性黷直，尙氣不諂，少先府君止一歲。每責以大義，屈服無後言。年六十二而卒。以紹嘉次子桂林爲後。已桂林年僅三十，亦未娶。不獻公參記

介福 定元次子，字紹嘉，始字肇源。生卒年月日時俱無考。壽八十二歲。

配錢氏。生卒年月日時俱無考，後介福八年卒。壽八十二歲。

合葬瓦山。

子五：長進成，蕩；清乾隆四十一年丙申生，五十九年甲寅卒，年十九歲，附葬瓦山。次桂林，嗣，斯祥後；三原林；四富林，度陳山寺爲僧；五鎮林。

【略記】始紹嘉有子五人：進成、桂林、原林、富林、鎮林。進成癯，桂林死，富林少多背疾，度陳山寺爲僧，兩目瞽者有年所矣。鎮林方留寧波未返，而紹嘉歿。止原林依母居。無何，鎮林使其子允春來乍。明年，鎮林死於寧波。又明年，允春還。弟允升來。原林亦寢疾，寢劇，逾一年歿。錢氏年老覺覺，族人相率營助薪水，猶不足給。鯨成言以老屋賃諸人，微有所得，遂不能堪。甲午冬，富林迎母暫居寮房，母挈允升往居，十月遂歿，喪葬費一出族叔父煥文翁，族弟佩琳族兄瑚爲部署焉。允升生十四年矣，煥文翁乃謂珍促爲量寬所當習生業云。不獻公參記

環 耀昌長子，字燦若，別字韞石，號陳山。清縣學生。乾隆十三年戊辰□月□日□時生，嘉慶十八年癸酉□月□日□時卒。年六十六歲。配馮氏。生卒年月日時俱無考。年三十九歲。

合葬瓦山。

子三：長維偉，次維倬，三維仔。

女大姑。當生於乾隆三十餘年，餘無考。

〔記略〕燦若多才藝，耐煩劇，尤精九章。往來粵東者餘二十次。居家時，里人商榷疑竇者踵至。資遣淮揚難民。及歲饑，勸殷實戶賑濟事，司馬邑侯就訪焉，爲衷多金，區畫措置無齟齬。然數奇，坎軻終身。采廉公系記「嘗有志於紹述先志，重修族譜，旁搜博詢，屬草未就，而天不假年，臨歿以稿授維倬，使珍藏之。越二十三年，珍與維倬卽據之以重修焉。」如據重修族譜前序補。

〔藝文〕題張仙槎先生買泛棹圖

韞石公環

探得河源又九州，洞天福地恣遨遊，芒鞋萬里行吟處，都被先生尺幅收。  
虎林是我舊時家，屈指名區頗自誇。若道聖湖堪息影，西冷橋畔待仙槎。

斑 耀昌次子，字撝方，號醒瓢。清乾隆二十一年丙子十二月十六日戌時生，道光三年癸未十月初三日子時卒。年六十八歲。

配沈氏。生卒年月日時俱無考。年三十歲。

合葬瓦山。

子維僑，早夭。

【略記】摺方自少聰穎絕倫，工詩，七古絕類李青蓮。既赴童子試，用左傳國策語見斥，遂絕意進取，頹唐自廢，奚落一世以爲無足與語者。習岐黃術，頗能活人。不愛名，詩文皆散佚無存。宋戴公卷記「汝師公嘗稱之云：『余兄之次子癸，自幼喜爲詩。今年將三十，學力未有所至，其得其性之所近而發諸詠歌者，往往有豪邁不可羈縻之概。其評騭古作者，或當或不當，其於儕輩所作，輒斷斷不苟許可，則不爲無見也。』」句據拙作書院文稿徐雲履行卷詩序補

璞 謨長子，字國器，號志完，以字行。清邑庠生。乾隆二十七年壬午□月

□日□時生，道光九年己丑□月□日□時卒。年六十八歲。著有建事私議一卷，鄉約言一卷，尙書商一卷，篤慶堂時務臆說二卷。句補。

配蔣氏，朝銓公女。句按：拙修書屋文稿中有蔣公傳。清乾隆二十六年辛巳□月□日□時生，嘉慶三年戊午□月□日□時卒。年三十八歲。

繼配劉氏。生卒年月日時俱無考。年六十二歲。

合葬薛家浜。

子四：長維佐；次維任，嗣瑀後；三維儀；四維俊。女蔣氏出。乾隆五十一年丙午生。適□氏。

【略記】國器承家學，精通鑑，熟地理，尤好陸敬輿集，玩誦不少休。每慨然有經世大志。時文冠絕一時。珍從受業焉。既相與上下古今，淹貫經史，折衷於先府君。先府君頷而樂之，輒莞爾曰：「二兒世所謂馬廬背者也！」赴棘闈者六，曾不一薦。歲科試未嘗列前茅，終縣學生。所著建事私議一卷，鄉同約言一卷，尙書商一卷，【篤慶堂時務臆說二卷】旬補。按嘉慶時志文苑闕下亦附著此書。及時文如千首。先府君之卒也，寢疾痢日數十次，逾旬。國器傍牀第，率諸弟挾拭清淨無間。國器卒，年六十八。配蔣氏，牧庵丈長女也。早卒，年三十八。子三：維佐維任維儀。繼配劉氏，「性循謹，視蔣氏所生子女如己出。」旬據買四三先宰林氏傳補卒年六十三，子維俊殤，繼任繼佩蒼爲後。不獻公誌如

【著述考】

篤慶堂時務臆說二卷，爲我家十世祖國器公遺著，首列序文二篇，係寫刻。正文每半葉九行，行二十二字，刊印甚精，殊爲罕見。今藏我鄉孫氏雪映廬。余既抄得九世祖汝師公拙修書屋文稿，茲復獲睹此冊，亟從乘之姻叔假歸錄副，以存先人遺澤。溯我先世素隱於醫，迄汝師公始治經世之學，上接清獻，粹然儒者。國器公爲汝師公長子，少承家學，精通鑑，熟地理，尤好陸敬輿集，文冠一時。著有建事私議一卷，鄉同約言一卷，尙書商一卷。惜均未見傳本。此臆

說二卷，家譜失載，尤爲珍貴，不圖於大劫之餘得前先芬，其慶幸爲何如乎！  
中華民國三十六年歲次丁亥，五月十四日，十五世孫甸謹識。

瑀 謨次子，字佩蒼，自號酒人，以字行。清乾隆時生，生卒年月日時俱無考。  
年五十八歲。

不娶。

葬小觀山。

嗣璞次子維任爲後。

【記略】佩蒼長厚無城府，性嗜酒，嘗夜飲，更深乃歸。先府君痛詆之，乃孺子顏謝，今後不敢，乃歌鳴鳴。間旬月復然。以索逋至寧波，遂列旅店於鄞江之真武宮側，嬰醒疾。不娶。自號酒人。歲三十四，泛海歸。措方爲治病，病少瘳。善嗽。已挈紹嘉子鑽林往寧波。鑽林長，以店授之，爲營昏配，使居寧波，遂歸。夜眠，喀喀不安，不敢飲酒者數年。及年五十，強飯，疾有間矣，乃復飲，差有節，然訖以舊疾卒。禾廬參記

琮 謨第三子，字宗瑞，一字寄塵，號嘯莊，以字行。清邑監生。乾隆三十三年戊子□月□日□時生，道光十一年辛卯□月□日□時卒。年六十四



歲。

配劉氏。清乾隆三十八年癸巳□月□日□時生，道光十六年丙申□月□日□時卒。年六十四歲。

合葬常山。

子維位。

【略記】宗瑞始字瑞黃，能舉寔，號寄廬。剛腸疾惡，能爲義屈。謹錢財，經費無所吝。以故無所贏餘。配劉氏，少五歲。禾獻公珍配。

珍

謨第四子，字禾獻，號愧莊，以字行。清邑庠生。乾隆四十二年丁酉七月初一日□時生，咸豐四年甲寅十二月十九日□時卒。壽七十八歲。著有地利圖說讀史摘論商愧莊老人詩稿及從吾好齋文稿。

配袁氏。清乾隆四十七年壬寅八月十七日□時生，道光二年壬午三月二十六日□時卒。年四十一歲。

合葬小觀山。

【傳略】嘉興府志文苑

陳珍字禾獻，號愧莊，謨子，邑諸生。弱冠卽從事經濟之學，不求速化。三年大比，足迹罕至。

好讀陸忠宣公集，又耽常熟顧氏方輿紀要一書，手錄至數十冊。既落落無所遇，乃終身為童子師。著有從吾好齋古文稿新纂。

【略記】公素性剛直，而處世又極和易，以故人皆憚而敬之，畏而愛之。又性不喜時藝，而專講實學，以啓導後人。「嘗有慨於族姓之衰，深懷先人建祠裕後之志，惜數奇不偶，而志未獲申。道光三年，吾族嘗協力重修觀山常山祖塋，起新垣，奠之以石，樹之以碑，都五十丈。而公實主其謀。及公年六十，從維佐公乞燦若公所纂譜重修之，藏於家。」句據公重修族譜序及寄學波使信補著有地利圖記讀史摘論商及愧莊老人詩稿。「從吾好齋文稿」。句補經勢匪亂散失。惕三公案記

【著述考】讀史摘論商序

汝師公模

余作讀史摘論訖，友人賈公子桓曾取而卒讀一過，餘固不以示人，人即或見而讀之，未有終數頁者。獨長兒璞與其季弟珍，則數數覽觀。未幾，余嬰於耳，珍患余聽之不能了也，因舉所疑者筆而出之，以代口之相質；積久乃至數十百條；有發明未盡之旨者，有補所未及者，有所見或異而不敢苟徇者；雖未必一一皆是，要之皆有特識而附益爲多。至其指陳形勢，不啻畫沙而聚米，則尤出余意料之外矣。余命其輯而爲書，以附余書之後。珍願遠巡未果。蓋自嫌其于余說不能無出入，恐遺後人之口實也。余曰：「著書以明理也，理者天下萬世之公也，非一家一人之私也。近世諸儒家，往往曲徇先賢成說而不容他人之稍參一議；不特漫無所見已也，抑且類以小人之腹度君子之心，余甚陋之。余豈願讀余書者之亦蹈此弊乎！今議余書者即自余子

始，不益以示天下萬世之公；俾後人讀余書而果有所見，俱不憚竭其心思以裨補其闕乎，此余所汲汲求諸近世而不可得者，而又何遑巡之與有！」珍乃遵余言，錄爲一冊。更乞余評薦而存焉。讀名之曰讀史摘論商。

嘉慶戊辰元日父拙修老人序，時年七十有六。

樹本 定昌長子，字端培。生卒年月日時俱無考。年六十歲。

配童氏。生卒年月日時俱無考，後樹本七年卒。

〔略記〕端培卒年六十，配童氏後七年卒。性長厚。少壯時家資頗饒裕，既日益頹耗，諸弟自立維艱。端培比老，其從祖季父煥文翁常周恤之。其歿也，又計日量給童氏薪水。從祖弟佩琳亦仗助終其身。禾獻公珍記

松年 定昌次子，字鶴輝。生卒年月日時俱無考。年六十七歲。

不娶。

樹槐 定昌第三子。未有字。早卒。

樹桂 定昌第四子，字星源。生卒年月日時俱無考。年五十七歲。不娶。

柏林 定昌第五子，字星裕。生卒年月日時俱無考。早卒。

佩珩 紹昌長子，字綬青，號甘泉，清太學生。乾隆四十一年丙申四月二十二日卯時生，□年二月初四日□時卒。年歲無考。

配楊氏。清乾隆四十二年丁酉五月初九日辰時生，□年七月初九日□時卒。年歲無考。

合葬北門外金家橋東。

子二：長銓，次鈞。

佩瑀 紹昌次子，字玉和，號舫齋。清乾隆四十三年戊戌十月初八日辰時生。卒年月日時俱無考。

配楊氏。清乾隆四十七年壬寅五月二十六日戌時生，嘉慶十七年壬申九月二十八日亥時卒。年三十一歲。

合葬小觀山，在四葬之坡。

嗣佩璜次子鏞爲後。

【略記】楊氏，佩璜配也。佩璜頗明決，善賈，金錢輒隨手盡。楊氏歡笑無懼色，佩璜安之。臨歿，乃告其姑曹孀人曰：「繼自今，新婦永免楚毒矣。」含笑而逝。佩璜不復娶，知無如其賢明也。禾獻公珍記

佩璜 紹昌第三子，字泮和，號渭溪。清太學生，候選主簿。乾隆五十一年丙午三月初七日□時生，咸豐十一年辛酉三月十八日□時歿。洪楊之難，如例賜卹。壽七十六歲。

配徐氏。清乾隆五十三年戊申五月二十一日午時生，同治元年壬戌二月十九日□時卒。壽七十五歲。

合葬小觀山，在四葬之下右坡。

子四：長銘癘；字辛和。清嘉慶十六年辛未四月二十九日辰時生，道光二年壬午五月初九日未時卒，年十二歲。葬百步石。次鏞，嗣佩璜後；三鏐；四鐘。

女五姑，早卒。與兄銘同葬百步石。

佩玘 朝棟嗣子，朝魁第三子，字鳴玉。生卒年月日時俱無考。不娶。

祔葬南灣礮臺畔朝棟塋域。

佩珍 朝魁長子，早卒。字及生卒年月日時均無考。

祔葬南灣礮臺畔朝棟塋域。

佩琳 朝魁次子，字鳴球，號春江。清太學生。乾隆五十三年戊申十二月初三日□時生，咸豐十一年辛酉三月十八日□時殉洪楊之難於城中，如例賜卹。壽七十四歲。

配傅氏。清乾隆五十八年癸丑四月初五日□時生，咸豐十一年辛酉三月十八日□時殉洪楊之難於城中。年六十九歲。

子三：長釗、次鑣、三鐐。

佩璣 朝魁第四子，字禹華，號春泉。生卒年月日時俱無考。

配高氏。生卒年月日時俱無考。

**佩蓮** 朝偉長子，更諱佩蓮，字景清，號雲溪。清太學生，候選知府，加三品銜，賞戴藍翎，晉二品封號。以捐賑受旌，錫帑建「樂善好施」牌坊。嘉慶十年乙丑三月初十日□時生，咸豐六年丙辰三月二十一日午時卒。年五十二歲。

配汪氏。清嘉慶十一年丙寅十月二十四日□時生，同治十年辛未八月初一日□時卒。年六十六歲。

祔葬瓦山坊息字圩朝偉塋域。

子五：長錫，次鎔，三鉞，四鏞，五鎮。  
女二：長六姑，適顏氏；次桂姑，早卒。

【傳略】平湖縣志列傳

陳佩蓮，字景清，號雲溪。輕財好義，遇事敢爲。道光庚子，英夷陷定海，乍浦戒嚴。佩蓮奉巡撫劉韻珂檄，籌餉募勇，防堵海口。壬寅，乍浦陷，毀家紓難。事平，議敘知府。嗣又奉巡撫梁寶常檄，辦理浙西善後事宜，籌款築沿海礮臺。工竣，奉旨賞戴藍翎。自壬寅以前，乍浦節烈婦女不下數百人，佩蓮稟請大吏，奏敕建總坊。己酉大水，民饑。佩蓮倡議勸捐賑濟，活者萬計。事聞，欽頒「樂善好施」匾額。平湖萬程橋將圯，侍郎徐士芬倡議重建，未成而卒。佩蓮廣爲勸募，逾年工竣。他如夏施藥，冬施衣，備水龍以禦火災，開河道以防水患，莫不躬

親督率，任怨任勞。卒之日，人咸惜之。

族叔祖雲溪公傳

楊三公家龍

自來有非常之德者，必膺非常之福，故惠澤及於人而報施及其身者，天理然也。乃有終其身舉  
華爲善，俾一方之人咸賴其利，而身不獲躋顯位，享大年，如吾族叔祖雲溪公者，是則可異矣。  
雖然，無異也。公姓陳氏，諱佩蓮，卒年五十二歲。原籍江寧之上元。自公十世祖由上元來徙  
浙之平湖縣。乍浦鎮者蓋二百餘年。世有積德。及公之父煥文公，忠厚勤儉，以起其家。公爲煥  
文公長子。其得公也已晚，故稍長，卽命舍學而從買。然公雖不學，而能明大義，能任大事，  
其素性也。道光間，夷匪不靖，海疆震動。公奉上僚之命，任防堵事，築礮臺，修城垣，集團  
練，不辭勞怨，不避艱險，以至爲國而傾其家。及事平，而籌辦善後事宜，凡有益於地方者尤  
不可更僕數。督憲劉公其器重之，欲登諸薦牘，保爲郡守。公力辭不就，僅受虛銜。己酉之歲，  
水潦爲患，斗米千錢。乍地飢民，嗷嗷待哺。公又首先捐賑，全活甚衆。其事上聞，蒙恩旌獎。  
巍巍綽楔，至今猶存。然則公雖不躋顯位，而當時之知遇更隆也。公雖不享大年，而沒世之  
聲名永在也。又安得謂非天之報施善人哉！況今者，公之子鉞已登仕版，候補江蘇。子鏞分發  
兩淮。孫鴻儒亦已早舉茂才。其餘孫會林立，濟濟嗣興，又安知非天之報施善人者，不及於其  
身而將在於其子孫哉！忠之生也，後公十五歲，凡公一生皆所親見。故謹次而詳述之，非黨同  
也，非阿好也。時光緒丙子季夏，族姪孫其忠謹傳。



【藝文】雲溪公畫像題詞

一

勉如徐申錫

偉哉陳公，當世元龍。其神奕奕，其氣熊熊。昔歲彝逆，肆擾湖中。長蛇封豕，孰纓厥鋒。君集義旅，萬夫心雄。一戰再戰，破浪乘風。敵氛日惡，聞道來攻，孤軍無援，退扼要衝。賊購之急，乃之江東。彼無如何，旋亦潛蹤。君奉雙親，室家相從。還集故居，爰慶重逢。迴思三載，勞動在公，散財發粟，田廬爲空。大吏賢之，入告九重。帝曰俞哉，予嘉乃功。寄以方面，郡伯酬庸。自茲累業，長荷恩隴。

二

政軒汪堯辰

德門積善後必昌，太上立功常不朽。窮海逆夷鴟吻張，妖氛毒霧鯨波吼。我朝清晏二百年，兵餉經營虞製肘。維公義旅糾鄉閭，佐吏巡防警刁斗。餘糧列岸呼長龍，霹靂轟天掀巨手。鷄首共幸返徵輪，蝟毛旋復叢萃醜。天驚石破恣披猖，賊衆兵單移退守。丈夫意氣憤不平，家室存亡竟何有！詎知二老隱金閭，天必佑之栽者厚。風塵落拓餘子身，骨肉團圓歡聚首。布帆無恙還鄉樂，子舍重歌將進酒。毀家紓難慶椿萱，報國酬庸膺組綬。古來忠孝有幾人，景仰傾心詩脫口。況復哲嗣能象賢，在公敬慎同寮友。我咏斯圖贈俚言，家聲官職要諸久。方今皖寇待掃除，肯播肯穫終厥畝。

佩璣 朝偉次子，字紳垂，號君山。清太學生，候選鹽提舉，晉二品封。嘉慶十二年丁卯五月初十日申時生，光緒五年己卯正月初四日□時卒。壽七十三歲。

配姚氏。清嘉慶十二年丁卯八月十九日□時生，道光二十年庚子十月二十二日□時卒。年三十四歲。

繼配馮氏。清嘉慶二十三年戊寅三月十二日□時生，咸豐十年庚申九月十六日□時卒。年四十三歲。

合葬西門外。

子七：長鑣，次鏢，三錦，四欽，五銳，六鏞，姚氏出。七鉞。馮氏出。

女二：長福姑，適葉筱溪；次小姑，適方詩樓。

【記略】公性耽泉石，不問家計，工書。

佩瑛 朝偉第三子，字潤和，號韞齋。清太學生，候選鹽提舉，貤封二品。

嘉慶十三年戊辰十二月二十三日□時生，道光二十九年己酉四月二十六日□時卒。年四十二歲。

配許氏。清嘉慶十二年丁卯四月十七日□時生，道光十九年己亥八月十六

日□時卒。年三十三歲。

繼配沈氏。清嘉慶十八年癸酉十月初一日□時生，光緒二年丁丑八月十四日□時卒。年六十五歲。

子三：長鑑；次錡；次錫。許氏出。三鑠。沈氏出。

女小姑，適沈銘史。

璽 震千子，字恭佩。生卒年月日時俱無考。年五十餘歲。

不娶。

葬陳山。

琦 應昌長子，字明懷。清乾隆三十三年戊子正月初七日卯時生。卒年月日時

俱無考。

配施氏。清乾隆三十九年甲午八月十八日辰時生。卒年月日時俱無考。

子二：長維忠；次維善，嗣瑚後。

瑚 應昌次子，字敬懷。清乾隆三十九年甲午五月二十九日辰時生。卒年月日

時俱無考。壽七十七歲。句按：據伯琴翁懋業所修族譜，載道光三年修葺觀山常山祖塋，敬懷公經紀其事，是年五十歲。一說公壽七十七歲，今從之。

瑛 應昌第三子，字明元。清乾隆四十六年辛丑七月十九日申時生，嘉慶二十二年丁丑五月初七日寅時卒。年三十七歲。未娶。

祔葬外觀山應昌塋域。

十一世

培 裕堂長子。生卒年月日時俱無考。

基 裕堂次子。生卒年月日時俱無考。

均 裕堂第三子，字樂天。生卒年月日時俱無考。早卒。

桂林 斯祥嗣子，介福次子。清乾隆四十三年戊戌□月□日□時生。卒年月日時俱無考。年二十餘歲。

不娶。

原林 介福第三子，字楚町。清乾隆四十五年庚子十二月二十七日酉時生，道光十年庚寅二月二十二日巳時卒。年五十一歲。不娶。

祔葬瓦山介福塋域。

鎮林 介福第五子，字五如。清乾隆五十一年丙午五月十五日酉時生，道光八年戊子十一月十一日丑時卒。年四十三歲。

配俞氏。清嘉慶元年丙辰□月□日□時生，道光六年丙戌十一月初九日亥時卒。年三十一歲。

子三：長允春；次允泰殤；三允升。

【記略】鎮林僑寓寧波，娶鄞人俞氏女爲妻。子三：允春允泰允升。俞氏性婉婉，歿以丙戌，年三十一。其年允泰殤。間二年鎮林亦歿。允春以丙子生，出久不歸，存亡不可知，故不入世次表。采獻公珍配。

維偉 環長子，字岸如。清府學武生。乾隆三十九年甲午十月二十四日申時生，道光八年戊子十二月初五日午時卒。年五十五歲。

配敖氏。清乾隆四十二年丁酉六月二十九日申時生。卒年月日時俱無考。

子三：長鯤發，年十四殤；次鯨成，嗣維僑後；三鴻飛，兼祧維仔。

【記略】維偉弱冠時，敬占府君教以弓馬，補府學武生。性機警，盆盎植花木，修藝文勢爲蟠片，

布置森森。歿年五十五。煥文翁惋惜之，賻贈有加。配敖氏，少三歲，今年六十。（時道光十六年。）不顯公珍記

維倬 瓌次子，字廣明。清乾隆四十二年丁酉正月二十一日亥時生，嘉慶十一年丙寅七月十六日卯時卒。年三十歲。

配謝氏。清乾隆五十二年丁未八月初七日寅時生，嘉慶十七年壬申二月二十六日午時卒。年二十六歲。

祔葬平湖圖澤鄉大來塋域。

子鵬成殤。清嘉慶十一年丙寅□月二十五日午時生，十八年癸酉九月初七日亥時卒，年八歲。祔葬維倬塋側。

【略記】維倬性長厚，自幼嗜酒，長習會計。蘇人倩往廣東，從其父商。舟至餘干病歿。配謝氏，時年二十。子鵬成，生未百日。後六年，謝氏死。又一年，鵬成殤。維倬竟無後。不顯公珍記

【哀辭】哭次從孫維倬文 嘉慶丙寅

汝師公模

吾自八月三日，驟患眩暈。一眩暈則直欲顛覆，不但不能行，并不能坐，必兩人夾扶，乃得勉強就牀。臥時，嘔出痰涎合餘，乃稍稍合眼睡，睡三四刻許醒，則即無所苦如平時，然而明日復然，又明日復然。月之二十五日，益大發，傾跌甚重。越二日，聞汝道死餘千之遷耗，

驚愕悲惋不自禁，欲放聲哭汝。從叔父輩苦勸止之，恐衝動陽氣，使愈浮而成痼疾也，則不敢哭。又數日，汝祖結帛以招汝魂。親戚多有來會哭者，吾仍以不能行不敢哭而不獲一泣。自是而後，吾之病或十餘日發，或五七日發，迄乎十月中旬，則遂一發而纏綿不已，且又重之以瘧。夫老人之瘧，愈者有幾，況眩暈數發餘，精神大半虧損，而何以堪之。自分當與世長辭矣，不謂瘧雖重，三作卽已，而依然視息人間也。今者吾瘧之愈且逾月，并眩暈之病四十日不發，方擬一爲哭汝，而頭復沈沈然。汝從叔父輩仍復勸止之，則仍不敢哭，不得已姑托之筆墨以寫其衷。嗚呼，汝之啓行赴粵也，在六月某日。先是爾父以他事赴粵已月餘，蘇之友人未之知，遣人賫札來，欲其如前者督貨以行，而爲之經理其事。汝祖告以故。蘇之友人因汝前年曾隨父往也，札再來，必欲汝行。汝祖以汝在家生業未有所定，且男子志在四方，獨一人率一二僮從行，可以習勞，勸熟籌畫，遂許之。吾意汝神氣薄，當此炎暑之日，恐不能勝。既又思前年汝隨父往，亦當炎暑之日，行五千餘里無所恙，曷爲可於前而不可於後，因不之沮。嗚呼，孰意汝去家僅三十許日，而竟至於死乎！汝之死，吾不知何疾，當以冒暑行不得休息，鬱蒸酷烈之氣中於身而致然也。然則使汝在家或不病，卽病矣而慎醫藥，謹扶持，亦不必其不治，奈何哉！噫！途次，彼一二僮從輩會何足係有無之數，求醫藥而不得，欲扶持而伊誰，又何怪其至於死乎！吾悲汝病之時無與道其苦，歿之時無與訴其哀，淚漬枕畔，卽已逝而流之不盡也。嗚呼哀哉！汝年始三十，卽按：鄧修書《文編》中無汝年始三十句。汝之婦僅二十，汝之孤出腹纔數月耳，而汝祖年八十



有一，汝父亦五十有九，上瞻下顧，遺憾寧有終窮，命實爲之，尙何言哉！汝父在粵，聞汝死耗，與家中先後略同。前者兩寄家書回，云將於十月中旬反棹旋里，路過餘干，攜汝櫬歸而厝諸汝母之厝之旁，大約十二月間事也。當斯時也，吾病果良已，當扶杖往墓次撫汝櫬而爲之一慟。嗚呼哀哉！

維仔 環第三子，字肩吾。清乾隆四十六年辛丑閏五月十八日生，嘉慶七年壬戌三月二十八日午時卒。年二十二歲。

未娶。

葬孔字圩長墩。

以維偉子鴻飛兼祧。

維僑 斑子，字喬林。清乾隆四十九年甲辰七月十三日巳時生，嘉慶十五年庚午十一月二十七日申時卒。年二十七歲。

未娶

嗣維偉次子鯨成爲後。

維佐 璞長子，字輔之，號普慶。清邑庠生。乾隆五十五年庚戌八月十五日卯時生，道光二十九年己酉五月初五日卒。年六十歲。

配袁氏。清乾隆五十八年癸丑十一月二十日寅時生，同治七年戊辰九月初五日□時卒。壽七十五歲。

合葬薛家浜與字圩。

子家植。

【記略】公早慧，五歲時，祖汝師公攜之出遊，見有焚化衣物者，怪而以為問。告之故，則謂汝師公曰：「此皆有用之物，曷不施貧乏者丐者而付之火乎？」汝師公嘆為至言。稍長，汝師公攜之至館所，親授之讀，賦詩稱「課孫就閒寂，不辭館遠鄉。」又貽之詩云：「立心能有恆，進學自不已。我豈志富貴，但願成才耳。」【句隸汝師公談豫書遺言及示長孫普慶詩補】

維儀 璞第三子，字參之，號書樵。清嘉慶二年丁巳七月二十五日午時生，

道光□年作幕沐陽，歿於途次。卒年月日時俱無考。

配敖氏。生卒年月日時俱無考。

繼配許氏。清嘉慶十四年己巳三月二十六日□時生，咸豐十一年辛酉三月初九日殉洪楊之難於城中。年五十三歲。

合葬小觀山。

子四：長家相，次三四俱傷。

【記略】公幼方逾歲，母病即斷乳，既而失怙。祖母林舖以粉餌，皮肉裹骨如糊紙，見之畏人。或欲得以為子者。林聞之默然，旦夕涕霑胸曰：「陳氏種奈何委之他人！」鞠育餘二年，病竟不一作。既而繼母劉來歸，撫之如己出。旬隸汝師公顯先室林氏傳節

維任 瑀嗣子，璞次子，字肩之，號鶴軒，小字同孫。清邑庠生。乾隆五十八年癸丑十二月初五日□時生，同治元年壬戌四月二十九日□時殉。洪楊之難，卹贈鹽知事。壽七十歲。著有讀易纂義及念典齋詩文稿，經亂散失。

配馮氏。清嘉慶二年丁巳十一月十四日□時生，咸豐十年庚申七月初五日□時卒。年六十四歲。

合葬燈光山麓。斜對廖氏墓，旁有李鶴庭後有程宏有之墓。

子四：長家龍，次家鳳，三家麟，四家駮。

女清道光八年戊子八月十六日子時生，卒待考。適平湖孫少筠。諱承源。子一文修早卒。

【行略】先嚴鶴軒府君略節

楊三公家龍

先嚴諱某，字肩之，號鶴軒，平湖縣之乍浦人。五歲失恃，及長，事先大父及先繼祖母，克盡子職。兄弟三人，先嚴出嗣。厥後本生祖父母相繼去世，伯及叔均力薄，一切喪葬及出嫁兩姑母，皆先嚴竭力攝措其事，絕不較量。曰：「父母生子一也，豈可以出嗣自異。」生平慕范文正公之爲人，曰：「苟富貴，必仿其義田式以贍同族。」是以銳志功名者二十年，而竟不克如志，心常爲憾。每遇族人之死喪嫁娶而無力者，及孤寡者，自己資助之外，必爲之請於族中之有力者，以善全其事。幼歲卽通經史，弱冠遊庠，及壯，困於場屋。年四十，絕意功名，專講道學，兼習星命堪輿，精其術。家無恆產，日以授徒餬口。凡同里之執業於其門者，先後不下三百人。其教法，率以聖賢爲宗，兼及文藝。故每逢歲科之試，乍地擷芹香而去者，大半皆出其門下。長白成統軍重其爲人，聘爲乍浦駐防八旗掌教。歲戊午，乍防廳白退菴先生，又聘爲觀海書院主講。時有忌之者，百端攻擊，羣弟子皆悻悻不平，先嚴怡然絕無介意。反喻之曰：「類爲好惡，今古同然，爾輩豈不聞創造伐檀事乎！」及主是席，爭公咸否，啓導後進，諄諄不倦者三年。庚申秋，粵匪陷平湖，乍浦居民遷徙殆盡。勸之行，則以爲有天數，堅執不從。辛酉春，粵匪陷海鹽，逼近乍浦，始避於鄉。乍城陷後年餘，賊匪屢出擄掠。時不孝館於申江，數請來申就養，終不肯。壬戌四月之末，卒殉難而亡，時年七十歲。嗚呼痛哉！竊以先嚴之一生端方厚重，品學兼優，邑中人無論知與不知，率皆欽敬，而乃生無顯位，死擾奇禍，天耶命耶，不可得而知已。略陳顛末，敬求珠玉，以光幽冥，俾後之人知顏夭疇，自古皆然，而先

君子之一生不至於漸滅也，則存歿均感矣。壬戌五月望日，不孝家龍泣血稽顙謹述。

【略記】公少承汝師公教。汝師公賦示次孫同孫云：「生成質性最愚魯，二百餘言日僅記。會心差喜尚猶人，日與諄諄講書義。果能百倍加其功，竿頭日進非難事。」長而以學行著聲。尤篤於倫常，值洪楊之難，三孫女投清流以死，公哀慟投水，欲以身殉，爲人力拯不得死。公嘗有志於重修族譜，博諮詳訪，屬稿未竟，既以身殉難，稿亦亡佚。則探汝師公諱及鶴軒公繼任三女遺節述略暨儀三公家龍重修族譜序記

維位 琮子，字立之，號淡人。清嘉慶十年乙丑閏六月二十九日□時生，咸

豐五年乙卯□月□日□時卒。

配孫氏。清嘉慶八年癸亥八月二十八日□時生，道光元年辛巳□月□日□時卒。年十九歲。

合葬常山東麓。

子家鸞塲。

銓 佩珩長子，字鶴洲，清太學生。嘉慶十四年己巳十二月初四日戌時生，咸豐十一年辛酉十二月十九日□時殉洪楊之難，如例賜卹。年五十三歲。

配楊氏。清嘉慶□年二月十三日□時生。卒年月日時俱無考。

繼配姚氏。生年月日時俱無考。□年八月初二日□時卒。

祔葬北門外金家橋東佩珩塋域。

嗣鈞子鴻裕爲後。

女大姑，適葛氏。

鈞 佩珩次子，字荷村，一作禾村。清嘉慶二十四年己卯五月初十日戌時

生，咸豐三年癸丑正月二十二日□時卒。年三十五歲。

配劉氏。清嘉慶□年十月十五日□時生，□年八月十七日□時卒。

祔葬北門外金家橋東佩珩塋域。

子鴻裕嗣銓後。

女二：長適汪庭松，次適陸雲泉。

鏞 佩珩嗣子，佩璜次子，字東生，號筠堂。清候選布理問。嘉慶二十年乙

亥八月二十日申時生，光緒十五年己丑十一月十二日子時卒。壽七十五歲。

配汪氏。清嘉慶二十五年庚辰五月十一日子時生，同治二年癸亥五月十六日寅時卒。年四十四歲。

子二：長鴻慶；次鴻猷。

女四：長適徐俊甫；次適朱蓮卿；三適鄒星穀；四鏡姑，適許桂蓀。

鏐 佩璜第三子，字稻村。清嘉慶二十三年十月初一日□時生，□年六月初一日□時卒。

不娶。

鐘 佩璜第四子，字曉堂，蔭襲清雲騎尉。道光六年丙戌六月二十三日寅時生，同治十二年癸酉十月十二日□時卒。年四十八歲。一作甲戌年卒，年四十九歲。

配汪氏。清道光二年壬午十一月十七日丑時生，光緒二十年甲午十月初七日申時卒。壽七十三歲。

祔葬常山生谷塋域。

子四：長鴻馥，次鴻祺，三鴻勳，四鴻漸。  
女五姑，早卒。

鑛 佩琳子，學名穆，字荔香。清邑庠生。道光十一年辛卯四月二十三日  
時生，同治元年壬戌□月□日□時卒。年三十二歲。  
配金氏。先鑛卒，生卒年月日時俱無考。

子三：長鴻志，次三俱殤。

錫 佩璉長子，字小雲。清道光□年十一月初一日□時生，□年十二月初七  
日□時卒。年十五歲。  
祔葬瓦山坊息字圩朝偉塋域。  
嗣鉞長子鴻壽爲後。

鎔 佩璉次子，字問四。清道光□年三月十九日□時生，□年三月二十二日  
□時卒。年八歲。



祔葬瓦山坊息字圩朝偉塋域。

嗣鉞次子鴻儒爲後。

鉞 佩璉第三子，字少溪，號敦五。清江蘇分缺先前知縣，署理沐陽縣知

縣，補授震澤縣，署南匯縣知縣，均未到任，隨加五級，誥封資政大夫。道光十一年辛卯七月十二日□時生，光緒三年丁丑八月十八日□時卒。年四十七歲。

配伊氏。清道光十二年壬辰閏九月二十二日□時生，光緒十三年丁亥十二月十四日□時卒。年五十六歲。

合葬朝聖橋。

子十四：長鴻壽，嗣錫後；次鴻儒，嗣鎔後；三鴻翊，四鴻儀，三四均嗣鎮後；五鴻遠，六鴻達，七鴻年；八鴻甲；九鴻綬；十鴻周；十一鴻渚；十二鴻彪，十三鴻方；十四鴻凱。

女二：長行五適定海藍承柏；字逸如，子青孫。清江蘇候補知縣。次行十二適平湖朱景星。字聚五，之桂子。清同知銜，福建候補知縣，署閩縣浦城縣知縣，福建軍法科長。

銓 佩璉第四子，字心泉。清花翎知府銜，福建候補同知，署仙遊縣知縣，龍岩直隸州知州。道光二十年庚子十二月初七日子時生，民國六年丁巳三月十四日亥時卒。壽七十八歲。

配周氏。清道光二十年庚子十月初八日□時生，光緒二十二年丙申二月初八日□時卒。年五十七歲。

合葬陸家橋西常山。

子五：長鴻緒，次鴻昭，三鴻荃，四鴻藻，五鴻業。

女四：長鞠，適武進徐堯卿；次蕩；三晉，適周晴川；四蓮，適李伯侯。

【傳略】公少值洪楊之亂，又丁父憂。年弱冠，奉母播遷於上海通州淮安徐州者凡七八年。亂平還里。時援例離尹，分發兩淮。以母積憂多病，晨昏眷戀，未忍言離。同治辛未，丁母憂。光緒丁丑，兄少溪公大舍歿於蘇州需次。己卯冬，始以同知晉引至閩。庚寅，署理仙遊縣篆。釐詞訟，積案以清。惠政在民，宏獎士風。歷辦水口延平稅釐等局，歲額一十七八萬，爲通省冠。通計先後經徵釐務，盈餘在額外者，數至一十二萬。而上渡一役，當商貨不繼之際，仍得長徵五千餘兩，尤所難能。蓋其卸商艱，剔弊政，使商情不竭，公利有餘，一時綜核之才，無以過也。性謙和，言笑不苟。人有過失，不輕訾議。遇公益事，或獨任其勞，或力爲勸募，不稍吝惜，不憚煩費。戚友至閩相就者，咸使得所。尤篤於儉誼，有祖遺公產，析產日，公念族人多

艱也，以己所應得者畀之。少溪大令服官江蘇，艱於補缺，既爲助費加捐。迨其卒也，子女十餘人，撫之如己出，以次爲之婚嫁，家食多至六十餘口，瞻養均一，怡怡如也。自周夫人之逝，公堅不置妾，聞者增伉儷之重焉。鉅按：據徐星鈞所撰心泉陳公六秩壽序刪定。

鎮

佩璉第五子，字韻亭。清候選提舉。道光□年十月初三日□時生，嘉慶

□年九月初十日□時卒。年十七歲。

未娶。

祔葬瓦山坊息字圩朝偉塋域。

嗣鉞第三子鴻翊第四子鴻儀爲後。

繼

佩璉長子，字雅卿。清候選同知，贈封二品。道光七年丁亥五月初七日

□時生，咸豐十一年十一月十六日□時卒。年三十五歲。

配丁氏。清道光五年乙酉十月初三日□時生，光緒二十八年六月二十七日

□時卒。壽七十八歲。

合葬觀山。

子鴻翔。

女二：長適丁辛卿；次適沈蓮池。

鐸 佩璫次子，字劍然。清福建候補知府，代理延平府知府。壯年歸里，嬰疾不復出。道光九年己丑八月二十四日申時生，光緒十六年庚寅九月初六日□時卒。年六十二歲。

配徐氏。清道光十年庚寅三月初四日□時生，光緒三年丁丑四月初四日□時卒。年四十八歲。

合葬西門外。

子鴻兆。

女二：長二姑，適蕭守梅；次閨姑，未字卒。

錦 佩璫第三子，原名鈺，字子堅。清候選州同。道光十三年癸巳五月二十

一日酉時生，光緒二年丙子六月二十二日子時卒。年四十四歲。

配盛氏。清道光十二年壬辰六月二十二日子時生，同治元年壬戌十二月二

十日□時卒。年三十一歲。

繼配余氏。清道光二十四年甲辰十一月十六日未時生，光緒八年壬午七月

十八日□時卒。年三十九歲。

祔葬西門外鐔塋域。

子鴻宇。

女二：長適張氏；次早卒。

欽

佩璣第四子，字季寅。清道光十五年乙未八月二十八日辰時生，光緒七

年辛巳六月二十八日卯時卒。年四十七歲。

配錢氏。清道光十一年辛卯四月二十日□時生，光緒二十六年庚子四月二十八日□時卒。壽七十歲。

子鴻昌。

女掌珠，適平湖徐介生。

銑

佩璣第五子，字麗生。清福建江東巡檢，遞捐知縣，歷署崇安建安安侯官

浦城等縣，兼理崇安縣學教諭訓導，補用直隸州候補儘先知縣。道光十七年丁酉二月初四日□時生，光緒二十一年乙未正月初四日□時卒。年五十

九歲。

聘何氏。生卒年月日時俱無考。

配沈氏。清道光十二年壬辰八月十九日□時生，光緒二十四年戊戌五月二十日□時卒。年六十七歲。

祔葬西門外鶚塋域。

子二：長鴻亮，次鴻建。

女二：長適沈敬之，次適沈和甫。

【記略】公性伉爽，重然諾。自奉儉約，而親屬之貧困及遠來投托者，莫不如其願。居官耐繁劇，尤善折獄。卒於漳州之詔浦廳局。檀安香樹常祀。

鎬

佩璫第六子，字雪樵，一作雪集。清府庠生。道光十八年戊戌十二月二

十八日□時生，光緒十八年壬辰二月初十日□時卒。年五十五歲。

配周氏。清道光二十年庚子六月十二日□時生，光緒八年壬午七月二十五日□時卒。年四十三歲。

合葬孩兒地。

子鴻生。

女適王惠生。

鑑 佩璫第七子，字笙卿。清府庠生，江蘇候補巡檢。咸豐元年辛亥四月初六日子時生，光緒十八年壬辰閏六月初六日卯時卒於京江差次。年四十二歲。

配伊氏。清道光三十年庚戌十二月二十一日卯時生，光緒五年己卯閏三月初九日辰時卒。年三十歲。

繼配王氏。清同治四年乙丑二月十九日寅時生，光緒二十八年壬寅十一月初九日未時卒。年三十八歲。

祔葬西門外鵝埭域。

子二：長鴻臚；伊氏出。次殤。

鑑 佩瑛長子，字小齋。清候選按照磨。道光十年庚寅八月初八日□時生，同治十二年癸酉四月初二日□時卒於福州旅次。年四十四歲。

配鄒氏。清道光十年庚寅七月二十六日□時生，光緒二十九年癸卯七月初五日□時卒。壽七十四歲。

合葬西門外糖會館相近長豐橋。

子三：長鴻熙；次鴻賓，嗣鏞後；三鴻士。

女二：長咬姑，適沈哲夫；次六姑，不嫁。

鏞 佩瑛第三子，字和卿。清候選鹽大使。道光二十三年癸卯九月二十三日

申時生，光緒十二年丙戌十月二十日□時卒。年四十四歲。

配周氏。清道光二十二年壬寅八月初三日卯時生，光緒九年癸未七月十六

日□時卒。年四十二歲。

祔葬長豐橋鑑塋域。

嗣鑑子鴻賓爲後。

維忠 琦長子，字思庵。清嘉慶九年甲子□月□日□時生，咸豐□年□月□

日□時卒。

配劉氏。清嘉慶九年甲子□月□日□時生，咸豐□年□月□日□時卒。

子三：長德方，次德成，三德載。



維善 瑚嗣子，琦次子，字全庵。清嘉慶二十一年丙子□月□日□時生，咸豐□年□月□日□時卒。

配戈氏。生卒年月日時俱無考。

子二：長慶成，次淦成。

十二世

允春 鎮林長子。清嘉慶二十一年丙子□月□日□時生。卒年月日時均無考。卒於寧波。

允升 鎮林第三子，字景凡。生卒年月日時俱無考。葬常山。

鴻飛 維偉第三子，兼祧維仔，字志謙。清嘉慶十年乙丑六月十四日亥時生。卒年月日時俱無考。不娶。

鴻飛 維仔兼祧子。詳上。

鯨成 維僑嗣子，維偉次子，字蘭亭。清嘉慶八年癸酉四月二十三日戌時生。卒年月日時俱無考。未娶。

家植

維佐子，字伯翼，號幹齋。清邑庠生。嘉慶二十四年己卯八月二十五

日□時生，咸豐六年丙辰十一月初三日□時卒。年三十八歲。

配劉氏。清道光二年壬午□月□日□時生，咸豐十一年辛酉□月□日□時

卒。年四十歲。

祔葬薛家浜南字圩維佐塋域。

子祖豫塲，嗣家龍次子蔭曾爲後。

家相

維儀子，未有字。清道光十五年乙未七月初三日午時生。卒年月日時俱

無考。

不娶。

家龍

維任長子，字惕三。學名其忠，字軼荀。清廩貢生。嘉慶二十五年庚

辰六月初十日丑時生，光緒十五年己丑十二月初二日寅時卒。壽七十歲。

配嚴氏。清嘉慶二十三年戊寅二月十四日□時生，咸豐十年庚申十月十四

日□時卒。年四十三歲。

繼配李氏。清道光三年癸未七月初七日卯時生，光緒二十四年戊戌十月二

十八日巳時卒。壽七十六歲。

合葬小觀山。

子三：長誦芬；次蔭曾，嗣家植後；三似穀瘍。

女二：長隱芳，年二十一歲。字方氏；未嫁而方氏卒。次信芳，年十九歲。三品

芳，年十五歲。咸豐十一年辛酉四月初三日同殉洪楊之難，投水死。

【略記】自肩之公繼任殉洪楊之難，譜牒俱亡。幸少溪公嗣歸自大江以北，攜有禾獻公所修譜。公仰承先志，續而纂之焉。【勳據】三公家重修族譜序補

【述略】三女盡節述略

鶴軒公繼任

三女者，長隱芳，次信芳，三品芳。其先自南京遷乍浦，後世代讀書，素有活人陰德。吾祖拙修先生，文行俱優，爲鄉邦所重。三女其元孫也。咸豐庚申四月廿六日，粵匪陷嘉興，乍浦城內外大小人家紛紛遷徙。子長子家龍夫婦及其少弟家駿各率子女避居於鄉。當是時，子假觀海書院老夫婦與信芳同居。兒輩速子行，則以爲有天數，堅執不從。子婦輩既去，乃遣信芳歸與其三叔父家麟夫婦共守於家。長少兩房不數日歸。五月下旬，其祖母馮氏病，品芳及其弟誦芬先在院侍奉，二十四日急呼隱芳來視疾，晝夜不寢，辛苦萬狀，綿延四十二日，竟不起。五七後，粵匪陷平湖，家駿又率其子女遠遁。其時長媳嚴氏病痢，憊甚。七月十四，自院歸。隱芳品芳隨侍母疾，留信芳誦芬於院中。至八月十五，子因大兵至，書院左右騷擾不堪，遂攜兩孫竄避。

於家。時長媳病篤，百端醫治。隱芳日夜不離左右，暗封臂肉以進，終亦罔效，延至十月十四而歿。三女以祖母及母俱死，哀痛不欲生。子慰勸數日，始作事如常。厥後粵匪在嘉興，來往平湖不一，嘉府六縣俱已失，惟海鹽及乍浦斗城未動。海鹽素無守兵，今年辛酉二月二十七日，粵匪猝至，遂失守。子思全府盡陷，乍浦僅彈丸地，兵雖多，豈能獨存。再四圖維，計無所出，乃於三十日命兒子覓舟，攜三女徙於鄉，離城僅九里，地在林埭西南，僦吳氏小屋居住。三月初八夜，城西緊急。初九清晨，家龍領次子蔭會來寓後即歸，歸至中途，城中人已粉藉四散，云乍城已陷，遂不能進。挨至城下，守門者不聽入，已而敗兵斬關而逃，誦芬隨其後，從槍礮中出，尋途而來。其父候至午後始得見，乃攜之來，而三四兩房在城中，絕無音耗。次月初十，賊匪沿鄉虜掠，號打先鋒，謹避三日，得無恙。十四稍靜。月之三十日，賊兵換班。四月初一，肆行抄掠，殺人放火，爲禍更烈。子率孫女輩急避田中兩日。初三黎明，向西疾行，冀得隱藏，豈料賊兵四出，有東來者，追至下西橋，三女度不能脫，俱於西岸撲水。子行緩，於東岸見之，遽投河中。家龍及誦芬各遠遁，次幼兩孫亦下水。兩賊追及，立橋上，俯闕不可救，回顧東岸，見子在水中，遂下救，猛力曳子，恨不死，兩孫亦爲人所救俱活，而三女竟長逝矣。隱芳年二十一，信芳年十九，品芳甫十五歲，嗚呼痛哉！隱芳素有至性，幼而寡言，年十八，字方氏子，因多難未嫁也。庚申十月，方氏子死，始不以聞，月餘而覺，不食者三日。時其母已死，全賴三女攝搗家務，兩妹見其如此，輒涕泣叩求無死，子乃百端勸慰，喻以孝義，始持哀

而食。然其志甚堅，無可解譬。今適遭此厄，視死如歸，可謂如其願矣。顧念予十餘年來粗安飲食，家事俱付之不問，自去歲至今今年數月間時揮老淚，賴有三女孫相慰以延殘喘，今俱棄我而去，今我一無所依，亦知天數難違，命途多舛，人非木石，慘目傷心，萬難自遣，老年遭此大劫，有日夜飲泣而已。辛酉四月既望，祖維任述。系以詩曰：

爲迷凶穢共輕生，白水居然踐舊盟。志潔不須悲玉碎，芳名長此比河清。石橋有迹雲常護，野岸無人月自明。許爾他時歸祖墓，聚頭依舊話親情。

**家麟** 維任第三子，字益三，號辨歐。清邑庠生。道光五年乙酉十一月二十

一日巳時生，同治十一年壬申正月初九日□時卒。不令終。年四十八歲。

配朱氏。清道光六年丙戌□月□日□時生，咸豐八年戊午□月□日□時卒。年三十三歲。

繼配王氏。清道光十九年己亥□月□日□時生，咸豐十一年辛酉三月初九日殉洪楊之難，自投井中，遇救出。復入室自縊死。年二十三歲。奉旨旌卹，入節烈祠。

合葬燈光山。

子二：長元徵；次心葵。癯。

**家駿** 維任第四子，字晉三，學名其敬，字伸薛。清府庠生。道光十年庚寅

九月二十八日□時生，同治二年癸亥□月□日□時卒於仙女鎮旅次。年三十四歲。世系圖載三十三歲卒。

**配朱氏**。清道光十年庚寅□月□日□時生，咸豐十一年辛酉□月□日□時卒。年三十二歲。

**鴻裕** 銓嗣子，鈞子，字厚卿。清咸豐元年辛亥五月初六日丑時生，民國十七年戊辰十一月初十日酉時卒。壽七十八歲。

**配汪氏**。清同治四年乙丑正月十六日巳時生，民國元年壬子七月二十二日丑時卒。年四十八歲。

附葬北門外金家橋東佩珩塋域。

嗣鴻慶長子懋功爲後。

**鴻慶** 鏞長子，字延慶。清道光二十五年乙巳四月二十八日亥時生，民國二年癸丑十一月初一日申時卒。年六十九歲。

**配陶氏**。清咸豐三年癸丑十一月二十二日辰時生，民國十九年庚午二月十

五日寅時卒。壽七十八歲。

合葬內觀山。

子三：長懋功，嗣鴻裕後，兼祧本生父；次懋德；三懋樹，嗣鴻猷後。

女四：長珍姑，適江養之；次鏘姑，適蔡善生；三七姑，早卒，冥配辜天麟；四八姑，適邵希聲。

鴻猷 鏘次子，字綏卿。清咸豐五年乙卯六月十一日亥時生，民國十三年甲

子十月十七日酉時卒。壽七十歲。

配沈氏。清咸豐九年己未十月二十三日子時生，民國十七年戊辰十二月二十五日辰時卒。壽七十歲。

繼配竺氏。清光緒七年辛巳三月二十四日亥時生，民國三十三年甲申五月初八日亥時卒。年六十四歲。

鴻猷及配合葬燈光山。繼配葬珠山。

嗣鴻慶第三子懋樹爲後。後生子三：長懋應塲，次懋奎，三懋正。皆竺氏出。



鴻馥 鐘長子，字益卿。清道光二十九年己酉十二月二十四日午時生，光緒十七年辛卯十月二十二日辰時卒。年四十三歲。

配張氏。清咸豐二年壬子八月二十四日申時生，光緒七年辛巳十二月二十九日申時卒。年三十歲。

合葬常山。

嗣鴻勳長子懋源爲後。

女二：長閨姑，適戴汝舟；次吟姑，早卒。

鴻祺 鐘次子，未有字。清咸豐二年壬子□月□日□時生，九年己未□月□日□時卒。年八歲。

冥配朱氏。清咸豐四年甲寅十二月二十日亥時生，同治二年癸亥八月十九日酉時卒。年十歲。

鴻祺塋域待考。朱氏祔葬黃山朱雲程公墓。

嗣鴻勳次子懋業爲後，兼祧本生父。

鴻勳 鐘第三子，字楚卿。清同治二年癸亥七月初一日寅時生，民國六年丁

已十月初八日子時卒。年五十五歲。

配吳氏。清同治六年丁卯十二月二十三日巳時生，光緒二十三年丁酉四月初九日亥時卒。年三十一歲。

祔葬常山鴻馥塋域。

子二：長懋源，嗣鴻馥後；次懋業，嗣鴻祺後，兼祧本生父。

女三：長貴英，適徐聯璧；次貴貞，適干丙生；三殤。

鴻漸 鐘第四子，字芍卿。清同治六年丁卯四月十三日亥時生，民國二十八年己卯二月二十一日申時卒。壽七十三歲。

配汪氏。清同治十一年壬申十一月十三日子時生，光緒二十三年丁酉七月十一日子日時卒。年二十六歲。

祔葬常山鴻馥塋域。

子懋斌。

鴻志 鑛子。清咸豐四年甲寅□月□日□時生。卒年月日時待考。光緒元年時年二十二歲。

鴻壽 錫嗣子，鉞長子，字讀齋。清道光三十年庚戌□月□日□時生，光緒八年壬午□月□日□時卒。年三十三歲。有疾未娶。

嗣鴻儒長子樹馨爲後。

鴻儒 鎔嗣子，鉞次子，字耕莘。清邑庠生，地封四品銜。咸豐二年壬子四月初二日□時生，光緒十七年辛卯九月二十一日□時卒。年四十歲。配桐城方氏。清道光三十年庚戌十月初八日□時生，光緒二十五年己亥正月二十八日□時卒。年五十歲。

子三：長樹馨，嗣鴻壽後；次桂馨；光緒元年楊三公家龍所修譜，載鴻儒子桂馨今年四歲。疑屬。二樹聲。

女大姑，適□氏。

鴻年 鉞第七子，字秋讀，又名勳，號蔭卿。清五品銜，直隸候補典史，保

主簿。署玉田縣主簿二年，署雄縣典史，正太鐵路分局長，黃龍口委員。補授鐵嶺典史七年，保免以縣佐任用，分發奉天，補八道江縣佐。咸豐十一年辛酉八月十三日申時生，民國十六年丁卯□月□日□時卒。年六十七歲。配鄒氏。清咸豐十一年辛酉八月二十六日寅時生，光緒三十一年乙巳六月十二日酉時卒。年四十五歲。

繼配鄒氏。元配姊。清咸豐二年壬子十二月初四日□時生，光緒三十二年丙午三月二十二日丑時卒。年五十五歲。

繼配沈氏。清光緒四年戊寅四月初九日□時生，民國二十四年乙亥十一月初四日辰時卒。年五十八歲。

均歿於任所。柩未運回。

嗣鴻甲長子樹香爲後。

鴻甲 鉞第八子，字子耕。清同治二年癸亥十二月二十三日□時生，民國五年丙辰八月初六日亥時卒。年五十四歲。

配胡氏。清五品銜良琴齋女。同治十年辛未十二月初十日□時生。民國三十七年戊子，時壽七十八歲。

子二：長樹香，嗣鴻年後；次樹爵。

鴻綬 鉞第九子，字友樵。清同治四年乙丑十月二十二日□時生，光緒□年

□月□日□時卒。

未娶。

鴻周 鉞第十子，字渭漁，後改演周。清同知銜，福建候補知縣，學務公所主任科員，奏咨年終加考五次，奏保松督。保免補本班，以直隸州知州加知府銜。法政學堂講習科優等畢業。北京財政部講習科畢業。委署惠安漳浦等縣，辭未到任，保免薦任職，仍留直隸任用。覲見後，奉大總統令，發交財政部任用，國務院註冊，南贛寧局長，兼粵鹽稅捐局長，兼大庾雄鹽稅捐局分局長，直隸烟酒稅局長，江西財政廳顧問，安徽財政廳祕書。同治六年丁卯十一月初七日戌時生，民國三十七年戊子九月二十八日申時卒。壽八十二歲。

配朱絹絹。清知府銜，補用同知直隸州南靖縣知縣補鹽庫廳之榮戟門女。

同治九年庚午十月初十日丑時生，光緒二十三年丁酉十二月二十五日來歸。光緒二十六年庚子十二月初四日寅時卒。年三十一歲。

繼配汪綺仙。清同知銜理問德濟辰齋第五女。光緒三年丁丑十月初九日午時生，二十九年癸卯八月十五日來歸。民國三十一年壬午六月初五日子時卒。年六十六歲。

繼配莊氏。福建興化府莆田縣人。清光緒十三年丁亥二月十一日卯時生。民國三十七年戊子，時年六十二歲。

鴻周葬上海萬國公墓。繼配汪氏葬上海虹橋公墓。

子七人：長學；次雋；清宣統元年己酉七月初八日□時生，二年庚戌二月□日□時殤。年二歲。三夷；莊氏出。四統；五學敬殤；字本誠，民國三年甲寅閏五月十四日辰時生，四年乙卯正月初四日丑時殤。年二歲。六較；字昌若，民國九年庚申二月十七日寅時生，十二年癸亥四月十一日卯時殤。年四歲。七上咸。

女襄，字襄若。清光緒三十四年戊申九月二十四日寅時生。民國三十七年戊子，時年四十一歲。適合肥李家瓏。

【略記】浙紳陳渭漁作古錄自民國三十七年十一月一日申報

浙耆紳平湖陳渭漁氏，於民國三十七年十月三十日下午三時四十分壽終滯寓，遐齡八十有二。

明午二時，在華山路中德殯儀館大殮，遺命不發訃，不開弔。氏係遜清名幕，屢膺北洋大府幣聘，倚畀隆重。嗣出宰八閩，以強項令稱。洊官郡守，循聲卓著。入民國後，財政當局又予借重，屢長江西安徽等省鹽務菸酒各稅局，旋調贛省緝私事宜，因力除積弊不得，憤而引退。時民國十三年。從此杜門卻掃，雖時以賣畫典衣度日，但仍厲行顏氏家訓，督責子弟，是以其哲嗣巨來統照左高等，饒粥自甘，清白相勸，年來持印鶴館穀，以奉甘旨。陳氏昆仲等耿介之風，識者僉謂一乘老人遺訓，同深蒼舊凋零之感焉。

**鴻渚** 鉞第十一子，字還讀。清同治十年辛未八月初八日□時生，光緒二十八年壬寅八月二十一日□時卒。年三十二歲。不娶。

**鴻方** 鉞第十三子，字硯耕。清福建候補典史，福建工業學堂會計。光緒元年乙亥九月十四日□時生，民國三十一年壬午十一月□日□時卒。年六十八歲。

**配江氏**。清光緒十四年戊子九月十四日□時生。民國三十七年戊子，時年六十一歲。葬鴻方珠山。

子樹敏，兼祧鴻儀。

鴻緒 鏞長子，字伯誠。清邑庠生。咸豐九年己未十一月初四日□時生，光緒十八年壬辰十月三十日□時卒。年三十四歲。

配莫氏。清咸豐六年丙辰九月初十日□時生，民國十四年乙丑八月十九日丑時卒。壽七十歲。

祔葬陸家橋西常山鏞塋域。

子樹藩。

【記略】伯誠公配莫太，有丈夫風，早寡。子潤生，畢業福建工業專門學校，亦早夭。莫太乃一  
意於社會及教育事業。凡地方公益之事靡不助勸。臨卒之歲，猶執教鞭於上海民立女中焉。旬  
族叔祖恒安翁常口述此。

鴻昭 鏞次子，字仲修。清庠生。咸豐十一年辛酉二月初七日辰時生，民國二十一年壬申六月初七日未時卒。壽七十二歲。

配徐氏。清咸豐九年己未十月二十八日生，民國五年丙辰四月十二日□時卒。年五十七歲。



子三：長樹杖，次樹銘，三樹澤。

女三：長大姑，適唐博泉；次羣姑；三歡姑。

鴻荃 錢第三子，字叔明。清庠生。同治二年癸亥九月十六日□時生，光緒

二十七年辛丑五月十一日□時卒。年三十九歲。

配胡氏。清同治元年壬戌正月初三日□時生，光緒二十九年癸卯十一月二十一日□時卒。年四十一歲。

合葬福州。

嗣鴻藻次子樹惇爲後。

鴻藻 錢第四子，字季平。清福建候補理問。同治四年乙丑八月二十八日□

時生，民國十八年己巳十二月二十五日□時卒。年六十五歲。

配韓氏。清同治八年己巳四月初三日□時生，民國□年□月□日□時卒。

民國二十九年庚辰，時壽七十二歲。

祔葬鴻藻於福州鴻荃塋域，葬韓氏於四川北碚。

子三：長樹深；次樹惇，嗣鴻荃後；三樹純。  
女三：長文錦，適平松清；次文淑，適朱楚臣；三文蘊，適龔理洲。

鴻業 鏊第五子，字次伯。清同治七年戊辰七月十一日□時生，光緒二十五年己亥五月二十八日□時卒。年三十二歲。

配徐氏。清同治十二年癸酉七月二十四日□時生，民國三十一年壬午十月十七日申時卒。壽七十歲。

祔葬陸家橋西常山鏊塋域。

子二：長樹柑，字桐村，殤，次樹榮。

鴻翊 鎮嗣子，鏊第三子，字樵谷。清貽封五品銜。咸豐四年甲寅正月十四日 或作正月二十九日 □時生，光緒十八年壬辰八月十九日□時卒。年三十九歲。

配吳氏。清咸豐四年甲寅十月二十二日□時生，民國二十五年丙子二月初六日丑時卒。壽八十三歲。

合葬小平山。

子樹葵。

女適汪本然。潛同知銜雲根子。字根生，又號醒安，邑庠生。同知銜，奉天候補知縣，保免縣知事，署柳河知事。

鴻儀 鎮嗣子，鉞第四子，字漁門。清咸豐五年乙卯十一月或作十月十五日卯時生，光緒二十二年丙申九月十六日午時卒。年四十二歲。

配程氏，清三品銜升用道江蘇河工同知署運河同知清鵬女。咸豐三年癸丑六月初六日寅時生，民國二十八年己卯四月十一日午時卒。壽八十七歲。合葬常山。

以鴻方子樹敏兼祧。

鴻翔 鑣子，字秋士。清福建候補府經歷。道光二十六年丙午八月十五申時生，光緒二十六年庚子十一月二十一日□時卒。年五十五歲。

配葛氏。清道光二十七年丁未十二月初四日□時生，□年四月初三日□時卒。

繼配潘氏。清道光二十七年丁未十二月十五日子時生，民國六年丁巳三月

初四日巳時卒。壽七十一歲。

合葬觀山。

子桂芬塲，嗣鴻宇子樹屏爲後。

女適劉松雲。

鴻兆 鐔子，字吉士。清道光三十年庚戌六月二十六日□時生，宣統三年辛

亥五月十二日□時卒。年六十二歲。

配賀氏。清道光戊申三月二十五日□時生，光緒乙亥四月十四日□時卒。

年二十八歲。

繼配陸氏。清咸豐四年甲寅三月十四日申時生，民國二十八年己卯十月三

十日辰時卒。壽八十六歲。

祔葬西門外鐔塲域。

子樹棠。

女適丁菊墅。

鴻宇 錦子，字琴士。清咸豐四年甲寅三月初四日子時生，光緒十七年辛卯

十二月十五日□時卒。年三十八歲。

配王氏。清咸豐六年丙辰八月初四日卯時生，光緒三年丁丑七月初八日□時卒。年二十二歲。

繼配林氏。清咸豐三年癸丑三月初三日□時生，光緒八年壬午十月十四日□時卒。年三十歲。

繼配王氏。清同治四年乙丑十一月二十四日子時生，民國二十六年丁丑十二月十六日卯時卒。壽七十三歲。

祔葬西門外鰲埕域。

子二：長樹屏，嗣鴻翔後；次樹梅。

鴻昌 欽子，字瀛士。清福建候補巡檢。曾任福建泉州鎔五店海關委員，長

蘆遼豐玉官運局局長，鄂岸權運局功鹽倉倉長，提鹽事務所所長等職。

同治五年丙寅十一月初九日卯時生，民國二十一年壬午十二月初二日卯時卒。壽七十七歲。

配丁氏。清同治十年辛未六月二十一日丑時生。民國三十七年戊子，時壽七十八歲。

子樹榛。

女樹桐，適徐仲恕。

【略記】公幼而岐嶷。年甫弱冠，慨然有四方之志，遠客榕城。先後襄辦釐局稅關暨官運局務，以巡檢需次關垣，歷辦省會平糶酒捐等局，泉州常稅分關。轉任吉林銀元局務。民國二年，謁前長蘆運使張公岱於津門。張公諗其廉介，委充遵豐玉官權運局局長。四年，任漢口功鹽局局長。卽按：據少卿公鴻圖所撰遺士公五秩雙慶文冊定。

鴻亮 銑長子，字蕩勳。清同治三年甲子六月二十三日□時生，民國元年壬子正月初三日□時卒。年四十九歲。

配丁氏。清同治二年癸亥三月二十三日□時生，民國十六年丁卯七月十五日卯時卒。年六十五歲。

合葬福州西門外祭酒嶺。

子七：長樹德；次樹勳，嗣鴻生後；三樹基；四樹人，嗣鴻建後；五樹滋；六樹蔭；七樹侯。

女二：長大姑，早卒；次九姑，適謝伊仙。

鴻建 銑次子，字菊舫。清同治七年戊辰九月二十六日□時生，光緒十五年己丑七月二十九日□時卒。年二十二歲。

配黃氏。清同治九年庚午十月十七日□時生，光緒三十年甲辰四月初二日□時卒。年三十五歲。

祔葬西門外鶚塋域。

嗣鴻亮第四子樹人爲後。

鴻生 鎬子，字蟾士。清咸豐九年己未八月初八日□時生，光緒二十八年壬寅九月十九日□時卒。年四十四歲。

冥配汪氏。清光緒六年庚辰十二月初六日寅時生，二十六年庚子六月初七日巳時卒。年二十一歲。

嗣鴻亮第二子樹勳爲後。

鴻廬 鉉子，字少卿，一字景度。清邑庠生。光緒二年丙子正月三十日子時生，民國七年戊午正月初七日丑時卒。年四十三歲。

配沈氏。清光緒三年丁丑五月二十二日辰時生，民國三十年辛巳閏六月十六日寅時卒。年六十五歲。

祔葬西門外鐔塋域。

子樹常。

女翰仙，適尙其良。

【藝文】己酉孟冬八日，得潤生姪月朔逝世之耗，臨風回首，驚悼交并。但句四十聯，長誦當哭，不計工拙也。總服叔鴻臚揮淚書於鴻江榭舍。

相見苦參差，加餐強自支。乍宵猶入夢，竟日劇縈思。迢遞鯨洋阻，音書駭電馳。啓緘驚失措，奪命恨難爲。遺跡從頭溯，揮毫忍淚垂。慈山延世澤，榕嶠創門楣。老鳳元龍擬，慈烏鉅鹿推。臆綿承祖蔭，籜解冠孫枝。穎慧咸誇譽，嬌憨莫笑癡。趨庭方問字，涉帖陡興悲。甫倍分梨歲，何堪廢蓼詩。金賞增愛護，玉樹快扶持。抑痛憐孤鶴，寧聲望一雙。柳丸常助讀，歐荻試臨池。崇學開新校，儲材列講帷。化工明格致，理想輒神奇。浮躁羣爭效，安祥性不移。如松年正富，並帶室攸宜。畢業資深造，題名獎渥施。彝倫臻敘樂，鄉塾遠求師。客處翻成主，雄飛恥伏雌。嘉平恭祝壽，珍重訂歸期。善病愁司馬，銷魂曲唱驪。家園勞記認，甥館足棲遲。桃李春風植，英華夏雨滋。寸丹雲舍慕，尺素水程貽。人事偏違逆，子懷本鬱伊。採薪憂忽抱，勿藥喜占醫。屈指將旋矣，捫心藉慰之。擁爐逢煖會，易質遠長辭。那復含怡趣，空殷反哺私。



九原應遇父，伯道乃無兒。缺憾同精衛，哀啼聽子規。鏡花泡影感，石爛海枯時。回憶鋪甃冷，嘗看舞綵嬉。竊慚槐市比，遑羨竹林隨。朱紫誠非尚，青藍允在茲。壯行初就聘，小別永傷離。哭汝曾聞否，凄其未信斯。斷腸搜索盡，聊當楚些詞。

鴻熙 鑑長子，字聞瀾。清府庠生。道光三十年庚戌二月二十八日戌時生，

光緒八年壬午五月初十日□時卒。年三十三歲。

配邱氏。清咸豐二年壬子三月十八日辰時生，光緒三年丁丑三月初八日□時卒。年二十六歲。

繼配張氏，守節五十年。民國八年六月大總統題褒「節勵松筠」匾額。清咸豐五年乙卯十月十七日□時生，民國二十年辛未十一月二十二日□時卒。壽七十七歲。

祔葬西門外鐔塋域。

嗣鴻賓子樹高爲後，兼祧本生父。

女三：長玉珍，早卒；次玉桂，適張憲夫；三玉英，適潘秉鈞。

鴻士 鑑第三子，字觀潮。清咸豐十年庚申六月初七日亥時生，光緒十六年

庚寅七月初九日□時卒。年三十一歲。  
不娶。

鴻賓 鏢嗣子，鑑次子，字聽濤。清咸豐六年丙辰三月二十六日午時生，光緒二十三年丁酉八月二十七日□時卒。年四十二歲。

配黃氏。清咸豐四年甲寅四月初四日□時生，光緒十五年己丑六月二十二日□時卒。年三十六歲。

繼配邱氏。清咸豐十一年辛酉十月初九日亥時生，民國十七年戊辰十一月二十七日酉時卒。年六十八歲。

祔葬長豐橋鑑塋域。

子樹高，嗣鴻熙後，兼桃本生父。

女六：長玉娟，適張和甫；次玉芳，適丁潤之；三三姑，早卒；四玉書，適王潤泉；五五姑殤；六金姑殤。

德方 維忠長子，字福山。清道光八年戊子□月□日□時生，同治□年□月□日□時卒。

配程氏。清道光二十三年癸卯□月□日□時生，光緒□年□月□日□時卒。

德成 維忠次子。清道光十年庚寅生。卒年月日時俱無考。

未娶。

德載 維忠第三子。清道光十三年癸巳生。卒年月日時俱無考。

未娶。

慶成 維善長子，字子均。清道光二十三年癸卯五月初十日□時生，光緒十

七年辛卯八月初十日□時卒。一作道光甲辰生，光緒壬辰卒。年四十九歲。

配伊氏，清道光二十八年戊申八月初十日□時生，光緒二年丙子來歸。光緒十四年戊子八月初九日□時卒。年四十一歲。

子昌善。

淦成 維善次子。清道光二十八年戊申□月□日□時生。卒年待考。

### 十三世

蔭曾 家楨嗣子，家龍次子，字心耕。僑寓寧波慈溪縣。清咸豐四年甲寅六月初六日申時生，同治四年乙丑七月十七日未時卒。年十二歲。句按：卒年據伯琴翁盤樂所修族譜。惟楊三公家龍所修譜，載光緒元年公二十二歲，恐係道途懸隔，未卜存亡故耳，待考。

冥配□氏。清同治三年甲子□月□日□時生。句按：伯琴翁所修族譜，載□氏咸豐甲子生。並加考按云：咸豐無甲子，恐係同治三年甲子之誤，姑書之以待考。

嗣誦芬第三子懿德爲後。

誦芬 家龍長子，字心梅，又字心培。清蔭襲主簿。道光二十九年己酉二月初十日辰時生，光緒二十七年辛丑四月初八日未時卒。年五十三歲。

配敖氏。清道光三十年庚戌六月初一日巳時生，民國九年庚申十月初十日□時卒。壽七十一歲。

合葬燈光山麓對南灣石路。

子六：長翰；次嘉猷；三懿德，嗣蔭曾後；四常經；五成憲，殤；字季良，清

光緒七年辛巳七月十六日巳時生，二十年甲午十一月初八日辰時卒。年十四歲。六天爵。

元徵 家麟長子，字衡甫。清郡庠生，咸豐五年乙卯五月十九日子時生，民國八年己未五月二十六日□時卒。年六十五歲。

配王氏。清咸豐癸丑十一月十六日□時生，光緒二十七年辛丑二月初七日□時卒。年四十九歲。

合葬燈光山。

子二：長令緒，次令威。

女宛瑩，適同邑顧海萍。柳溪子。民國三十七年戊子，時年六十六歲。

懋功 鴻裕嗣子，鴻慶長子，兼祧本生父。字硯農。清光緒二年丙子六月十

六日寅時生，民國三十五年丙戌五月初十日子時卒。壽七十一歲。

配俞氏。清光緒元年乙亥正月十一日午時生，二十二年丙申十月十四日未時卒。年二十二歲。

繼配龔氏。清光緒元年乙亥十二月十二日亥時生，民國二十四年乙亥三月初七日申時卒。年六十一歲。

懋功葬軍工路旁。俞氏葬小觀山許家三元墳之西。抗戰中墳樹被伐，以未立石碑尙待考認。龔氏待考。氏柩前寄同昌義園，戰時園爲日軍所毀，柩已難覓。句按：以上略據伯琴

新懋業記

撫義子炳文爲後。

懋功 鴻慶長子，嗣鴻裕後，兼祧本生父。詳上。

懋德 鴻慶次子，字硯椿。清光緒九年癸未正月十六日寅時生，三十年甲辰正月二十六日戌時卒。年二十二歲。

冥配王氏。清光緒十一年乙酉九月三十日酉時生，二十八年壬寅八月二十三日亥時卒。年十八歲。

合葬內觀山。

懋樹 鴻猷嗣子，鴻慶第三子，字硯樓。清光緒十三年丁亥十一月二十日寅時生，三十一年乙巳四月十一日寅時卒。年十九歲。

冥配陸氏。清光緒十二年丙戌八月初九日巳時生，二十八年壬寅四月二十

五日卯時卒。年十九歲。

合葬觀山汪家墳對面平地。

懋奎 鴻猷次子，字硯威。清光緒三十二年丙午十一月初三日午時生，民國

二十一年壬申九月初十日午時卒。年二十七歲。

配楊氏。清宣統元年己酉五月二十五日午時生。民國三十七年戊子，時年四十歲。

懋奎葬湯山。

懋正 鴻猷第三子，字彥洲。現任職於上海靜安寺大發南貨號。民國元年壬

子七月初十日午時生。三十七年戊子，時年三十七歲。

配沙氏，雨滋女。民國二年癸丑十二月十四日丑時生。三十七年戊子，時年三

十六歲。

子二：長炳樑，次炳鈞。

女二：長小寶，民國三十年辛巳二月初七日卯時生，三十四年乙酉三月□日□時薨，年

五歲。次倍倍。民國三十四年乙酉八月二十九日丑時生。三十七年戊子，時年四歲。

懋源 鴻馥嗣子，鴻勳長子，字伯榮。清光緒十三年丁亥二月二十三日辰時生，民國十四年乙丑三月二十七日酉時卒。年二十九歲。

配徐氏。清光緒十五年己丑十月二十二日戌時生。民國三十七年戊子，時年六十歲。

懋源葬小平山。

子炳琅。嗣懋業次子炳謙爲後，兼祧本生父。

女二：長冠羣，適戴益麟；次冠珍，適朱楚卞。

懋業 鴻祺嗣子，鴻勳次子，兼祧本生父。字伯琴。清光緒十七年辛卯十一

月二十九日寅時生。民國三十七年戊子，時年五十八歲。

配朱氏。清光緒十九年癸巳九月初四日子時生。民國三十七年戊子，時年五十

六歲。

子一：長炳春。字訪舟。民國七年戊午正月二十日卯時生，九年庚申十月十二日酉時殤，年三歲。葬六家橋之上。次炳謙，嗣懋源後，兼祧本生父。

女四：長冠華，次冠玉，民國十八年己巳正月初三日卯時生。三十七年戊子，時年二



十歲。三冠寶，民國二十一年壬申十二月初七日卯時生，三十一年壬午十二月二十日未時  
薨，年十一歲。四冠翠，民國二十六年丁丑八月初十日寅時生，三十年辛巳九月十二日巳  
時薨，年五歲。

懋業 鴻勳次子，嗣鴻祺後，兼祧本生父。詳前

懋斌 鴻漸子，字念萱。清光緒二十三年丁酉七月初七日酉時生，民國二十  
八年己卯七月初二日申時卒於張堰源錫本行。年四十三歲。

配吳氏。民國元年壬子二月十六日子時生，二十六年丁丑七月二十一日午  
時卒。年二十六歲。

合葬張堰。

子本鈺。民國二十四年乙亥□月□日□時生，二十六年丁丑六月初一日午時薨，年三歲。  
女秀官。民國二十年辛巳十月初一日午時生。三十七年戊子，時年十八歲。

樹馨 鴻壽嗣子，鴻儒長子。字仰曾。清同治四年壬申六月初六日□時生，  
民國七年戊午□月□日□時卒。年五十四歲。

配章氏。清同治十三年甲戌五月二十一日□時生，民國二十四年乙亥五月二十一日□時卒於九江。年六十二歲。

葬樹馨福建。

子五：長炳康；次瘍；三炳瑞，嗣樹藩後；四炳華；五炳誠。

女瑾如，民國四年甲寅十一月二十五日□時生。三十七年戊子，時年三十四歲。適鎮江周恩富。

樹聲 鴻儒幼子，字惠嘉。清光緒十一年乙酉十二月初七日□時生，民國十二年癸亥□月□日□時自沈於下關之揚子江。年三十九歲。葬下關之原。

【記略】公諱樹聲，字惠嘉。父耕莘公，清光緒間遊宦兩中，遂生公於閩。民國肇造，公來遊上海。於京劇有篤好。一時名伶，推譚鑫培爲巨擘。公顧曲聆音，賞其藝事，揣摩簡練，轉喉引聲，抗墜抑揚，得其神似。間亦登臺奏藝，一時推名票友云。既以家世清望，而時人卑視優伶，不克托跡梨園。乃浪遊南北，三年而歸。經歷既廣，哀民生之多艱，而以失業者爲尤困。遂詣南京，陳書當道，擬集資以創建平民習藝所，藉撫民之困而無告者。江蘇省長李純嘉之，畫下關地供其營構。巨款既集，工事方興；而司會計者忽攘竊巨資，遠颺以去。公自念，少時嘗以所

交非人，深自刻責，方力自整肅，以求令名，而又爲友人所賣。既無以自明，遂溼陳衷曲，自沈於下關之揚子江。一時人士哀其際遇，欽其志節，葬公於下關之原，並建刊墓表，述其志事焉。旬撰，事跡據巨來所述。

樹香 鴻年嗣子，鴻甲長子，字竹霖。北京政法學院畢業，曾任東北各區秘書。清光緒十九年癸巳二月十三日申時生，民國二十二年甲戌九月十七日□時卒。年四十二歲。

配宋氏。清光緒十八年壬辰十月□日□時生。民國三十七年戊子，時年五十七歲。

撫義子炳宗爲後。

樹爵 鴻甲次子，字祖福。現任嘉定縣電訊管理所技術員。清光緒三十年甲辰十一月十五日□時生。民國三十七年戊子，時年四十五歲。

配嘉定王氏。民國二年癸丑十一月十九日□時生。三十七年戊子，時年三十六歲。

子炳鑑。

學 鴻周長子，字巨來，號確齋。法律專門學校畢業，歷任淞滬警備司令部秘書，參謀本部上校諮議等職。擅治印，尤于元朱印有獨擅。清光緒三十一年乙巳三月十九日酉時生。民國三十七年戊子，時年四十四歲。

配況維琚，清詞宗周頤蕙風之長女。字綿初，廣西臨桂人。清光緒二十九年癸卯十月二十一日未時生。民國十九年庚午十月二十四日來歸。三十七年戊子，時年四十六歲。

夷同 鴻周第三子，字暘若。原諱樹堅。擅詩詞，能刻漢印。歷任京滬滬杭甬鐵路管理局課員等職。清宣統二年庚戌十二月二十五日辰時生，民國二十九年庚辰九月初一日戌時卒。年三十一歲。

配顧蕓，河南財政廳長歸愚桂生之女。民國五年丙辰七月十三日□時生。三十七年戊子，時年三十三歲。

夷同葬上海虹橋公墓。

嗣統照長子行密爲後。

統照 鴻周第四子，字蒼叔。歷任上海特別市警察局督察員，國民政府行政

院印鑄局主任等職。民國三年甲寅正月十三日未時生。三十七年戊子，時年三十五歲。

配江小馨，清舉人古懷之女。民國七年戊午七月初九日□時生。三十七年戊子，時年三十一歲。

子二：長行密，嗣夷同後；次弘宓。

女玉承。民國三十年辛巳四月二十八日□時生。三十七年戊子，時年八歲。

上戚 鴻周幼子，字左高，一名延，字次阮。無錫國學專修學校畢業，國立復日大學文學士。歷任世界文化社編輯，復旦大學教員，新中國法商學院國文講師等職。民國十二年甲子八月二十日戌時生。三十七年戊子，時年二十五歲。著有中國日記史、未刊學齋筆乘、散見各報及雜誌等書。

樹敏 鴻方子，兼桃鴻儀，字道華。立信會計學校畢業，曾任江蘇省公路管

理處會計，現任空軍總司令部預算股長。清光緒三十二年丙午十二月二十九日□時生。民國三十七年戊子，時年四十三歲。

配王氏，南通人。清宣統三年辛亥□月□日□時生。民國三十七年戊子，時年三十八歲。

樹藩 鴻緒子，字潤生。清光緒十一年乙酉九月十五日□時生，宣統元年己酉十月初一日□時卒。年二十五歲。

配丁氏。清光緒九年癸未七月十七日□時生，宣統三年辛亥三月初十日□時卒。年二十九歲。

附葬陸家橋西常山鴻緒塋域。

銅樹馨次子炳瑞爲後。

樹枚 鴻昭長子，字穎甫。清宣統元年己酉四月十五日□時生。民國三十七年戊子，時年四十歲。

樹銘 鴻昭次子，字申甫。民國二年癸丑十二月二十五日□時生。三十七年戊子，時年三十六歲。

樹澤 鴻昭幼子，字祥甫。民國八年己未五月二十五日□時生。三十七年戊子，時年三十歲。

樹惇 鴻荃嗣子，鴻藻次子，字厚安。清光緒二十四年戊戌十一月十五日□時生。民國三十七年戊子，時年五十一歲。

配朱氏。清光緒二十七年辛丑二月初一日□時生。民國三十七年戊子，時年四十八歲。

女玉玉。民國十四年乙丑二月初四日□時生。三十七年戊子，時年二十四歲。

樹深 鴻藻長子，字遂安。清光緒二十二年丙申九月二十三日□時生。民國

三十七年戊子，時年五十三歲。

配羅氏。清光緒十九年癸巳十二月二十一日□時生。民國三十七年戊子，時年

五十六歲。

女二：長洪姑，適福州龔氏；次瑁姑，適何氏。

樹純 鴻藻幼子，字一庵。福建將樂縣知事。清光緒二十九年癸卯十二月二

十日□時生。□年□月□日□時卒。

樹榮 鴻業次子，字稻蓀，一字韜深。福建樟浦縣知事。清光緒十八年壬辰

十月十一日□時生，民國二十六年丁丑十月初二日午時卒。年四十六歲。

配言氏。清光緒十四年戊子七月二十日卯時生，民國三十一年壬午正月二

十五日丑時卒。年五十五歲。

合葬珠山。

子二：長炳麟，次炳鋸。



樹榮 鴻翊子，字彤伯，清邑庠生。光緒十年甲申五月十四日辰時生，民國二十四年乙亥十二月初三日寅時卒。年五十二歲。

配沈氏。清光緒十四年戊子四月二十九日□時生。民國三十七年戊子，時年六十一歲。

子炳莖。民國元年壬子十月□日□時生，十一年壬戌十月□日□時殤，年十一歲。葬孩兒地。

女三：長瑞華，民國九年庚申四月二十五日□時生。三十七年戊子，時年二十九歲。次瑞芳，民國十二年癸亥十二月初六日□時生。三十七年戊子，時年二十六歲。三瑞貞。民國二十一年壬申元月十二日□時生。三十七年戊子，時年十七歲。

樹敏 鴻儀兼祧子，鴻方子。詳前

樹屏 鴻翔嗣子，鴻字長子，一字幼琴。清光緒十一年乙酉五月二十日辰時生。民國三十七年戊子，時年六十四歲。

配羅氏。清光緒十六年庚寅正月初四日未時生。民國三十七年戊子，時年五十

九歲。

撫義子炳岳爲後。

樹棠 鴻兆子，字夢熊。清光緒十二年丙戌三月初七日丑時生。民國三十七年

戊子，時年六十三歲。

配徐氏。清光緒十三年丁亥八月初六日亥時生，民國十三年甲子十二月二十二日亥時卒。年三十八歲。

子二：長炳□殤，清宣統三年辛亥正月十六日□時生。卒年待考。次炳釗。

樹梅 鴻宇次子，字幼士，號永齡。清光緒十四年戊子七月二十一日申時

生，民國十八年己巳二月十三日戌時卒。年四十二歲。

不娶。

葬湯山。

樹榛 鴻昌子，字迪侯，學名季孫，一名迪。曾任平湖縣政府教育科長，平湖縣商會常務理事，南京朝報編輯。現任全國省銀行聯合會文牘。清光緒二十五年己亥三月二十一日丑時生。民國三十七年戊子，時年五十歲。

配周培志，鈕雲次女。清光緒二十四年戊戌九月十四日亥時生，民國二十五年丙子十月二十八日巳時卒。年三十九歲。

繼配徐惠珠，少雲長女，嘉善西塘人。民國二年癸丑九月十四日子時生。三十七年戊子，時年三十六歲。

子四：長炳權，字怡樓，民國十年辛酉十一月初三日酉時生，十六年丁卯九月初三日□時薨，年七歲。葬孩兒地。次炳衡，三炳彪，四炳驥。均周氏出。

女德中。徐氏出。民國三十二年癸未七月二十日辰時生。三十七年戊子，時年六歲。

樹德 鴻亮長子，字堯如。清光緒八年壬午八月初八日巳時生，民國二十三年甲戌二月十七日寅時卒。年五十三歲。

配章氏。清光緒十一年乙酉九月二十日□時生。民國三十七年戊子，時年六十四歲。

子二：長炳經，次炳緯。

女二：長聚瑛，適揚州朱懋俊；次聚珏，適蘇州俞壽昌。

**樹基** 鴻亮第三子，字樂羣。清光緒十年甲申十一月二十六日巳時生，民國

二十八年己卯九月□日□時卒。年五十六歲。

配沈氏。清光緒八年癸未八月十二日□時生。民國三十七年戊子，時年六十七歲。

樹基葬安徽。

子四：長炳光，次炳元，三炳兆，四炳允。

**樹滋** 鴻亮第五子，字軼凡。清光緒十四年戊子十月十二日戌時生。民國三

十七年戊子，時年六十一歲。

**樹蔭** 鴻亮第六子，字聞遠。現任職於臺北臺灣糖業公司。清光緒十五年己

丑十月二十日戌時生。民國三十七年戊子，時年六十歲。

樹侯 鴻亮幼子，字爵庭。清光緒十六年庚寅十月二十四日寅時生。□年□月□日□時卒。  
合葬福建。

樹人 鴻建嗣子，鴻亮第四子。清光緒十二年丙戌五月初五日戌時生。民國三十七年戊子，時年六十三歲。

配汪氏。清光緒十五年己丑三月二十八日□時生，民國二年癸丑九月二十日□時卒。年二十五歲。

樹人葬常山。  
子炳奎。

樹勳 鴻生嗣子，鴻亮次子，字雪孫。清光緒九年癸未十月二十六日午時生，民國□年□月□日□時卒。

配丁氏。清光緒十一年乙酉十一月二十六日□時生，宣統元年己酉六月二十五日□時卒。年二十五歲。

合葬福建。

樹常 鴻臚子，字恆安。嘉興秀州中學出身，曾任職於浙江省公路局、水利局暨江蘇省建設廳。抗戰軍興，赴桂林就任於資源委員會錫業管理處，主持計政。勝利後，主持淮南鑛路公司重慶辦事處。民國三十五年五月九日遷滬。現任淮南鑛路公司總事務處副處長。清光緒三十一年乙巳八月二十二日卯時生。民國三十七年戊子，時年四十四歲。

配徐爽，舜卿次女，江蘇武進人。清光緒三十二年丙午八月二十九日辰時生。民國三十七年戊子，時年四十三歲。

子二：長洞癆，年七歲。葬孩兒地。次星。

女二：長端癆，年六歲。葬孩兒地。次環，民國二十五年丙子八月十三日辰時生。三十七年戊子，時年十三歲。二中。民國三十二年癸未十月二十一日未時生。三十七年戊子，時年六歲。

樹高 鴻熙嗣子，鴻賓子，兼祧本生父。字望萱。清光緒十八年壬辰二月十六日卯時生，民國三十四年乙酉七月十一日亥時卒。年五十四歲。

配沈氏。清光緒十六年庚寅五月初五日辰時生。民國三十七年戊子，時年五十

九歲。

耐葬西門外糖會館後長豐橋相近鑑埜域。

子炳頤。

樹高 鴻賓子，嗣鴻熙，兼祧本生父。詳前

子炳頤。

女炳琛，適海鹽金海鄉何秉鑫爲繼室。

昌善 慶成子，字全昇，又字全孫。生卒年月日時待考。

## 十四世

懿德 蔭曾嗣子，誦芬第三子，字叔秉。清光緒三年丁丑十一月初四日丑時生，民國十九年庚午正月初三日寅時卒。年五十四歲。

配廖靜仙。行五。清同治十三年甲戌□月□日□時生，光緒二十七年辛丑來歸。

光緒三十四年戊申七月三十日□時卒。年三十五歲。

合葬常山麓。

子疇。

女稚，光緒三十三年丁未十一月□日□時生。字同縣梅宏昇，未嫁卒。

【記略】三叔母廖孺人靜仙記略

三叔母廖孺人，諱靜仙，行五，我母廖孺人之姊也。我母於光緒戊戌來歸，叔母意惓惓不忍舍，由是常來視我母。叔母秀慧絕人，有美人之譽，爲一鄉冠。又工刺繡，喜吟咏。先大母歿，太孺人絕愛憐之，視若己出，遂親之爲義女。既而許字康叔。三叔叔公小字康叔任職上海開泰木行，方議成婚，而光緒二十七年辛丑四月，猝丁先大父憂。吾鄉俗例，以男女當婚期而丁父母憂者，得喪喪成婚而後訃告，所以救婚媾之失時。族人以康叔及叔母已屆婚期，不宜愆誤，遂徇俗而匪喪以婚。婚後移家上海。光緒二十八年壬寅，生奇姊，一歲孺。叔母悲不自勝。時穠姊方三



歲，我母慰之曰：「姊勿悲，我以穉子姊。」叔母大悅，抱之歸。乳穉姊至六歲後有身。康叔因貽書我母，請往撫穉姊。姊見我母即投之於懷。我母將借之還，叔母戀戀不忍舍，哭甚哀。光緒三十二年丙午正月，祥哥兩魁兄小字生。叔母既以積勞，重以性本孤介，遭際折辱，遂病替亂。初，叔母家居時，值焚如之警，受驚而病，神思昏替。旋即告痊。至是激而復病。先大母乃赴滬視疾。迄秋涼，借之歸平湖。時外大母亦在我家，親撫祥哥。叔母病一年而愈。三十三年十一月，生三姊於平湖，復移家於滬。翌年七月三十日，叔母以疫癘卒於滬上。時年三十有五。今康叔三姊均謝世，祥哥戀遷有無，克自樹立。生四女而尙未有子云。

民國三十三年甲申四月二十六日穉姊臥病口述，旬記。

翰 誦芬長子，字翀若。初名天翰，又名彝倫，字伯敘，號適廬。清貢生。

入民國，歷任浙江省長公署祕書，海鹽興武學校平湖稚川學校暨稚川中學文史教員。同治十二年癸酉六月十四日酉時生，民國十七年戊辰五月初十日卯時卒。年五十六歲。著有適廬詩存一卷，六朝岐字辨異四卷，六朝碑誌集聯初編二卷，續編二卷。

配廖芝，字石仙，初名福芝。行六清光緒四年戊寅正月二十日子時生，光緒二十四年戊戌來歸。民國三十年辛巳五月十四日巳時卒。年六十四歲。著有

三生閣詩詞稿。

合葬常山。

子三：長旬；次囑，嗣外家廖氏後；三昀。

女二：長穠，字棣華，一字孟農。杭州女子師範畢業。曾任平湖淑英女校貽穀初級中學杭州

一中二部等校教員。清光緒二十六年庚子九月二十六日辰時生，民國十二年壬戌十二月初八日

子歸。三十七年戊子，時年四十九歲。適同縣胡士瑩。字宛春，詞人。歷任復旦大學聖約翰

大學國文教授，現任之江大學國文教授。著有霜江移詞。次穰，字叔真。日本奈良女子高等

師範學校理本科畢業，英國倫敦大學皇家學院研究員，美國哥倫比亞大學師範學院研究員。會

任浙江省立女子中學，市立一中，國立浙江大學附屬中學，國立中央大學附屬中學等校教員，

現任國立東方語文專修學校教授。清光緒三十一年乙巳十月二十六日寅時生，民國二十四年乙

亥七月初一日子歸。三十七年戊子，時年四十四歲。適績溪胡家健。字建人。國立東南大

學教育學士，英國倫敦大學皇家學院研究員，美國哥倫比亞大學教育碩士，曾任安徽省立第四

中學校長，省立宣城師範學校校長，國立浙江大學教授並兼總務長。現任國立中央大學教授。

【墓誌銘】平湖陳紳若先生墓志銘 戊子夏

通尹金問洙

先生諱翰，字紳若，初名天翰，又名彝倫，字伯敏，姓陳氏。先世于明嘉靖中自上元大井村遷  
居乍浦，爲浙江平湖人。至先生十四世。其始世爲醫。相傳倭至，寇鈔遇疫，脅之治，誓無犯

而許之。已而果去。六傳至諱永擲者，遺腹子也。母潘，苦節著于鄉。永擲子諱大來，更習商，者德好義。同縣張誠爲傳。大來子諱諤，治經世之學，著讀史摘論。季子珍，質疑累數百事，亟錄存之，以爲著書明理，不啻苟徇其私，今議吾書者自吾子始。又有拙修書屋文稿，鄉黨文獻，家世言行，載述詳贍。長子諱璞，先生本生高祖。仲子諱瑛，先生高祖也。曾祖諱維任，殉洪楊之難。祖諱家龍，授讀同縣葛氏。考諱誦芬。先生早擅文譽，爲縣學生，亦主葛氏，教其子弟。旋補廩膳生，又入費爲貢生，非其志也。其後出佐朱將軍杭州幕府，從之天津，還居海鹽興武學校數年，復歸館葛氏。葛氏家塾更爲稚川小學，廣爲中學，而先生皆爲之師，先後二十年。于是盡發守先閣藏書，益肆力于學。爲文尤工駢體，選聲振采，而清英明靡，曲達其旨。書初效松雪，進取則晉唐，旁規魏碣，調暢遒麗。性疏放，不立崖岸。農夫負販，酒家邂逅，談曠爲樂。謂人胡不隨遇自適，故又自號適廬。年五十六，疾卒，中華民國十七年也。所爲詩古今體存者二百餘篇，文多散逸。有六朝歧字辨異六卷，藏于家。配廖夫人，諱芝。紆布相莊，唱和不倦，亦工書，後先生十三年卒，年六十四。有三生閣詩詞稿。合葬于乍浦常山。生女二人：穠適同縣胡士瑩，穠適績溪胡家健。子三人：甸，鳴出後舅氏，吟。孫男女六人。乍浦故有陳氏，自上元來者二家，而先生家號爲東陳。自拙修老人以來，迄罷科舉，世爲諸生，文行卓卓，而終未克藉甲乙科致身名世。迨先生握瑜懷瑾，中酒高歌，蓋尤有士不遇之感。願一時月旦無異評。書之豐妍，文之粹美，里人子之爲其親壽者，必以爲寵榮。問誅大母七十時，

先生文與書實張吾家應事壁。往復循覽，悅于目，順于口，心泠然善之，恨不恆家居，未得事先生爲師也。而里人與問洙年相若者，往往嘗從受業，到于今稱道勿衰。令子句，遭逢喪亂，既董理先世譜系文字，而以先生銘墓之文屬問洙。詩云：「有匪君子，終不可諼兮！」其何敢辭。銘曰：

「連紙如田，秉筆則未。爲書爲文，禾黍蔚蔚。邑有君子，尙志博藝，南帖北碑，觀摹曉晦。出徐入庾，貫珠爲珩。書與心應，文以情會。兩美並工，中充外沛。不宏其施，而利其器。過雁有聲，馴鶴無慙。常山之陰，琴硯所憩。洗石鐫辭，顯于來裔。」

【哀啓】先嚴翁若府君哀啓

先嚴秉姿穎悟，氣體素強。先會王父惕三公極鍾愛之。甫四齡，先大母教太孺人卽教以識字。未及數月，字達三千餘。旣而先會王父親加指授。光緒己丑，先會王父棄養，先嚴年十七矣。卽徇劉子威表叔祖之請，課表叔心頤。未幾，又應平邑葛氏之聘，館於其家。壬辰，補博士弟子員。葛氏以守先閣藏書著聲於時。先嚴自擁皋比，劬學不怠，盡發其所度書讀之，恆徹夜未睡，學乃大進。所爲駢儷詩詞，旣已斧藻羣言，炳若綉繡。猶懼時藝之未就範也，乃問業於嘉喜許文圃先生。先生以畏友目之，不許執弟子禮。先嚴旣蚤聲譽，執經請業者益衆。歲戊戌，我母廖太孺人來歸。蘋蘩託興，時發詠歌，先嚴每爲之斟酌字句。倡隨之樂，一時鮮匹。先大父及先大母屢勸先嚴遷居近館，遂由乍浦移家平湖。辛丑，丁先大父憂。壬寅，不獲赴秋試，而

葛氏稚川義塾適於是年成立，聘先嚴主教國文史地等科。來校肄業者，半多橫舍生，及門著籍者，先後相踵接。會表叔祖劉子威大令攝同安篆，招先嚴赴閩，委以衡文之任。甲辰歲試，先嚴以一等第一名食餼。翌年，貢入成均。丁未十二月，不孝幼生。民國元年，海鹽朱公介人長浙。是年冬，聘先嚴出赴省垣，任省長公署祕書，時年已四十二。癸丑，不孝嗚生。後朱公辭省長兼職，專縮軍符。忽謂先嚴曰：「君欲官乎？」先嚴以不諳吏治謝之，乃留任將軍行署祕書。時爲迎養先大母計，已僦居於杭州湧金門紫城巷。公餘之暇，寄懷於六橋三竺間，儼然自得。民國五年，浙江獨立。復隨朱公抵天津。以勞頓故，陡患咯血，而精力自此衰矣。是年三月，不孝剛生。時我家尙寄居於杭，遂由津南下，回杭養河。居杭四載，同僚之驟躋顯要者甚衆，而先嚴淡泊自甘。人有詢之者，則曰：「余豈作官耶！余仍過我賣文賣字之生涯耳。」朱公卽世，其宗族仰承遺志，於公之故里海鹽，創設興武學校，聘先嚴任教習，遂移家焉。由是主講席者凡七年。歲庚申，先大母又棄養，先嚴哀毀之情，不能自己。十四年夏，稚川學校增開中學部，校長葛詞蔚先生與先嚴交最久，復聘先嚴爲中學部主任。復移家平湖。先嚴每逢假日，喜與金石書畫家遊。嘗進不孝等而詔之曰：「余中歲赴閩，曾訪朱文公講學之地。又登鼓浪嶼延攬風景，有記游詩，置諸行篋，卅年前事，如在目前。今幸子女均已長成，俟全國統一，余當漫游國內名山大川，凡鐵路已通之處，謀一往焉。」孰意義師直達幽燕，而先嚴病已不起。嗚呼痛哉！先嚴搆心論撰，獨關叮咛，不肯落人窺臼，用心過甚，體漸趨弱。手一編，酌卮酒，習以爲常。

去冬忽患噎症，以爲消化不良所致。今春因噎而隔，赴滬就診者三，歷經中德醫院徐衛如先生及寶隆醫院博羅醫師悉心診治，留院經旬。咸謂病在食道縮小，療治實難。抱病回里，又延茅拔醫師注射，病勢亦未減。三月杪，計榮民先生訪得一酒葷，煎湯服之，竟能進粥少許，謂可自此離險境矣。四月中旬，不孝旬請假省視，先嚴謂不孝曰：「有此仙葷，可無礙矣！」孰意五月初十晨二時，忽氣息急促。至五時，視覺模糊。時不孝鳴均均隨侍在側，先嚴命取手巾拭之，曰：「何以仍覺糊塗也。」茅醫師急爲之注射強心針，亦無效。延至六時半，竟棄不孝等而長逝矣。嗚呼痛哉！先嚴平日爲人誠懇，教子女以發展個性爲主。志乎商者習商，志乎學者就學。力所能及，無不允之。長女現任杭州一中二部教員，適同邑胡士登。次女肄業日本奈良女高師數理科，未字。不孝旬任職上海浙江實業銀行。不孝鳴習業於乍浦盛源錢莊。不孝均肄業稚川學校。各隨其志也。先嚴治學，蚤歲攻詩古文辭，後益致力於研體，皆自唐而浸淫於漢魏。書法始宗董米，晚近六朝墓志出土日多，購求精拓，終朝欣賞，書乃逼近六朝。著有適廬詩文集若干卷，六朝石刻辨字四卷，六朝碑誌集聯初編二卷，續編二卷，藏於家。不孝鳴均猝遭大故，不知所爲。不孝旬聞電遯歸，未及一面，定省多虧，負罪尤大。和淚濡墨，略陳梗概，伏乞斧鑒。

出嗣鳴

隸人陳

旬泣血稽顙

均

【藝文】適廬詩存

神若公翰

明月篇 并序

碧海青天，無夜夜長圓之月；金風玉露，有年年催老之秋。明蟾影裏，照窮聚散之場；儂桂香中，閱盡古今之變。自來關千里之音塵，美人云邁；寫九歌之怨恨，騷客多悲。地老天荒，不可問矣。況乎一年明月誰多，五夜佳期難再。反手指胸，情長兒女；對花酌酒，座集賓朋。今夕何夕，紅綃之鏡如窺；長歌短歌，青蓮之杯試舉。未必月能無恨，抑又人何以任與！乙未八月之望，天淨無雲，月明如畫。孤館人暇，前街夜涼。何須秉燭，始作清遊；卽此披衣，相招勝侶。高論別翻徐勉，同行載詠杜陵。聯臂而來，踏歌互答。當頭卽是，對影爲歡。無何，子猷權返，猶疑山下隨歸；賈島門敲，莫漫窗前推出。惜三五之期愆，有情未免；問盃虧而信杳，無語可傳。雖復妙高壽座，豈無水詞清冷；簽判官新，亦有高歌激越。然而舒其牢愁，闕彼情感。不惜吟苦，作明月篇。

纖雲夜皎遼天闊，星斗熒微如欲沒。千里明月照高秋，萬古高秋此明月。月圓月缺常折磨，玉宇瓊樓寒最多。鏡中雲鬢不長好，酒裏朱顏難久酩。朱顏雲鬢兩圓滿，行樂及時時有限。去年人面終無情，明日黃花渾不管。不管長宵與短宵，紅橋何處玉人簫。瑤鏡空涵下界淨，晶宮高聳天路遙。遙遙天路鏡相望，心逐輪飛排浩蕩。盈手明珠持贈君，願依金闕長無恙。金闕凌虛不可攀，明珠錯落空見還。誓將玉盤一擊碎，纖微流照徧塵寰。塵寰暗恨知多少，離合悲歡骨

磨老，極目素秋喚奈何，努力青春苦不早。秋來春去兩匆匆，憔悴羞郎復懊惱，願免虛稱不死藥，蟾蜍祇就可憐蟲。可憐蟾兔奪明燭，影轉牀前照幽獨，子夜午夜自盈虧，上絃下絃紛紛續。斷續因緣斷續愁，輕紅世界付東流。天心自古一輪月，人世能經幾度秋。翠袖伊誰人展拜，玉鏡顯了天公債，素娥居處本無郎，寄遠誠愁與情話。纏綿情話不堪聽，到底多情總薄情，漫把團圓妒明月，嫦娥贏得是虛名。

### 翠喜曲

春光澹蕩垂楊陌，惹露撩煙青一色。青樓有女不勝嬌，共說傾城與傾國。長安大道連狹斜，天津橋畔是儂家。學成歌舞不知恨，碧玉華年才破瓜。掌上腰肢輕莫比，楊枝宛轉春風裏，織眉宜笑復宜顰，小字卿卿喚翠喜。纏頭一曲千金珍，酒污翻破石榴裙，洞房夜夜人如月，綺陌朝朝朝騎似雲。霓裳舞破烽煙起，紅顏飄泊關山紫，琵琶彈出朔風寒，歸來依舊門如市。白馬王孫最少年，薄游意氣薰青天，尊前相見頻相顧，揀取花枝情悄然。金魚分司解人意，不惜黃金買佳麗，綰纒迎來桃李蹊，香車送入王侯第。王侯第宅遙相望，珠箔銀屏白玉堂，一從密踐三生約，誰得重窺半面妝。妝成不長娥眉嫉，寵愛專房恃顏色，美人價重河山輕，爲報雉媒剖龍節。風傳消息滿都城，頓使何郎受浪名，恨煞南臺飛白簡，啼妝滿面泣離情。覓別東君歸北里，無端強作商人婢，天家風月費平章，鸞語朦朧報天子。莫道紅顏薄命多，兩情脈脈隔銀河，秋來定有雕梁燕，銜卻楊花入舊窠。



題趙詠琴廣文遺照

獨立竟遺世，名山深復深。文章空慧業，風雨黯秋心。委蛻塵無跡，寒花夢可尋。祇餘一枝菊，淒斷楚天吟。

醉後懷馥卿

心緒如麻孰解紛，三杯醞飽恰醺醺。別無他好惟飲酒，世少知心尙有君。醉後未眠懷舊雨，夢中欲往阻寒雲。故鄉若問余生計，一自離居無見聞。

秋味

青鏡猶憶舊時歡，轉眼春華夢已闌。老去生涯詩淡泊，中年陶寫事辛酸。候蟲吟苦月初上，獨鶴夢醒霜正寒。向晚田園足幽趣，菜根滿把且加餐。

寒夜

孤館如舟夜，一燈如豆時。寒風寒雨信，客裏最先知。

秋老

空山有林薄，閒花隨意著，秋老無人攀，一叢自開落。

憶內

犀心鳳翼兩相諧，樂府新婚別已催。爭及扇頭雙蛺蝶，也隨人渡鷓鴣湖來。水晶簾畔笑開顏，賭韻拈題頃刻間。輸我鴉頭詩十絕，郵籤爲問幾時還。

爲刻書集資減潤鬻字啓

紳若公翰

僕也宦轍乍漂，旋驚弓鳥；歸帆無恙，幸漏網魚。退而盤居權鄉，坐謝華塵。秦山靈氣，鬱勃豪端；澗水澄瀾，瀟迴腕底。足遺琴書之歲月，藉銷墨塊於胸懷。議成六朝碑誌集聯初編二帙，續編一帙，六朝石刻辨字四帙，覆韻一集，曷免散亡；敝帚千金，謬自珍惜。不甄蕪蕪，僣禍棗梨。惟是毗陵銅模，鑄工奪易；洛陽楮葉，論直不賈。而羈人踰躅十年，飄蓬千里，空攜寶笈，未慙藏金。劉子解冠，身應選鏡之受；梁家椎齒，嬾無撤瓊可捐。贖此研田，勞我筆耨。所冀肴儲雞跖，腋貯狐裘。用備殺青之需，俾完存墨之願。塗鴉弗棄，羣公當樂與玉成；彈雀咸來，下走將快觀珠擲。

字若我兄大人者道文控

城高跨樓滿金碧  
水聲出硯有筆箋

紳若公翰

出申秋叶  
弟陳翰

【事略】憶母親

續

我的母親，我的母親永遠使我的心靈感到溫暖。不論浪跡在重洋外的晨霧裏，懸隔在萬壑中的月光下，也不論生活是安樂，是艱苦，還是孤寂，只要一憶起母親，便使我的心靈瀰漫着愛——唯一無條件的深邃無比的偉大無邊的慈祥之愛！

這是個奇跡，我的母親體格不大，而且相當清瘦，可是在她這個小小的體魄裏，竟蘊藏着那麼豐富的慈愛。不僅給予我這麼多，同樣地給予我的六個姊弟，同時還分給她的孩子以外的每個孩子，她是那麼慈祥地愛着他們。不，不只孩子，只要和她接觸的人們，也都會感覺她的慈祥的愛。母親常常教我們卹老憐貧，母親也常常告訴我們她的體驗：世間絕大多數原是善人，只要你以善意相待。的確，母親遇到的任何人，任是女傭、男僕、販夫、走卒，甚至暴徒、惡棍，站在母親面前，也都會變得那麼馴良起來。這當然是母親偉大的人格感召了他們。

記得我們童年頑皮之時，母親從不斥罵，更不體罰，至多要我們跪在燃點着的線香面前反省。尤其是我，常常頑皮到惡劣的程度，母親對我的訓導，也只是以愛來感化。可是我生性剛愎，總不善良起來。有一個夏天，大約在我十歲前後，一輪明月照得天空清澈似海，我搬了一隻小椅子，坐在母親膝前納涼，要母親講故事。母親說：「有個故事，從前你小聽不懂，現在我要講了。希望你永遠記在心頭。你的三姊穎官，生性溫和，只是不愛識字，所以父親不喜歡她，祖母外祖母也不喜歡她，要她跟女僕學習做事。六歲那年，她居然會烹茶了；每晚我上牀

後，將釵簪等卸下都交給她，第二天清晨她便全部送來給我。她平日寡言寡笑，見了祖母們當然更加膽小拘束，只在背人時，我把她摟在懷裏撫愛撫愛，往往兩人沈浸在淚水裏到好久。她是那麼瘦小，我是多麼心痛啊！真是「十個手指，個個連心疼！」就在那年秋天，她在廚房裏跟着女傭吃老菱積了食，醫藥無效而結束了她短短的痛苦的生命。」說着說着，母親早已滿眼淚水了。我也傷心得擡不起頭來。但是母親說：「故事還沒完，最可憐的是你常要她跟你玩，玩起來當然她處處讓你，你還要欺侮她。要她穿鞋，穿起鞋來，在將穿進時，你故意一摔，摔得老遠，要她再去檢來穿。再摔，再檢，總要磨折她好一陣。而她又含着眼淚，恨恨地向你瞅，再偷偷地瞧瞧祖母或父親，不敢違拗你，怕祖母們要責怪她。我真心疼，但又無可奈何。現在她已帶着一顆抑鬱的心，孤寂地躺在乍浦山上了。」（註：吾母生姊四，長及三均夭，不入譜。我不禁大哭，流着，流着，流不盡的痛悔的眼淚。從此我竟不再橫行霸道，非常順從母親了。

我母親是絕頂聰明的，她結婚後不久，便由父親處學會了填詞吟詩，而且進步極快。我曾問母親，爲什麼後來不繼續研究下去呢？母親說，做女子的下半生世應該完全爲孩子們活看的。一有孩子，日夜都忙不過來，那裏還有工夫？的確，我母親從二十一歲結婚，直到五十餘歲間的歲月，完全賜給了她的孩子們的。父親是具着傲骨的書生，有學問，有德望，有地位，但是對於名利極爲淡泊。數十年中，由乍浦而平湖、杭州、上海、海鹽、而再回平湖，幾經播遷，生活的艱辛，全靠母親，全靠她一心爲孩子的堅毅的意志克服了的。

母親的生活中心是孩子，孩子是她的靈魂。這麼多孩子，個個自己哺乳，儘可能還不肯假手於女傭的照管。視那些把孩子都丟給乳媪女傭的母親們，相去真如霄壤。我們入學後，如果返家稍遲，母親便要着急耽心，所以我們總不忍在外多逗留，因此，使我們至今還是這麼循規蹈矩，安分守己罷。母親常說，只願孩子們個個自立成人，不奢望飛黃騰達。這就是陶行知先生的所謂做「人中人」吧。母親確是賢明，思想非常透澈。她說：「人當生命結束時，實際上便一切都完了，但是又不得不說還有靈魂，還有來世。不然，人生太渺茫太沒意義了，在這無窮的空間和悠長的時間裏，只現了這麼一現，永不再來，永不再見。」

每當孩子們有病痛有急難時，母親就廢寢忘食。不，簡直忘去了自身的存在。我在三歲夏天出麻疹，那年特別炎熱，母親怕孩子受風，抱着躲在布帳裏幾日幾夜。我脾氣又躁，哭哭鬧鬧，母親怕我哭壞眼睛和喉嚨，就抱着在牀裏膝行。太累了，蹬下來稍休息時，我又大哭。母親不得不再撐起來膝行。結果，病孩好了，母親卻病倒了。

還有一次，我進中學的第二年正月，剛到學校，就得了濕溫症。父親特地從海鹽到杭州來，接我回去。搭上火車，天就下雨。到硤石時，大雨傾盆，坐轎趕到輪埠，輪船已經開走了。父親把發着高熱的我，安頓在埠頭待船室裏，自己冒着大雨去雇船。不久，回來說是雨太大了，什麼船都雇不到。高熱燒得昏沈沈的腦海裏，只記掛着母親在家的焦急，把父親的受苦完全忘了我的我，又是那麼倔強了：「無論如何，今天一定要回去，除非我死！」父親無奈，又冒着雨

出去，好久好久纔回來，全身已經盡濕，但臉上卻露着微笑說：「船雇到了，一隻小的脚划船。」父親坐着，頭頂住船篷，船身不過一丈。側枕在父親腿上的耳朵裏，只聽得急雨打水面，和船頭碰水聲。昏昏沈沈地過了好幾個鐘頭罷，一聲到了，時已夜半，不知那來的勁兒，我先跳上岸，直向家門衝去。果然，母親獨自守着油燈坐着。我向母親撲去，把晾着的一把雨傘都衝破了。

倒下牀後，一臥便二月。延請了多少的醫師，服下了多少的藥，陪伴着，撫慰着，最辛苦最憂急的當然是母親。兩月過後，病好大半。一天，母親離開久了些，我便偷着起來洗腳。自己總以為沒什麼的，那知就此翻病。非常的高熱，燒得幾日幾夜不知人事，飲食不進，醫師回絕。母親極度憂急，極度悲傷，總以為無望了。在無可奈何之中，竟然向神佛許起願來了，母親自來不信神佛的，或許是老天不忍負慈母的痴心，瀕死的孩子，居然復活了，不過慈母卻只賸一副骨架了。

這樣回憶起來，是寫不完的。

自從父親見背後，母親由大弟侍奉居滬，過着十年安樂的晚境。大弟天性仁厚，孝思甚篤，最像母親。母親自挽聯中的「蕉境足娛心」，這定是個最大因素。愧我經年飄泊，對母親永遠只有一個心。——我的心有時候還很苦，尤其是在下意識活躍的夢境裏。只有最近一次是例外：看見了母親，母親是那麽灑脫，對我說：「寬大些，原諒了吧，我早已超越了恩怨了。」但是

我還是痛哭醒來，因為我撲過去要抱住母親，母親卻飄飄然地去了。無可諱言的，在這一點，我的心總難平復。實在過去烙着的傷痕太深了！

但願母親在天之靈，真已超越了一切。願我也漸漸能淡忘了當母親臨終時那幅悲哀的場面。

三十七年十一月於南京

【哀啓】先慈廖太孺人哀啓

哀啓者，先慈廖太孺人早承庭訓，以才名鄉里。自歸先府君，閨中唱詠之樂，無間晨夕。先府君以衣食奔走南北，每一小別，輒形諸篇章。嘗共先府君遨遊山水，探幽覓勝，有古詩人之風。安貧樂道，不以富貴爲念。先府君佐朱將軍幕，而能高蹈以守清節者，孺人有以襄贊之焉。性慈愛，自外王母之歿，痛切於心，歷久而不衰，輒形諸詞章，見者皆稱其至性。愛子女尤至。既爲舅聘婦，又親往婦家，授之讀。雖值風霜雨雪，未嘗稍間。婦既來歸，復愛之如己出。慨自先府君之謝世，益以亂離，遂衷懷悵鬱。去冬忽患噎症，乃延中西醫師診治，斷係食道旁生癌，爲不治之症。切囑勿告先慈，善爲調攝，當可稍延歲月。旬等奔走衣食，不遑啓處，扶持慰藉，全賴兩姊。兩姊遠難來滬，得共聚首。故一年以來，先慈雖體氣漸衰，而衷心至慰，於回復健康之信念，初未絕望。至今年五月上旬，病勢轉劇，纏綿牀第，自知不起，作聯自挽云：

麴窳質傷身，奈和扁無靈，我今歸矣。阿孀定驚訝相責。

蔗境足娛心，喜兒女盡孝，又何憾也。適公當含笑以迎。

蓋有感於外王母廖母張太孺人獲享遐齡，壽至九十有四，無疾而終，遂不禁有「驚訝相賀」之慨也。並命身後之事，時值非常，均宜從簡。既而瘡塊擴展，延及胃腸，醫藥罔效，延至六月八日上午十時三刻，竟棄旬等而長辭矣。旬等遭此大故，哀慟在心，罔知所措，賴在滬親友，助理喪務。並登六月九日新申兩報訃告。卽於九日下午二時在安樂殯儀館含殮。靈柩暫厝館中丙舍。旬服務香港大成公司，奔喪歸來，不及一面。而遠道親友均未及赴告，負罪良多。和淚濡墨，略陳梗概，尙祈見宥。

出稿鳴

陳在哲 旬頓首 三十年六月十一日

吟

【軼事】靈閣憶語

勉成張大年

歲甲午清光緒二十年上元夜，我妹訪瀛生。時余虛年雖屆六齡，但因體弱多病，常不離母。我母先期邀五從母靜仙六從母若仙來家照管一切。兩從母待余極摯愛。是夕，因乍離母懷，啼哭不已。六從母頻以龍眼餌之。無如啖食太多，竟致不適。兩從母乃竭誠調護。六從母並自撰兒童故事，親爲講述；聽之津津有味，頓忘卻一切煩惱矣。迄今尙能憶及數事，爲小兒女講述時，益念從母不置！

余夙承六從母鍾愛，提攜保抱，問暖嘘寒，教及詩書，甘分棗栗。自六從母子歸後，余又時往進謁，信宿留止。每當風晨月夕，沖姨丈常與六從母討論藝文，商談字畫。余從旁竊聞緒



論，獲益良深。會記四十年前某晚，在平湖縣後底俞氏屋中，談及對仗。姨丈出聯甚多，命六從母及余作對。猶記一聯云：「四書五經，四五年讀畢。」六從母對云：「三男兩女，三兩步跟來。」姨丈云：「此可謂言之由衷。」其時膝下僅穠妹一人，及今思之，殆爲預言。時余以「三心兩意，三兩日決成」爲對。余之優柔寡斷，見於此矣。其所以能粗涉學問，略具溥通知識，而又不至隕越貽譏者，實自姨丈及六從母啓之。誘掖獎勵，無微不至，木本水源，實令人沒齒難忘！

沖姨丈因就館之便，遷寓平湖。平乍相距匪遙；但六從母家務羈身，歸寧時少。某歲，因我母邀約多次，惠然肯來，相聚數日而別。後寄詩二章，猶記其一云：「華堂團聚笑顏開，姊妹談心共把盃。話到深宵情更密，月移花影上牕來。」我母和原韻云：「久別重逢笑口開，恨無佳釀共銜盃。但期姊妹常相聚，不用舟車兩往來。」舊事填膺，此情如乍。

【藝文】三生閣詩詞稿

若仙廖太孺人芝

搗練子 荷塘納涼

池水綠，藕花紅，一扇清香一扇風。塘外蟬聲聲不絕，水雲蕩漾月朦朧。

又 南窗玩月

萬籟息，碧天空，深院吹來桂子風。何處琴聲彈夜月，月斜人靜露華濃。

又 庚戌六月治後觀經天大醮

焚絳蠟，熬鑪香，遊女如雲門觀妝。惟有那人剛半面，秋波轉處亂人腸。

上西樓 庚戌仲夏偕外子遊小湖壩

愛他水碧花紅，畫閣中，絳色紗窗輕啓好迎風。風吹面，凭欄立，語喁喁。茵蔯亭亭，花貌似郎容。

十六字令 秋閣

眠，蟋蟀聲聲到枕邊，紗窗掩，怕見月娥圓。

上西樓 余患足疾，半載未痊，於庚戌四月朔至嘉興福音醫院診治，留院十天。

西樓瓦綠墻紅，病房中，百葉長窗深閉怕聞鐘。晚妝卸，孤燈息，睡朦朧，蕉雨聲聲攪得旅魂備。

十六字令 探菱女

搖，蘭槳輕划菱女嬌，羞無語，低首暈紅潮。

上西樓 庚戌中秋夕，外子與二三友買棹買酒遊東湖，深夜來歸。余偶成上西樓一調。

一輪皓月當空，滿庭中，窗外金風乍起揭簾櫳。敲棋子，燈花落，意慵慵，人醉歸來更鼓已三通。

烏夜啼 辛亥六月十日，外子赴滬未返。是夕，針樓獨坐，偶成一闕，以遣悶懷。

畫欄斜倚迎風，月溶溶，記得前宵牽袂話離衷。湘紋枕，難尋夢，恨重重，簷前鐵馬不住響。

叮咚。

聞鄰居噴聲

清燈照壁夜三更，夢裏頻聞咳噴聲。宛似慈親生在日，傷懷倚枕到天明。

嘉猷 誦券次子，字仲宣。清光緒元年乙亥七月初九日子時生，民國二年癸

丑十月三十日子時卒。年三十九歲。

配汪氏。清光緒四年戊寅十二月十四日辰時生，民國三年甲寅十月二十八

日辰時卒。年三十七歲。

合葬燈光山。

子繼塲。附葬燈光山嘉猷塋域。

常經 誦券第四子。清光緒五年己卯十月二十一日未時生，光緒二十八年壬

寅六月十九日辰時卒。年二十四歲。

天爵 誦券第六子，字繩武。清光緒十四年戊子□月□日□時生。早卒。卒

年月日時俱無考。

令緒 元徵長子，字禹門。清光緒四年戊寅四月十一日卯時生，二十八年壬寅八月二十三日子時卒。年二十五歲。

令威 元徵次子，字子敬。清光緒十六年庚寅七月二十七日辰時生。民國三十

七年戊子，時年五十九歲。

配孫氏。清光緒二十二年丙申八月十八日戌時生，民國十六年丁卯四月二十五日午時卒。年三十二歲。

子三：長文雷，次文霖，文蕩，民國六年丁巳十一月初四日□時生，九年庚申五月二十四日□時殤，年四歲。三文霞。

女秀芳，民國九年庚申三月初七日戌時生。三十七年戊子，時年二十九歲。適新昌梁益心。

炳文 懋功義子，字訪漁。清光緒二十九年癸卯十月初九日午時生，民國二十八年己卯十月二十三日辰時卒。年三十七歲。

配富氏，炳文卒後改嫁。

炳文葬軍功廠骨塔前。

子二：長培本；次培根，出嗣外姓。

女蓉初，民國十九年庚午□月□日□時生。三十七年戊子，時年十九歲。適牙前至戚家。爲養媳。

炳樑 懋正長子。民國二十四年乙亥三月二十六日午時生。三十七年戊子，時年十四歲。

炳鈞 懋正次子。民國二十五年丙子閏三月初十日戌時生。三十七年戊子，時年十三歲。

炳謙 懋源嗣子，懋業次子，兼桃本生父。字喬森。民國十一年壬戌四月初一日午時生。三十七年戊子，時年二十七歲。

炳謙 懋業兼祧子，嗣懋源，兼祧本生父。詳前。

炳康 樹馨長子，字阜如。清光緒二十五年己亥十二月十一日□時生，民國三十七年戊子六月二十五日酉時卒。年五十歲。

配季玉青。清光緒三十二年二月初七日□時生。民國三十七年戊子，時年四十三歲。

子二：長頤來，次頤采。

炳華 樹馨第四子，字藹如。清光緒三十三年丁未十二月初六日□時生。民國三十七年戊子，時年四十二歲。

炳誠 樹馨幼子，字穆如。民國二年癸丑九月十五日□時生。三十七年戊子，時年三十六歲。

配劉聽雪。民國七年戊午九月二十四日□時生。三十七年戊子，時年三十一歲。

子頤宣。

女頤蘭。民國二十四年乙亥七月初三日□時生。三十七年戊子，時年十四歲。

炳宗 樹香義子。民國六年丁巳□月□日□時生。三十七年戊子，時年三十二歲。

炳鑑 樹爵子。民國三十七年戊子二月十九日丑時生。時年一歲。

行密 夷同嗣子，統照長子，字寧南。學名心正。民國二十九年己卯十二月十三日午時生。三十七年戊子，時年十歲。

弘宓 統照次子，字建南。民國二十二年癸未正月二十六日丑時生。三十七年戊子，時年六歲。

炳瑞 樹藩嗣子，樹馨第三子，字保樑。清光緒三十一年乙巳三月二十九日□時生。民國三十七年戊子，時年四十四歲。  
配趙氏。生年月日時待考。

子培□。

女美麗。民國二十三年癸酉十二月十八日□時生。三十七年戊子，時年十五歲。

炳麟 樹榮長子，字耿光。民國五年乙卯十二月十七日□時生。三十七年戊子，時年三十四歲。

配諸暨陳紹芳。民國十三年甲子十二月初六日巳時生。三十七年戊子，時年二十五歲。



女二：長培珮，民國三十三年甲申十一月二十七日卯時生。三十七戊子，時年五歲。次培  
□。民國三十七戊子□月□日□時生。時年一歲。

炳錕 樹榮次子。民國十九年己巳十二月初二日丑時生。三十七年戊子，時年二十  
歲。

炳岳 樹屏義子。民國十八年戊辰十二月十八日子時生。三十七年戊子，時年二  
十一歲。

炳釗 樹棠次子，字君俠。民國二年癸丑六月十九日亥時生。三十七年戊子，  
時年三十六歲。

配楊氏。民國五年乙卯十二月初六日寅時生。三十七年戊子，時年三十四歲。  
側室高氏。民國八年己未□月□日□時生。三十七年戊子，時年三十歲。

子培□瘍。民國三十七年戊子殤。

女惠玉。民國二十七年戊寅八月二十九日辰時生。三十七年戊子，時年十一歲。

炳衡 樹榛次子，字振中。平湖私立鏡心中學畢業。民國十二年癸亥五月初三日卯時生，三十年辛巳三月初九日酉時卒。年十九歲。  
葬珠山。

〔略記〕炳衡既卒業邑之鏡心中學，年十六，隨其二舅周星衡赴新加坡督商。居稍久，諳閩粵方言及英語馬來語。不幸染肺病，十八歲歸國，翌年病逝故里。迪食翁樹樞記。

炳彪 樹榛第三子，字衡中。上海大光中學畢業。現任職上海正興畫片公司。民國十四年乙丑十一月二十三日卯時生。三十七年戊子，時年二十四歲。

炳驥 樹榛第四子，字建中。現任職上海新亞書店。民國二十年辛未十一月二十九日子時生。三十七年戊子，時年十八歲。

炳經 樹德長子，字少白。民國二年癸丑九月二十五日卯時生。三十七年戊子，

時年三十六歲。

配□氏。

炳緯 樹德次子。民國十一年壬戌八月初七日未時生。三十七年戊子，時年二十七歲。

炳光 樹基長子。清光緒三十四年戊申二月初四日□時生。民國三十七年戊子，時年四十一歲。

炳元 樹基次子。清宣統元年己酉六月初十日□時生。民國三十七年戊子，時年四十歲。

炳兆 樹基第三子。清宣統三年辛亥十月十七日辰時生。民國三十七年戊子，時年三十八歲。

炳允 樹基第四子。民國四年乙卯九月初七日卯時生。三十七年戊子，時年三十四歲。

炳奎 樹人子。清宣統二年庚戌九月初四日□時生。民國三十七年戊子，時年三十九歲。

星 樹常次子。民國二十二年癸酉九月初五日子時生。三十七年戊子，時年十六歲。

炳頤 樹高長子，字養和。清宣統三年辛亥五月十六日卯時生。民國三十七年戊子，時年三十八歲。

娶同縣陸氏，介生女。民國元年壬子三月初二日辰時生。三十七年戊子，時年三十七歲。

子三：長培元，次培德，三培材。

女吉安。民國二十八年戊寅九月三十日未時生。三十七年戊子，時年十歲。

炳頤 樹高次子。民國十七年戊辰五月初十日寅時生。三十七年戊子，時年二十一歲。

### 十五世

疇 懿德子，字禹範。清光緒三十二年丙午正月初十日寅時生，民國三十五年丙戌五月二十二日□時卒於海鹽寓所。年四十一歲。

配海鹽嚴林珍。清宣統三年辛亥十月十五日□時生。民國三十七年戊子，時年三十八歲。

疇 疇祔葬常山麓懿德塋域。

女四：長慧中，民國二十五年丙子正月二十九日丑時生。三十七年戊子，時年十三歲。次慧華，民國二十八年己卯五月十七日午時生。三十七年戊子，時年十歲。三慧民，民國三十年辛巳十一月十二日子時生。三十七年戊子，時年八歲。四慧國。民國三十三年甲申三月初七日寅時生。三十七年戊子，時年五歲。

甸 翰長子，字萬里，一字禹平。上海浦東中學肄業，歷任上海浙江實業銀行行員，光華火油公司總帳，美盛洋行華經理，振豐毛紡廠副廠長，德懋企業公司董事兼協理。現任上海利安洋行副經理，振豐紡織廠董事，五昌毛絨紡織染整廠董事兼經理。清光緒三十三年丁未十二月十六日亥時生。

民國三十七年戊子，時年四十二歲。

配同邑戴芝英，景行次女。清宣統元年己酉八月初二日寅時生。民國二十年辛未七月二十四日來歸。三十七年戊子，時年四十歲。

子三：長勤，次勇，三劬瘍。民國二十五年丙子四月十五日亥時生，三十年辛巳閏六月十一日丑時殤，年六歲。附葬常山翰登域。  
女琳。民國三十年辛巳九月十五日寅時生。三十七年戊子，時年八歲。

鳴 外家廖忠移嗣子，翰次子。字千里，一字義惠。曾任職於上海通華企業公司，現任五昌毛絨紡織染整廠會計主任。民國三年癸丑十二月二十四日巳時生。三十七年戊子，時年三十六歲。

配丁毓賢，友梅次女。上海東南女體師畢業。民國四年乙卯七月十九日卯時生。二十七年戊寅七月初五日來歸。三十七年戊子，時年三十四歲。

子二：長功，次勛。

女二：長鑫蕩，次璋。民國三十七年戊子三月初二日戌時生。時年一歲。



昀 翰幼子，字百里，一子禹原。上海青年會中學畢業。現任職於上海大陸航業公司。民國五年丙辰三月二十日子時生。三十七年戊子，時年三十三歲。

配嘉善朱樂琴，仰之第三女。民國十年庚申十二月二十日巳時生。三十七年戊子八月十六日來歸。時年二十九歲。

文雷 令威長子。民國二年癸丑十一月十八日辰時生。三十七年戊子，時年三十六歲。

文霞 令威第三子。民國四年乙卯十月二十九日午時生。三十七年戊子，時年三

十四歲。

娶孫氏。

培本 炳文長子，字雪初。民國二十三年□月□日□時生。三十七年戊子，時年十五歲。

培根 出嗣外姓。炳文次子，字伏初。民國二十六年□月□日□時生。三十七年戊子，時年十二歲。

顯來 炳康長子。民國二十二年癸酉十月十九日□時生。三十七年戊子，時年十六歲。

頤采 炳康次子。民國二十四年乙亥十月二十八日□時生。三十七年戊子，時年十四歲。

頤宣 炳誠子。民國二十六年丁丑十月初七日□時生。三十七年戊子，時年十二歲。

培□ 炳瑞子。民國二十四年乙亥三月二十四日□時生。三十七年戊子，時年十四歲。

培元 炳頤長子。民國三十年庚辰十二月二十五日未時生。三十七年戊子，時年九歲。

培德 炳頤次子。民國二十二年壬午十二月初五日未時生。三十七年戊子，時年七歲。

培材 炳頤第三子。民國三十五年丙戌十一月初六日寅時生。三十七年戊子，時年三歲。

十六世

勤 甸長子，字思勤。現肄業南京金陵中學高中部。民國二十二年癸酉正月

二十日午時生。三十七年戊子，時年十六歲。

勇 甸次子，字思勇。現肄業南京金陵中學初中部。民國二十三年甲戌九月

二十六日寅時生。三十七年戊子，時年十五歲。

功 賜長子，字思功。現肄業上海正志小學。民國二十九年庚辰九月十九日酉時生。三十七年戊子，時年九歲。

勛 賜次子，字思勛。現肄業上海延平小學。民國三十一年壬午八月十三日戌時生。三十七年戊子，時年七歲。

跋

譜牒之學，其來舊矣。蓋自宗法之制建立而後，士人始以譜牒爲重，追仰先德，爭自濯磨，嚴婚姻，重嗣續，敬宗收族以相維相繫於不弊，蓋有其不可替者在焉。晚近學者昌言排詆宗法，遂棄譜牒而不復治。然西哲論學者主優生，歸本於遺傳，而上求之優良傳統。國人治其學者，返而求之於譜牒，於是知譜牒者，所以保持優秀氏族之優良傳統於不墮，而國族文化之所由託命焉。準斯義也，則吾族譜牒之修纂，不亦宜乎？我族世尙德行，崇儒素，若八世祖南英公、大來之孝思不匱，至性感人，嘗鬻產以濟朋友之子，鄉里稱其篤行。若九世祖汝師公、觀之肆力經史，以聖賢爲師，其謙冲之懷，淵懿之度，卓識識論，所以正俗貶時者，皆有常於今而足爲後人所矜式。至九世祖煥文公、朝則以勤儉起家，而救災卹鄰，濟貧扶困，練義勇以安鄉里，運儲米以濟閭中之饑，聲聞著乎朝廷。而十世祖雲溪公、佩、連、乘承先志，宣力國事以捍衛鄉邦，時值水災，則倡議賑濟，全活萬計。於地方公益，莫不悉力以赴。而先考紳若公、翰則淡泊自甘，守其清操，辭章墨跡，清英明靡，調暢道麗，尤爲邑人所稱。是則後人讀斯譜者，其必油然而興仰慕之懷，人知自奮，以激勵於爲善，所以保持我祖宗之淑德懿行於不墜者，必有在矣。此則纂輯族譜之微意焉。

間嘗考我家族譜創自七世祖華仙公、本、謙暨九世祖汝師公，惜已散佚。見存者爲十世祖禾獻公、重、修，暨我曾祖錫三公、鼎再修本。云自七世祖以上，文獻無徵，略而不具。嘗有志於重纂，而匆

勿未暇。癸未冬日，太平洋戰事突發，前上海租借地悉告淪陷，旬賦閒輟隱，始纂族譜。甲申春，得讀拙修書屋文稿，有汝師公族譜自序一文，云有「記略」三十三條，惜今已不可考矣。幸文稿中類多有涉我族文獻者，盥誦之餘，敬宗崇祖之念油然而生，因爲一一輯入譜中，所得視傷三公所修本路備。抗戰既克捷，旬於丙戌冬扶母柩回乍安葬，自族叔祖伯琴翁無樂處假得所藏家譜，據以增補。丁亥夏，始再易稿，並諮訪族滬族中諸尊長，承族叔祖恆安翁樹常出示所獲尊貴史實。始知十二世族祖少卿公<sub>訓</sub><sub>謹</sub>於壬子歲亦嘗重修族譜。乃彙萃成編，然時作時輟，遲至戊子秋，始克厥事。世變日亟，散佚堪虞，爰將稿本付印，分貽族人。旬不文，不能當修譜之重任，加以諮訪難周，缺漏必甚，體例或謬，乖誤良多。未敢裁定，故以稿名書，以明旬之僅能蒐集材料，俾族之有道德而能文章者要刪焉。

中華民國三十七年歲次戊子十月初一日十五世孫旬謹識



【附啓】族中尊長暨同輩如有見教，或商訂體例，或是正謬誤，或增補缺漏，或提供新資料，請就右列諸前輩中就便惠函，或直接函旬爲幸。

伯琴翁 乍浦城內西平橋

巨來翁 上海富民路 33 號

迪侯翁 上海成都北路順天村 148 號

恆安翁 上海江西路 181 號 207 室

旬 上海九江路 103 號 503 室

旬啓